Notes du mont Royal Www.notesdumontroyal.com

Cette œuvre est hébergée sur « *Notes* du mont Royal» dans le cadre d'un exposé gratuit sur la littérature.

SOURCE DES IMAGES Google Livres Chermett La Touz L E S 806481

EPISTRES Des freves D E Preschurt


SENEQUES:
PREMIERE PARTIE.



A LYON,

chez CHRISTOFLE FORMY, en rue Merciere, à l'Enseignes de l'Occasion.

AVEC PERMISSION.



LES

EPISTRES

E

SENEQ VE-

EPISTRE I.

ARGVMENT.

 Le temps est la seule chose que l'homme possede, & celle qu'il méprise le plus.

 Le seul remede qu'on peut apporter à la fuitte du temps, c'est de le bien employer en tout âge.

I. O i c y, Lucius mon amy, comme il vous faut faire: Desangagez-vous, & rendez-vous à vous-mesme; & desormais

MILLE DE LYON

desormais le temps que par cydeuant on vous a fair perdre par force, ou qui vous est eschappé d'autre façon, ramassez-le, & conseruez-le curieusement à l'aduenir. Croyez que ce que ie vous escris, est veritable. Du temps que nous auons, vne partie nous est ostée, l'autre dérobée, & l'autre s'écoule sans s'en apperceuoir: Mais on ne le sçauroit perdre plus honteusement, que n'en faisant point de compte. Vne grande partie de la vie se perd à malfaire, vne tres-grande à ne rien faire, & toute, à faire des choses à quoy nous ne pensons pas. Car où me trouuerez - vous vn seul homme qui mette prix au temps, qui taxe la valeur d'vn iour, & qui reconnoisse que de moment en moment il s'approche du tom-beau? Nous nous trompons ordinairement en vne chose; c'est que voulans considerer la mort, nous regardons devant nous, & la

la plus grande partie en est de sia passée. Tout ce que nous auons consumé de nostre âge, est entre les mains de la mort. Faites donc, ie vous prie, comme vous m'es-criuez, ne laissez pas eschapper vne heure seulement; & de cette façon employant le iour où vous estes au moins aurez-vous gagné ce poince, que vous n'aurez pas tant à faire du lendemain. Nous perdons la vie cependant que nous la differons; & tout ce dequoy nous iouyssons au monde, n'est à nous que par emprunt. Le temps est la seule chose de-quoy nous nous pouvons dire proprietaires: & tout le bien que la nature a voulu que nous posse-dions encore est-il si glissant & si sugitif, qu'il est en la puissance du premier venu de nous l'oster. Toutesfois nous sommes tellement aueuglez, que du plus petit bienfait que nous receuons, & duquel il est aise de nous acquerir, nous nous en estimons insiniment receuables: & si nous auons receu du temps; nous ne faisons pas compte de rien deuoir, combien que ce soit la seule saueur de laquelle l'homme du monde le plus officieux ne sçauroit iamais se reuencher.

II. Peut-estre que vous me demanderez de quelle façon ie m'y gouuerne, moy qui donne ces aduertissemens? Ie vous en parleray franchement, ie fais tout ainsi que fait vn homme qui ayme le luxe, & qui toutesfois ne laisse pas de prendre garde à ses affaires: le tiens le bureau de ma despense, & ne puis pas dire que ie ne perds rien : mais au moins puis-ie dire combien ie perds; pourquoy ie perds, & de quelle façon. Ie sçauray bien rendre compte de ma pauureté. Ainsi m'auient - il comme à ceux qui sont tombez en necessité par accident, & non par leur defaut. Tout

Tout le monde les plaint, mais personne ne leur ayde: Et quoy donc? Ie sçaurois estimer pauure celuy qui se contente du peu qui luy reste. Toutessois ie vous conseille de garder ce qui est à vous, & de commencer de bonne heure à vous rendre bon mesnager: Car ainsi que nos peres ont estimé tres - lagement; Il est bien tard d'espargner le vin, quand il est à la lie; patce que non seulement ce qui reste; est peu de chose, mais encore est-ce le pire du vaisseau.

፟፟ቚ፟ዂ፟ዀ፟ዀ፞ዀ፞ዀዀዀዀዀዀ

EPISTRE II.

ARGVMENT.

1. La lecture de diners linres muit plus qu'elle ne profite.

 Celuy n'est pas panure, qui a pen, mais bien celuy qui desire danantage que ce qu'il a.

A. ⊿ I. CE

Les Epistres

Les Epistres

E que vous m'escriuez, & ce que iournellement on me raconte de vous, m'en fait esperer beaucoup de bien. Vous n'aymez pas à courir, & ne rompez pas vostre repos en chan-geant à toute heure de place : cette agitation ne peut estre que d'vn esprit où il y a de la mala-die. Le premier argument qui nous fait juger que nous auons l'ame tranquille, c'est quand elle demeure ferme, & s'arreste auec foy: Toutesfois prenez-vous garde que cette lecture que vous faites de beaucoup d'Autheurs & de toute sorte de liures, n'ait quelque chose de changeant & de mal affeuré. Il se faut particulierement attacher à certains espriss, & se nourrir auec eux, si vous voulez rirer quelque chose qui vous demeure ferme en l'entendement. Estre par tout, c'est n'estre en nulle part. Ceux qui passent leur vie à voyager, font beaucoup d'hostes

e e

9

d'hostes & point d'amis. Il en prend de mesme à ceux qui ne prennent conversation particuliere auec pas vn esprit, mais pafsent en poste par dessus toutes choses. La viande qu'on rejette aussi-tost qu'on l'a prise, ne peur faire du bien , d'autant qu'elle n'a pas le loisir de se joindre à la substance du corps. Il n'y a chose au monde si contraire à la santé, que de changer trop souuent de remedes : & n'est pas possible qu'vne playe se rende cicatrice, quand d'vne heure à l'autre, on y fait essay de diuers medicamens. Iamais vne plante souuent remuée ne se peut bien enraciner! & n'y a rien de si vtile qui puisse faire bien, ne faisant que passer : La pluralité des liures diuise l'esprit; parce que ne pouuant lire autat de llures que vous en pouuez auoir, c'est assez d'en auoir autant que vous en ponuez lire. Mais vous me direz que tantost vous prenez A. 5

plaisir d'en voir vn, tantost vous en voulez lire vn autre : C'est le fait d'vn estomach dégousté, d'entamer plusieurs sortes de viandes, desquelles la diuersité fait plus de corruption, qu'elle n'apporte de nourriture. Lifez donc toufiours les plus approuuez: & si par fois il vous vient en fantaisse de vous diuertir à la lecture des autres, vous le pouuez faire, mais reuenez tousiours aux premiers. Ne laissez passer iour que vous ne vous soyez fortifié de quelque deffence nouuelle contre la pauureré, la mort, & les autres pestes de la vie: Et quand vous aurez ietté les yeux sur plusieurs choses de cette varieté, triez en vne, & mettez-la en reserue le melme jour:

II. Quant à moy, i'en fais ainsi. le lis beaucoup pour auoir le moyen d'apprendre quelque chose: Voicy le profit que i'ay fait auiourd'huy dans Epicure:

car il m'auient quelquefois de passer au camp des ennemis, non pour me ranger de leur party, mais pour espier leurs actions. C'est, dit-il, vne chose honorable que la pauureté contente. Mais ce n'est pas pauureté, s'il y a du contentement : Et quiconque se peut accorder auec la pauureté, ne peut ekte que riche. Ce n'est pas estre pauure que d'auoir peu, mais bien de desirer dauantage que ce qu'on a. Car, que nous importe combien nous ations de threfors aux coffres, de bleds aux greniers, de troupeaux aux champs, d'argent en viure, si nous auons touliours la main lus le bien de nostre veifin, 8 ne considerons pas ce que nous auons acquis; mais ce qui nous resterà acquerir ? Voulez - vous sçauoin quelle est la mesure des richesses La première estud'audir ce qui nous est necessaire : 80 la seconde d'auoir ce qui nous fuffic. EPA

EPISTRE III.

ARGV MENT.

a. Il faut penser long temps à faire un amy mais apres, l'auoir fais, il ne luy faut sensirien de caché.

2. On n'est pas moins blasmable. de ne se sier à personne, que de se sier à sous le monde.

3. Le Sege doit chercher le rapon dans un honnesse trauail.

L. T. Ous auez mis les lettres que vous m'escrinez, entre les mains d'vn que vous ma mandez estre vostre amy : puistout aussi de vous m'aduertisfez que le ne luy communique pasentierement tout ce que vous touche, de me dites que vous mesme n'auez pas de constume

de le faire : si bien qu'en vne mesme heure vous l'aduouez & desaduouez pour amy. Mais à mon aduis, vous l'auez appellé vostre amy d'vn nom general, comme nous baillons le tiltre de Monsieur à ceux que nous rencontrons par la rue, quand il ne nous souvient pas affez-toft comme ils s'appellent, Or oublions cela: mais ievous apprens que fi vous estimez quelqu'vn vostre amy, de qui vous ne vous fiez autant que de vous - mesme , vous vous abusez entierement, & ne sçauez pas ce que peut vne parfaite amitié.

II, Deliberez de toutes chofes auec vostre amy; mais delibe, rez de luy-mesme premierement; apres l'amirie contractée, il faut de la constance : deuant que de la contracter, il faut du ingement; Et ceux sont les choses au rebours, cui contre l'aduis que donne

Theophraste, attendent à iuger d'vne personne, apres qu'ils se sont embarquez à l'aymer, & comme ils l'ont reconnuë, c'est affez qu'ils en retirent leur amitié.Quand il sera question de faire vn amy, pensez-y long-temps auparauant: quand vous yous y ferez resolu, ne luy tenez rien de eaché: parlez aussi confidemment auecluy qu'auec vous-mesme. Il est vray que ie vous conseille de viure d'vne façon que vous ne fassiez rien dequoy vous craigniez de vous fier , melme à voltre ennemy. Mais parce qu'il se passe des choses que la coustume a mifes au rang de celles qu'on appel-le secrettes, faites part à vostre amy de tous vos ennuis; & generalement de tout et que vous auez dans le cœur. Vous le rendrez sidele, s'il voit que vous l'ayez en cette opinion : car il ad-vient souvent que faisans paroi-tre que nous avons peur d'estre trompez,

erompez, nous aduertissons les autres de nous tromper, & donnons vn honneste pretexte de manquer à ceux que nous ne te-nons pas pour gens de bien. Pourquoy donc reciendray- je en la prefence de mon amy, ce que l'au-ray volonté dedire? Et pourquoy ne me reputeray je en la compa-gnie aussi seul, que s'il n'y auoit que moy ?

II. Il y en a qui content indisferemment à toutes personnes ce qui ne se doit dire qu'à leurs amis; & deschargent incontinent ce qui les démange, en l'oreille du premier venu : d'autres au contraire sont retenus à l'endroit de ceux mesmes qu'ils ayment le plus, & rappellent tout ce qu'ils ont de secret au plus inte-rieur de leur ame, auec tant de soupçon qu'à peine se peuvent-ils asseurer de leur propte conscient ee. L'vn & l'autre sie valent rien : car il ne se faut ny fier , ny deffice dessier de tout le monde : il est vray que de ces deux vices, i'en tiendrois vn pour estre le plus honneste, & l'autre pour estre le

plus asseuré.

III. D'vne même raison pouuons-nous reprendre & ceux qui sont en vne perpetuelle inquietude, & ceux qui ne se reposent iamais: car ie ne trouue pas que ce soit industrie d'aimer la rumeur & le tumulte, mais plustost le debatement d'vne ame perplexe & tranaillée: comme aussi ie n'estime pas repos, de ne pouvoir supporter le moindre mouuement du monde, mais bien vne dissolution & languissement. Pour se vous retiendrez ce que i'ay rouué dans Pomponius: Il y a des hommes qui se sont tellement retirez aux cachettes de la solitude, qu'ils estiment tout ce qui est au iour, estre en trouble & confusion : ce sont deux poinces. qu'ils faut messer ensemble, tranailler« nailler en se reposant, & se reposer en trauaillant: Demandezen aduis à la Nature: elle vous respondra, qu'elle a fait le iout & la nuit.

፠፞ዀዀ፞ዀዀዀዀዀዀዀዀ

EPISTRE IV.

ARGYMENT

1. Du contentement de l'Ame, apres qu'elle a quisté les vices.

2. Du peu de sujet que nons auons

de craindre la mort.

3. La pauureté qui se mesure à la regle de la Nature, est la plus grande richesse de l'homme.

L. Ontinuez comme vous auez commencé, & vous hatez le plus qu'il vous sera possible, afin de gouster plus longtemps le contentement que donne l'ame, quand elle est reformée.

18 Les Epistres mée & reglée : Desia la peine qu'on prend à la reformation & au reglement est vne partie de cette iouyssance : mais le plaisir qu'apporte la contemplation d'v-ne ame, quand elle est dessa pure, luisante, & sans aucune tache, est chosebien plus agreable. Il vous souuient combien vous fustes aise quand on vous osta la Pretexte, & qu'on vous bailla la robbe d'homme: Vous le ferez fans comparaison, beaucoup dauantage, quand apres que vous aurez quitté cette ame de ieu-ne garçon, la Philosophie vous aura fair prendre place au nom-bre des hommes : car l'âge de cette enfance se passe bien, mais, ce qui est le plus importun, les conditions d'enfance nous demeurent : & ce que i'y trouue de pis, c'est que nous auons tout ensemble l'authorité des vieillards, & les vices des garçons non pas des garçons seulement, mais.

mais des enfans. Ceux - la craignent les choses de peu d'importance, ceux-cy apprehendent mesmes celles qui ne sont du tout point, & nous auons peur des vnes & des autres.

II. Apprenez seulement, & vous trouuerez qu'il y a de certaines choses qu'il faut d'autant moins redouter, qu'elles semblent apporter plus de stayeur & d'e-stonnement: le mal qui vient le dernier, ne peut iamais estre. La mort vient à vous : s'il estoit posfible qu'elle demeurast auec vous, ce seroit occasion de la craindre, mais il faut par force ou qu'elle n'arriue pas, ou qu'elle passe de long. Vous me dites qu'il est mal-aise de conduire l'ame à cette resolution de ne faire point de cas de la mort, mais ne voyez-vons pas combien sont petits les sujets qui souvent ont faict que plusieurs n'en ont tenu comte. Vn amoureux s'est pendu deuant la porte

de sa Maistresse; vn esclaue importuné des manuais traitemens de fon Maistre, s'est precipité du haut de la maison en bas; vn autre qui s'en estoit suy, a mieux aimé se mettre vne dague dans le sein que de se laisser ramener. Et doutezvous que la vertu n'ait autant de puissance comme la peur? Il n'est pas possible que celuy passe la vie en asseurance, qui prend trop de peine à la prolonger : il met le compte de beaucoup d'années entre les felicitez qui luy semblent plus desirables. C'est ce qu'il faut que vous ayez au deuant des yeux, afin que quand il-sera question de déloger, vous ne fassiez à regret, & ne l'embraffiez point comme font œux, qui en allant à vau-l'eau, trainez par la violence d'vn torrent, empoignent des espines, & s'accrochent à la premiere chose qui se presente. La plus grande partie des hommes, flotte entre la crainte de la mort, & les tourments

ments de la vie, pource qu'ils n'ont ny la volonté de viure, ny la science de mourir. Apprenez à vi-ure à vostre aise, en laissant à part les ennuis que vous peut apporter la solicitude de la vie. Vn bien pour grand qu'il soit ne peut réouir celuy qui le possede, s'il ne fait compte de le pouvoir perdre, & ne tient son ame preparée à cét inconuenient. Or il n'y a chose de qui la perte nous estonne si peu, que de celle laquelle estant perdue, ne se peur regretter. Il faut donc vous imaginer tout ce qui peut arriuer, mefme aux plus grands,& vous fortifier à l'encontre. La teste de Pompeius receut iugement d'vn pupille & d'vn châtré. Celle de Crassus esprouua l'insolence cruanté d'un Parthe. Caius Cesar remit celle de Lepidus à la discretion du Tribun Decius; & luy-mesme enfin bailla la sienne à Chereas. Iamais la Fortune ne met vn homme si haut, qu'elle

qu'elle ne le menasse de souffrir en soy-mesme, ce qu'elle luy permer de faire à l'endroit des autres. Il ne se faut pas sier à la bonnasse, la mer est irritée en vn moment, & bien souuent d'vne heure à l'autre, les bateaux se perdent à l'endroit mesme, auquel ils s'estoient sauuez auparauant. Souuenez-vous que vous pouuez auoir la gorge coupée aussi bien d'vn voleur que d'vn ennemy. Quand bien vous aurez vostre vie asseurée contre ceux qui ont le plus de puissance, vous n'aurez rien fait, puis que le moindre valet que vous aurez, a la puissance de vous l'oster, quand il luy plaira. Ie veux dire que quiconque mesprise sa vie, est maistre de celle d'autruy. Representez-vous les exemples de ceux qui sont morts de la main de leurs domestiques, ou par vne violence découuerte, ou par surprise, vous treuuerez que la colere des Roys n'en a pas fait dauantage mourir,

mourir, que le dépit & l'indignation des propres seruiteurs. Que vous importe donc si celuy de qui vous auez peur est fort ou foible, puis que le plus foible du monde, est assez fort pour faire ce que vous craignez? Mais si dauanture yous tombez entre les mains de vos ennemis, le vainqueur vous fera mener à la mort? le veux qu'il le fasse, vous fera-t'il mener en autre part qu'au lieu mesme où vous allez ? Pourquoy estes-vous si abusé de commencer à cette heure d'auoir sentiment d'vne chose que vous endurez il y a desia long-, temps? Ie vous dis que depuis l'heure que vous estes ne on vous mene continuellement à la mort. Ce sont les considerations qu'il nous faut auoir, si nous voulons attendre en repos cette heure derniere, de laquelle la crainte nous rend toutes les autres pleines de trauail & d'inquietude.

UI. Mais il est temps de clorre

ma lettre. Ie m'en vay vous faire part de ce que l'ay trouvé de bon auiourd'huy : cette fleur n'est non plus de mon iardin que les precedentes. La pauureté qui se mesure à la regle de la nature, est la plus grande richesse que l'homme sçache posseder. Voulez, vous sçauoir quelle est cette regle, & quelles bornes elle nous a prescrites, de n'anoir point de faim, point de foif, ny point de froid? Pour chasser la faim, & la foif, il n'est point question de courriser les portes des Grands, & se rendre sujet à leurs froides mines, qui ne sont qu'autant d'affronts counerts d'va ne apparence exterieure d'humanité. On n'a que faire de trauerfer la mer, ny de se consumer à la suitte d'vne atmée. Nature ne desire rien qui ne se trouue par tour, & auec peu d'incommodité. C'est aux choses superflues qu'on a de la peine, & qu'il faut suer pour les acquerir, que nous sont vier de Seneque.

25 nos habits, vieillir souz les tentes, & courir aux riuages estrangers. Ce qui suffit, se recouure sans beaucoup de difficulté.

EPISTRE V.

ARGVMFNT.

1. Il faut estre Philosophe en effet, & non pas en apparence.

2. Vne trop grande austerité de vie est ridicule & blasmable.

3. L'espoir & la crainte donnent la gesne à nostre ame.

I. J'Approuue infiniment vostre dessein, & suis bien aise de ce que sans vous soucier d'aucune autre chose, vous employez tout vostre labeur à vous reformer. & vous rendre meilleur de iour en iour. Ie ne vous conseille pas seulement de continuer, mais

ie vous en prie. Toutesfois gar-dez-vous de ressembler à quelques-vns, qui n'ayans pas tant de soin de bienfaire comme ils desirent, prennent plaisir à viure ou à s'habiller auec quelque par-ticularité qui les fasse regarder. Fuyez ces façons de faire de ceux qui se laissent croistre les cheueux fans les couper, negligent leur barbe, iurent vne haine capi-tale aux richesses, couchent contre terre; & toute telle maniere d'attifices, qui n'ont autre but que l'ambition, combien qu'ils la suitent par vne voye différen-te de l'ordinaire. Le nom de la Philosophie n'est de soy-mesme que trop vsurpé par d'enuieux & de calomniateurs; que sera-ce si nous commençons à nous separer de la frequentation du reste des hommes? le veux bien que nous differions d'auec eux interieurement; mais si faut-il que nostre apparence exterieure soit populaire:

laire: nesoyons pas ny superbes, ny mechaniques en nostre habillement : n'ayons point de moulure d'or, ny d'enrichissemens d'orfevrerie en noftre vaisselle d'argét: mais aussi n'estimons pas que ce soit vne grande marque de frugalité de n'en auoir du tout point. Viuons mieux que le peuple, non vas au contraire du peuple : autrement nous éloignerons de nostre compagnie, ceux de qui nous desirons l'instruction, & ferons que de peur d'estre sujets à nous imiter en toutes nos actions, ils ne nous voudront imiter en pas vne. La premiere chose que nous promet la Philosophie, c'est le sens commun, l'humanité naturelle, & la conuersation, de laquelle nous nous bannissons, si nous faisons des professions differentes.

II. Prenons garde que les chofes mesmes par lesquelles nous recherchons à nous faire admirer,

ne soient celles qui nous rendent odieux & ridicules. Nostre intention est de viure selon Nature. C'est chose contraire à la Nare de se tourmenter le corps, de mépriser les commoditez qui ne constent guere de prendre plaisir aux ordures, & se nourrir de viandes salles, grossieres & dédai-gneuses. C'est autant de folie de fuir les choses qui sont en vsage, & qui se recouurent auec peu de peine, comme c'est superfluité de rechercher les choses qui sont les plus delicates. La Philoso-phie veut bien qu'on soit so-bre & content de peu, mais non pas qu'à sorce de l'estre par trop, on reduise le corps à n'en pouuoir plus. Il faut qu'en la sobrieté tout y soit honneste, & qu'il n'y ait rien de mechanique. Ie n'ay-me que cette sorte de vie, Trouuons vn temperament à la nostre entre les bonnes mœurs, & les mœurs vulgaires. Qu'il n'y ait personne

personne qui ne connoisse nostre maniere de viure? Que tout le monde l'admire. Mais quoy? ne ferons-nous rien que ce que les autres font? N'y aura-t'il point quelque difference de nous à cux? Si aura certes, il y en aura beaucoup. Quelqu'vn nous veut-t'il trouuer à redire? Faisons luy connoistre que nous sommes fort dissemblables du commun des hommes. Que celuy qui entre dans nostre maison, tienne plus de compte de nous que de la richesse de nos meubles. C'est vne grande moderation à l'homme d'estre aussi content d'vne vaisselle de terre que d'vne d'argent. Mais ie ne l'estime pas moindre en celuy qui se sçait seruir de la vaisselle d'argent, comme de cel-le de terre. C'est auoir le cœur bien lasche que de ne pouuoir s'accommoder auec les richesses. Mais voicy le profit que i'ay fait autourd'huy, auquel is veux que

vous preniez part. l'ay trouué nostre Hecaton; Que le but de nos defirs fortifie entierement les remedes qui nous sont necessaires contre la peur. Soyez exempt de souhait, & vous le serez de crainte. Ne doutez point que deux choses si contraires ne puissent bien subsister entr'elles. Ce que ie vous dis est vray, mon amy Lucius; & quoy qu'elles ne semblent pas estre d'accord, elles le font neantmoins, & s'attachent l'vne à l'autre. Car comme le prisonnier & le soldat qui luy sert de garde, sont liez à vne mesme chaisne, ainsi ces deux choses, quoy que differentes, marchent ensemble, & la peur suit l'esperance.

III. Ie ne m'en estonne pas neantmoins, puis que toutes deux mettent à la gesne vn esprit irresolu, & sont doublement languir celuy qui est en attente. La principale crainte de l'vn & de l'autre procede sans doute, de ce que nous ne portons point nos penlées aux choses presentes, mais les enuoyons bien loing au deuant de celles qui sont à venir. Voila comme la Preuoyance, qui fait la plus haute felicité de la vie, est changée en mal-heur. Les bestes sauuages fuyent les dangers qu'elles voyent deuant leurs yeux, & sont en seureté apres en estre échappées. Il n'en est pas ainsi de nous. Le passé nous fasche, l'aduenir nous met en peine, & beaucoup de biens que nous auons, nous acheminent à de grands maux : car nostre memoire nous rameine la crainte, qui, est vne fascheuse maladie : & la Preuoyance la fait venir auant le temps. Or il n'y a point d'homme qui soit reduit à ce poinct de misere, par le seul obiet des choses presentes.

፟፟፟፟፟፟፟፟፟፟፟፟፟፟፟፟፟፟፟፟፟፟፟፟፟፟፟፟፟፟፟፟፟፟፟፟**ዀ**፞ዀ፟ዀ፟ዀ፞ዀ፟ዀ፟ዀ

EPISTRE VI.

ARGVMENT.

 Plus on se connoist estoigné du vice, & plus on est proche de la perfection.

 La science est inutile, si elle ne passe des vns aux autres.

 On apprend plus par la conuerfation des Doctes, que par la lecture de leurs liures.

I. Le commence à connoistre, mon Amy Lucius, que non seulement ie deviens meilleur, mais qu'il se fait vne nouvelle transformation de moy-mesme. Ie n'ose toutessois ny esperer ny promettre, qu'en ma façon de viure ordinaire, il n'y ait encore ie ne sçay quoy, qui a besoin de changement. Est-il incompatible

ble aussi, qu'en moy ne se rencontrent beaucoup de choses, qu'il faut necessairement, ou cor-riger, ou raualler, ou porter plus haut? Cela sussit desia, ce me semble, pour apprendre à mon esprit qu'il s'est changé en mieux par la connoissance qu'il a de ses vices, que iusques icy il auoit ignorez. Il y a des malades auec lesquels on se resiouyt, quand ils ont senty leur mal. le serois donc-ques bien aise de vous pouuoir faire part d'vn changement si prompt que le mien. Car ie com-mencerois dés lors à mieux esperer de nostre amitié : l'entends de cette vraye amitié, que ny l'espoir, ny la crainse, ny le soin que nous auons de nos interests ne nous penuent faire rompre: De cette amitié, dis ie, auec laquelle les hommes meurent, & pour laquelle ils ont du plaisir à mou-rir. Il ne me seroit pas mal-aisé de vous en nommer plusieurs, qui n'ont pas marqué d'amis, mais bien d'amitié: Ce qui ne peut aduenir, quand il se rencontre qu'vne mutuelle volonté rend aussi mutuels les desirs, dans la conioncture des choses honnestes. D'où vient donc que cela peut arriuer ainsi entre Amis? C'est de ce qu'ils sçauent que toutes choses, voire mesme leurs plus grandes aduersitez, leur sont ordinaitement communes.

II. Vous ne sçauriez croire combien ie prosite de iour en iour. Monstrez-moy doncques, me direz-vous, quels sont les moyens que vous auez pour ce-la, & faites m'en part, ie vous prie, puis qu'ils ont tant de vertu. Ie le veux; & il ne tiendra pas à moy que ie ne verse tout ce que ie sçay, dans le prosond de vostre ame. Car ie n'ay point de plus grand plaisir que d'apprendre afin d'instruire les autres. Aussire pensay-ie pas qu'aucune cho-

se, pour si vtile & si excellente qu'elle fust, me pust iamais plaire, si ie ne la sçauois que pour moy-melme. Si l'on me vouloit donner toute la sagesse du mon-de, à condition que ie la possederois moy seul, & ne l'enseignerois à personne, ie n'en vou-drois point. La iouissance du bien ne peut estre agreable, si l'on n'y associe quelqu'vn. Ie vous enuoyeray donc les mesmes liures, d'où i'ay tiré ces preceptes, & pour vous garantir de la peine de chercher par tout ce qu'il y a de plus vtile, ie vous marqueray les endroits que i'estime, & que i'admire le plus.

Vous ne profiterez iamais tant de la lecture des liures, que de la viue voix, & de la conuerfation des honnestes gens. Il faut que vous-mesmes veniez sur les lieux, premierement, parce que les hommes se sient plus à leurs yeux, qu'à

qu'à leurs oreilles : & qu'auec cela, le chemin est long par les preceptes, mais court & facile par les exemples. Cleanthes n'eust iamais bien ressemble à Zenon, s'il se fust contenté de l'ouir. Il a vefcu auec luy : il a veu comme il viuoit : il a remarqué ses secrets: il a estudié toutes ses actions . & a consideré si les siennes propres v estoient conformes. Platon, Aristote, & tous ces autres Philosophes qui ont introduit tant de Sectes differentes, ont plus appris des mœurs de Socrates que de ses paroles. Ce n'a pas esté l'Escole, mais la compagnie d'Epicure, qui a fait grands personnages Metrodore, Hermachus, & Polyenus. Ie ne vous appelle pas seulement pour faire vostre profit, mais asin que vous-mes-me puissiez estre profitable; & vous & moy nous nous soulage-rons beaucoup l'vn & l'autre. Cependant parce que ie yous dois felon

felon ma coustume, la rente de ma iournée, ie veux vous faire part d'vne chose qui m'a auiourd'huy grandement plû dans Hecaton. Vous demandez dit-il ce que i'ay appris; A m'aymer moy-mesme. Certes le gain qu'il a fair, n'est pas petit: il peut bien dire qu'il ne sera iamais seul, & vous pouuez bien vous asseurer aussi, Que celuy qui est amy de soymesme, le sera de tous.



EPISTRE VII.

ARGVMENT.

1. Fuïr la multitude.

 La compagnie nous gaste. Il blâme les spectacles des Gladiateurs.

3. Les vices s'insinuent par le nombre des exemples.

4. Il ne faut point chercher l'approbation du peuple.

I. Vous

1. Vous me demandez ce qu'il me semble que vous deuez principalement euiter. La multitude: vous n'y serez pas encore bien seurement. Pour moy ie confesse ma foiblesse. Quand ie vais en compagnie, ie n'en reuiens iamais comme i'y suis allé: mon equipage n'est plus en l'ordre où ie l'auois mis: il ne rentre chez moy aucune chose de ce que i'auois fait sortir. Il arriue aux esprits qui se remet-tent de quelque vieille indisposition, comme aux corps qu'v-ne longue maladie a mis si bas, qu'ils ne peuvent prendre, si peu d'air, qu'ils ne s'en trouvent mal.

II. La conversation de beaucoup de gens nous est contraire.

Il n'y en a pas vn qui ne nous
loue de quelque vice, ou ne nous
l'imprime, ou ne nous en laisse
quelque tache, sans que nous
nous en apperceuions. Tant plus
les

les compagnies sont grandes, &c plus nous sommes en danger. Mais il n'y a rien où les bonnes mœurs courent plus de fortune qu'aux theatres, car alors les vices s'écoulent par la porte qu'on a ouuerte à la volupté. Que pensez-vous que ie dis ? i'en reuiens plus auare, plus ambitieux & plus dissolu: & qui plus est, ie me trouve auec moins de douceur. & d'humanité, pour auoir esté parmy les hommes. Davanture ie me fuis auiourd'huy trouué au spectacle du midy, pensant y voir quelque farce, ou quelque bouffon; & enfin quelque paf-fe-temps qui m'ôtast le goust des cruautez qui se font aux spe-Oncles des Gladiateurs. Au contraire tout ce que i'auois iamais veu de combats, n'estoit que misericorde. On ne s'amuse plus à des bayes; ce sont homi-cides & non autre chose. Ceux qui combattent, n'ont rien que

la chemise; tout y est à descouuert : aussi ne donnent-t'ils point de coups qui ne portent. Il y en a beaucoup qui y trouuent plus de plaisir à cela qu'à voir combattre les tireurs ordinanires des armes ou ceux que le peuple demandoit : & certainement ils ont raison : car le fer entre par tout. Il ne se parle ny de casque ny de bouclier; aussi dequoy seruent-ils, ny toute cette dexterité qu'on apprend à l'escrime, si non de dilayer la mort de quelque moment? Au matin on fait combattre les hommes auec des Lyons & des Ours: Mais à midy on leur met leurs spectateurs en teste. Aussi-tost qu'il y en a vn qui a tué son homme, on le met aux mains auec vn autre qui le tuë; & ia-mais on ne laisse le victorieux en repos, iusques à ce qu'vn autre l'ait dépesché. Enfin le peuple ne s'en va point que tout ne soit mort : tout passe par le fer

& par le feu : c'est ce qui se fait tandis que le theatre n'est point empesché. Si quelqu'vn a fait vne volerie, on le pend. S'il a tué, on luy fait souffrir ce qu'il a fait. Mais toy, pauure miserable, qu'as tu fait qu'on t'ait condamné au spectacle de toutes ces inhumanitez ? à n'entendre que tuë, brusse, frappe. Pour-quoy est-il si lasche à s'enserrer? que n'est-il plus hardy à tuër? que ne meurt-il plus volontiers? Ils recoiuent des coups s'ils refusent d'aller aux playes, & faut que tous nuds ils cherchent l'espée l'vn de l'autre, & taschent de la rencontrer. Le spectacle est-il cessé, pour faire touliours quelque chole, on égorge des hommes:Et cependant vous ne vous prenez pas garde que vous baillez vn exemple qui peut tourner à vostre preiudice. Vous auez dequoy remercier les Dieux de ce que vous enseignez d'estre cruel à yn qui le peut apprendre. III. Vne

4 2

III. Vne ame tendre, & qui n'est pas bien imprimée du caractere de la Vertu n'est pas bien parmy la multitude : On se laisse facilement aller à ce qu'on voit faire à beaucoup de gens. Socrates mesme, Caton, & Lelius courroient fortune que la frequentation de si grand nombre de personnes dissemblables à leur humeur, ne leur mist l'ame en desordre, tant il est mal - aisé que ceux-mesmes qui se tiennent en meilleure assierte, ne succombent à l'effort des vices, qui viennent en si grande troupe pour leur don-ner l'assaut. Vn seul exemple d'auarice ou de luxure est capable de faire beaucoup de mal. Si nous viuons ordinairement auec vn homme delicat, sa conuersation peu à peu nous énerve & nous affoiblit. Vn voisin riche irrite nos cupiditez : il n'y 2 point de blancheur si nette qui ne se tache, quand on l'approche

de quelque chose qui ne l'est

point.

IV. Que pensez-vous que puisse deuenir vn homme qui a tout vn peuple sur les bras? vous direz qu'il faut qu'il se determine, ou d'imiter, ou de hair, & cependant I'vn & l'autre est dangereux. Il ne faut ny ressembler au nombre, parce qu'il est grand, ny hayr le grand nombre, parce qu'il ne nous ref-femble pas. Reduisez - vous en vous-mesme tant que vous pourrez. Cherchez la communication de ceux qui vous peuuent apprendre quelque instruction, & receuez en la vostre ceux à qui vous en pounez donner:ce sont des offices reciproques: en enseignant on est enseigné. Que l'enuie de produire vostre bel esprit ne vous fasse point entretenir toute sorte de personnes, ny disputer publiquement. Cela seroit bon si vostre marchandise estoit propre pour le peuple: mais il n'y aura personne qui

qui vous entende; Et si peut-estre il s'en trouue vn ou deux, il faudra que vous ayez la peine de les sormer vous mesme, & les rendre capables de ce que vous leur direz. A quoy donc vous seruira ce que vous auez appris? Ne craignez point d'auoir perdu vostre peine: vous auez estudié pour vous.

vous auez estudié pour vous.

Mais afin que i'aye estudié pour autre que pour moy, ie vous feray part de trois belles choses que i'ay rencontrées auiourd'huy, assez conformes à ce propos. Il y en acra vne pour acquiter cette lettre, & les deux autres que ie vous bailleray par auance. Voicy ce que dit Democrite. Vn homme seul m'est tout vn peuple, & tout vn peuple m'est vn homme seul. Vn autre aussi, quiconque il soit (car on ne sçait qui ce fust,) comme on luy demandoit que luy seruoit d'employer tant de temps apres vne chose que la difficulté rendoit si peu communicable, respondit fort

fort à propos? le me contenteray de fort peu de gens; & quand ie n'aurois personne, i'en aurois encore assez. La troissesme a bien de la grace: Epicure en est l'Autheur. Il escriuoit vn iour à vn de ses compagnons d'estude (ce discours n'est point pour tout le monde, ie parle à vous.) Nous nous sommes vn theatre I'vn à l'autre : ce font paroles, mon grand amy, qu'il faut auoir grauées au fonds de l'ame, pour ne sentir point ce chatouillement ordinaire que nous donne l'approbation d'vn grand nombre de jugemens. Vous estes loué de beaucoup, quelle occasion trouvez vous de vous glorifier, pour estre ce que plusieurs vous estiment? Ramenez ce que vous auez de bon à l'interieur.

EPISTRE VIII.

ARGVMENT.

- La vie contemplatiue n'est pas inutile.
- 2. Nous auons affez, quand nous auons ce qui nous est necessaire.
- z. Il lonë la Philosophie.
- 4. Les choses casuelles ne sont pas nostres.
- I. Vous vous estonnez que ie vous conseille de vous separer de la multitude, & ne chercher autre applaudissement que celuy de vostre conscience, veu que tout ce que commandent les Stoïques, c'est de mourir en action: Et quoy, pensez vous que pour estre chez moy ie demeure en vne chaire sans me remüer? Quand ie ne veux voir personne, c'est

c'est alors que ie cherche le moyen de profiter dauantage. Il ne se passe iour que ie ne fasse quelque chose, & que ie ne donne encore quelque partie de la nuict à estudier. Ie ne destine point d'heures au dormir, & ne permets pas à mes yeux de se clorre aussi tost que le sommeil les en sollicite. Ie les tiens à l'occupation le plus que ie puis, & ne me repose que quand le trauail & la veille m'ont fait succomber. L'ay quitté les affaires aussi bien que les hommes, & premierement les miennes. le fay celles de ceux qui viendront apres nous. l'escry de choses qui leur soient prositables,& tasche de leur laisser des advertissemens salutaires, comme de bons medicamens dont i'ay fait la preuue en mon propre mal. Il est vray que ie ne suis pas entierement guery: mais au moins il n'y a plus de chancre en mes vlceres. le monstre aux autres yn bon chemin que ie

n'ay connu que fort tard & bien las. Ie leur crie, gardez vous de tout ce qui plaist au vulgaire, craignez ce que la Fortune don-ne. Quand vous la verrez vous tendre quelque chose, deffiez vous d'elle: & ne passez pas plus auant. Les bestes & les poissons ne sont trompez que par quelque esperan-ce qui les resiouit. Ce que vous appellez presens de la Fortune, ce sont ses embusches. Qui voudra viure à son aise, qu'il se garde le plus qu'il pourra, de s'y laisser engluer. Ce qui fait en cela nostre misere plus deplorable, c'est la honte d'auoir pensé prendre, & se trouuer pris : cette course nous emmeine dans des precipices. Quand la vie est si haut esseuée, on n'en peut sortir qu'en tombant: la prosperité nous ébranle : il n'est plus en nous de nous arrester, il faut faire teste, ou s'enfuir;De cette façon, la Fortune ne nous abbattra iamais si elle nous donne quel

quelque atteinte, ou nous effleure la peau, c'est tout ce qu'elle nous

peut faire.

II. Tenez cette regle de viure, que vous treuuez saine & salutaire de ne traicer vostre corps qu'autant qu'il en a besoin pour s'entretenir en santé, sinon il vous donnera de la peine, quand il sera question de le faire obeir à l'esprit : mangez pour appaiser la faim , beuez pour estancher la soif; habillez - vous pour n'auoir point de froid, & contentez vous d'vne maison où le vent & la pluye ne vous puissent offencer: qu'elle soit ou de gazon ou de marbre, que vous importe? Vn hom-me est aussi bien souz du chaume, que souz de l'or. Ce qu'on adiouste pour l'embellissement n'est que superfluité: faisant compte, que vous n'auez rien d'admirable que l'esprit. Quand il est grand, tout luy est petit. Si ie me tiens ce langage, si ie le tiens à la posterité, ne trouuez vous pas que ie fais plus de service que de comparoistre à vne assignation pour plaider vne cause, ou d'aller mettre mon cachet au bas de quelque testament, ou de me trouuer au Senat pour assister vn amy de ma parole, ou de ma faueur? Croyez-moy, ceux qui semblent n'auoir point d'occupations, sont ceux qui en ont de plus dignes: ils negocient au Ciel & en la terre.

III. Mais il est temps de sinir cette lettre, & l'accompagner, commme i'ay commencé, de quelque present: Ce ne sera pas à mes despens, ie dérobbe tousiours quelque chose dans Epicure: voicy ce que i'y ay pris auiourd huy. Seruez la Philosophie, si vous voulez auoir la liberté. Vous n'estes point remis d'vn iour à l'autre. Vous estes expedié tout aussi-tost, parce que c'est la liberté mesme que la seruir. Vous me demaderez pourquoy ie prens ces sentences plustost

plustost dans Epicure qu'en noître escole. Mais vous,pourquoy ne les prenez vous plustost pour paroles sorties de la bouche de tout vn peuple, que de les attribuer à Épicure en particulier ? combien trouuez-vous de choses dans les Poëres, que les Philosophes ont dittes ou deuoient dire? Ie ne parle point des tragedies,ny de nos moralitez, de qui la matiere a quelque chose de seuere. Mais combien trouuez-vous de belles paroles dans les farces mesmes? Combien de vers dans Publius, qui pounoient auoir lieu dans vne tragedie? I'en rapporteray icy vn, parce qu'il concerne cette quatriesme parrie de Philosophie que nous venons de traitter. Il dit que les choses casuelles ne doiuent pas estre comptées pour nostres.

Ce bien n'est pas à nous qui nous vient par souhait.

Il me souvient qu'autrefois vous

52 Les Epistres.

m'en auiez dit vn de vostre sacon sur le mesme suiet, qui a bien meilleure grace, & moins de paroles.

Rien ne doit estre à nous que le

sort ait fait nostre.

En voicy encor vn de vous que ie ne veux pas laisser derriere,

Le bien qu'on peut donner l'on

peut aussi rauir.

Ie ne vous mets pas cela en compte: car il n'y auroit pas d'appatence de vous payer de ce qui est à vous.

EPISTRE IX.

ARGVMENT.

 Le Sage est inuincible aux incommoditez, mais non insensible. Il ayme d'auoir vn amy, mais n'en ayant point, il s'en peut passer.

2. Il

 Il faut aymer pour estre aymé.
 Le contentement de faire un amy est plus grand que de l'auoir.

 Les vrays amis ne visent qu'au bien de ceux qu'ils ayment. Des

amis de Fortune.

4. Le Sage pour viure heureusement, se peut passer de tout le monde mais pour viure, non.

5. Le Sage est content de sa condition & le fol au contraire.

Aduis de la reprehension que fait Epicure en vne Epistre, de ceux qui disent que le sage est content de soy-mesme, & par consequent qu'il n'a que faire d'amis: c'est vne reptoche que fait Epicure à Stilpon, & à ceux qui ont comme luy iugé que ce sust le souverain bien d'auoir vne ame insusceptible de toute apprehension. Mais nous equivoquerons, si pour exprimer ce que les Grecs nomment Apathie, nous voulons

4 Les Epistres

vier du mot d'impassibilité parce qu'il semblera quelquefois qu'il ait vn sens tout contraire à celuy que nous luy voudrons donner. Car nous voudrons parler de celuy de qui l'ame est si ferme & fi vigoureuse, qu'il n'y a douleur quelconque qui la puisse esmouuoir; & il semblera que nous l'entendions d'vn homme qui ne peut rien souffrir, & à qui seulement vne picqueure du doigt faile perdre le iugement. Voyez donc fi nous ne ferions point mieux de dire vne ame invulnerable, ou vne ame mise hors de toute souffrance. Voicy la difference qu'il y a d'eux & de nous. Nostre Sage est inuincible aux incommoditez, mais non insensible : le leur y est insensible auss. Nous auons cela de commun, que le Sage est content de soy-mesme, mais qu'il ne laisse pas d'estre bien aise d'auoir vn amy, vn voisin, vn qui loge auec luy, combien qu'il

ait en soy dequoy se passer de toutes choses. Voyez s'il n'est pas bien content de soy-mesme : que si par quelque maladie ou en vn combat, vne main luy est cou-pée, cét accident qui luy dimi-nue le corps, ne luy diminue point son contentement; si par quelque inconuenient il perd vn ceil, il se contentera de celuy qu'il aura de reste, & sera aussi aisé mutilé de ses membres, comme s'il estoit entier. Il ne desire point ce qui luy manque; mais il ayme-roit mieux qu'il ne luy manquast rien: aussi le contentement qu'il a de soy n'est pas tel qu'il ne vueil-le point auoir d'amy, mais que n'en ayant point il a moyen de s'en passer. S'il le perd, il ne se des'en passer. S'il le peru, il ne le de sespere point, parce que c'est vne place vuide qu'il peut remplir tout aussi tost qu'il luy plaira. Comme si Phidias perd vne sta-tuë, il en peut incontinent sai-re vne autre; luy tout de mesme, C 4 qui qui est grand Maistre en, la science de faire des amitiez, aura bien tost recouuré ce qu'il aura perdu. Vous demandez comment il en aura si tost fait vn autre? Ie le vous diray, pourueu que nous demeurions d'accord que dés à cette heure, ie vous paye ce que ie vous doy, & que pour le regard de cette lettre vous n'ayez plus tien à me demander.

II. Heccaton dit? Ie vous apprendray vne recepte d'amour, sans drogue, sans herbe, & sans charme quelconque: Voulez-vous qu'on vous ayme, aymez. Les amitiez nouuelles ont leurs voluptez aussi bien que les vieilles. Auoir, & faire vn amy sont choses où il y a la mesme difference qu'entre semer & recueillir. Le Philosophe Attalus disoit ordinairement, que faire les amis estoit plus doux que de les auoir, comme vn Peintre est plus aise de peindre que d'auoir peint. Cet-

te solicitude occupée à son ouurage luy est vn contentement extreme en son occupation. Comme il donne le dernier coup de pinceau, cette pensée s'éuanouit;parce qu'alors il ne iouit que du fruict de son art, au lieu qu'il iouissoit de son art mesme, quand il peignoit. L'âge de vingt ans est plus capable de scruice: mais l'en-fance à ie ne sçay quelle gra-ce qui donne plus de plaisir. Reuenons à cette heure à nostre propos.

III. Le Sage, encore qu'il se contente de soy-mesme, ne laisse pas de vouloir auoir vn amy, sinon, pour autre chose, au moins pour ne laisser point en friche vne vertu si belle & si louable comme l'amitié: Non point, disoit Epicure, pour auoir qui se tienne aupres de luy quand il se-ra malade; qui, s'il est en prison, luy aide à s'en retirer, & l'assiste de moyens, s'il est en necessité.

58

Mais au contraire pour auoir quelqu'vn qui reçoiue ces offices de luy, quand il en aura besoin. L'intention ne peut estre bonne de celuy qui fait amitié pour y trouuer le remede de ses incommoditez. Il acheuera comme il a. commencé : il a voulu auoir vn amy qui luy ofta la chaine des pieds, le clou n'en sera pas si-tost riué, qu'il ne prenne congé de luy: ce sont amitiez à la journée: vn amy qu'on a fait pour la commodité plaira, si long-temps qu'il en apportera : c'est pourquoy vous ne voyez qu'amis de toutes parts aupres des belles fortunes; & rien que solitude aux maisons de ceux qui font abatus. Les amis fuyent les occasions d'estre éprouuez & de là viennent tant d'abominables exemples de ceux qui par crainte abandonnent lâchement, & des autres qui trahissent infidellement ceux qui ont fait profession de bien aymer. Il ne faut pas que la fin

fin en soit meilleure que le commencement. Quiconque s'est fait amy parce que c'estoit son prositde l'estre, puis qu'en l'amitié il n'a prifé autre chose que l'amitié mé-'me, il n'y a point de doute que si l'argent l'en sollicire, il ne prise quelque chose au presudice de l'a-mitié. Qu'ay-je donc affaire d'a-uoir vn amy, afin d'auoir quel-qu'vn de qui s'assiste les necessitez, accompagne le bannissement, & defende la vie aux despens de la mienne, quand il en aura be-foin? Cette amitié que vous décriuez n'est pas vne amitié, mais vne negotiation, qui n'estime & ne regarde que le moyen qu'il y a de profiter. Il n'y a point de dou-te que la passion des Amans n'ait quelque chose qui ressemble à l'amitié; on peut dire que c'est vne amitié insensée: En voyez-vous quelqu'vn qui ayme sa Maistresse pour le gain, pour l'ambition, ou pour l'honneur? l'amour a rant

de contentement en soy-mesme, qu'il neglige toute consideration exterieure, & n'allume l'ame d'autre desir que de la chose qui semble belle, & donne apparence de rendre vne reciproque affection... Et quoy donc se peut-il faire qu'vne cause qui est honneste, fasse naistre vne volonté qui ne l'est point? Vous me direz que ce n'est pas à cette heure qu'il faut disputer si l'amitié est chose desirable de soy-mesme, ou pour quelque autre sujet. Car si de soy-mesme elle est desirable, il n'y a point de doute que celuy qui a son contentement en soy-mesme sans esperance de gain , & sans dessein de se fortifier contre la Fortune, ne s'en puisse approcher, comme d'vne chose belle en persection. Qui en fait prouision comme d'vn remede aux calamitez fortuites, il la fait descendre de son thrône & la met au rang du commun. Le Sage se contente de soy. C'est vne parole,

parole, mon grand amy, que beaucoup de gens interpretent mal:
ils la separent de la communauté
de toutes choses, & ne veulent
point qu'elle sorte hors de sa peau.
Pour la n faire, distinguer cette
proposition à des bornes, & ne
l'estendre pas indisferemment à
toutes choses.

IV. Le Sage pour viure heureusement se peut passer de tout le monde : mais pour viure, non: car en ce dernier il peut auoir à faire de beaucoup de choses : Mais en l'autre, il n'est question que d'auoir vne ame purgée de maunaises affections, éleuée au dessus des imaginations vulgaires, & resoluë à se rire du plus effroyable visage que la Fortune luy sçauroit monstrer. Voicy la distinction qu'en fait Chrysippus. Il dit que le Sage n'a faute de rien, & que toutesfois il a besoin de beau-coup de choses, le fol au contraire n'a besoin d'aucune, parce qu'il n'cn

n'en sçait point vser : mais il a faute de toutes. Le Sage à besoin de moins d'yeux, & d'affez d'autres choses necessaires au service de la vie : Mais il n'a faute d'aucune chose, parce qu'antir faute, presuppose la necessité: or il n'y a rien qui soit necessaire au Sage. C'est pourquoy bien qu'il soit contenu de soy-mesme, il ne laisse pas d'auoir besoin d'amis, & trauaille pour en acquetir le plus qu'il peut, non pour viure heureusement, car c'est chose que de soy-mesme il peut faire, quand il n'auroit pas vn amy. Le souuerain bien trouue en la maison toute la prouision qui luy fait besoin pour son seruice: il ne va rien emprunter dehors: il ne dépend d'autre que de soy-mesme? & s'il en vient là, que de mandier quelque chose, il est à la discretion de la Fortune : & ne faut plus qu'il parle de sa liberté. Ouy, mais. quelle

quelle triffe condition sera celle du Sage, si prisonnier entre les mains des ennemis, en quelque terre éloignée, ou retenu en quelque long voyage sur mer, ou ietté par la tempeste en quel-que riuage solitaire, il ne se trouue en toutes ses incommoditez secouru de l'assistance ny de la consolation d'vn seul amy? Il fera ce que sit Iupiter, quand apres la resolution vniuerselle du monde toutes choses estoient retournées en leur confusion premiere. Tandis que la nature est quelque temps sans recom-mencer la generation, il rappelle à soy toutes ses pensées, & se donne luy - mesme le con-tentement de s'entretenir. Le Sage a moyen d'en faire de mesme : il se resserre en soy - mesme, se tient compagnie, & tant que la disposition de ses affaires est en sa puissance, n'a besoin de personne que de soy. Auec CC

64

ce contentement il se marie: auec ce contentement il fait des enfans; & toutesfois s'il luy faloit viure seul, il aymeroit mieux ne viure pas. L'vtilité ne le porte point aux amitiez : c'est l'inclination naturelle que le prouoque. L'amitié, comme beaucoup d'autres choses, a ie ne sçay quelle douceur agreable à nostre goust, nous cherissons la societé comme nous haïssons la solitude; La nature, qui s'est proposée de faire viure les hommes ensemble, a voulu que les amitiez eussent vn certain éguillon, qui nous follicitast à les rechercher. Neantmoins, quoy que le Sage ayme extremement ses amis; qu'il prenne toute la peine qu'il peut d'en acque-rir; & que bien souuent il en fas-se plus d'estat que de soy-mesme; si faut - il qu'il termine en soy tout son contentement, & qu'il die ce que dit mesme Stilpon à qui s'attaque Epicurus. Comme apres apres sa ville prise, & sa femme, & ses enfans perdus, il se retiroit tout seul, auec vn esprit à qui les aduersitez n'auoient rien osté; Demetrius, celuy qui pour le nombre des villes qu'il auoit forcées estoit appellé *Poliorcetes*, luy demandant s'il auoit rien perdu: le porte, dit-il, tout mon bien sur moy: parole certainement qui resmoigna la force du ressort de son ame, & qui fut victorieuse sur la victoire mesine. Et de fait, Demetrius l'entendant ainsi parler, fut si confus, que presque il ne sça-uoit s'il auoit vaincu. Tout mon bien est auec moy: ma iustice, ma vertu, ma temperance, ma prudence : & cette resolution que i'ay tousiours euë de n'appeller point bien ce qu'on me peut oster, ne m'ont point esté emportées. Les voicy qui m'accompagnent auf-si entieres, & aussi miennes qu'auparauant. Si nous nous estonnons

nons de voir quelques animaux passer au trauers du seu, sans qu'il leur fasse mal : combien auons nous plus de sujet d'admirer cet homme, qui par la prise de sa ville, enuelopé dans le seu, les fers & les ruines, a trouvé moyen sans blessure ny perte quelconque de s'en dégager? Vous voyez en cela comme la conqueste de tout vn peuple est bien plus aisée que celle d'vn homme seul. Vn Stoïque tient le mesme langage, & aussi bien que Stilpon parmy le sac & la flamme des villes prises, conserue ses biens, & les emporte en toute asseurance auec soy. Il est content de soy mesme, & dans ces bornes limite sa felicité: Ne pensez pas qu'il n'y ait que nous de qui les paroles soient releuées. Epicure mesme, qui se messe de reprendre Stilpon, parle de mesme, ie m'en vay vous dire ce que c'est, & combien que

ce iour icy ne soit plus du com-pre, vous ne laisserez pas, s'il vous plaist de le prendré en bonne part. Quand la terre entie-re seroit le patrimoine d'vn homme seul, il est miserable, s'il ne pense auoir assez : ou bien si vous l'aymez mieux en autres termes (car il faut prendre plustost garde au sens qu'aux paroles.) Quand vn homme auroit l'Empire du monde, s'il ne s'estime heureux, il ne l'est point. Et afin que vous connoissez que tout cela part d'vn sens commun, & que ce sont leçons que fait la nature à toutes sortes d'esprits, vous trouuerez en vn Poëte comique.

Celuy n'est pas heureux qui ne

pense pas l'estre.

Car que peut - il seruir comment vous soyez, si vous pensez estre mal? Et quoy donc à vostre compte vn qui sera vilainement riche, & qui aura sorce valets, mais encore plus de maistres stres, sera bien-heureux, pourueu seulement qu'il vueille dire, qu'il s'estime tel? Ie n'ay que faire de ce qu'il dit; Ie regarde ce qu'il peut, & non pour vne fois seulement, ou pour vn iour, mais ce qu'il peut continuellement; n'ayez pas peur que cette magnanimité si ferme & si resoluë, se trouue en vn homme qui n'ait du merite. Il n'y a que le Sage capable de se plaire; Toute folie porte auec elle vn degoust de sa condition.



EPISTRE X.

ARGVMENT.

 Les meschans ne doiuent point viure seuls.

 Quels doinent estre les vœux des gens de bien.

3. Qu'il faut viure aueç les hom-

de Seneque 69 mes comme estans regardez de Dieu, & parler auec Dieu , comme estans escoutez des hommes.

I. TE suis tousiours d'vn mesme Laduis. Fuyez les grandes compagnies: fuyez les petites: fuyez mesme la conuersation d'vn homme seul : voyez où va mon iugement. Ie ne treuue personne de qui ie vous permette la communication, & toutefois ie vous oze bien laisser entre vos mains. On conte que Crates, escolier de ce mesme Stilpon, de qui i'ay fait mention en ma precedente, voyant vn ieune homme se promener à part, luy demanda ce qu'il faisoit seul? A quoy le ieune homme ayant respondu, qu'il s'entretenoit auec soy-mesme, Crates luy repliqua, Donnez-vous bien garde, ie vous prie, que vous ne vous entreteniez auec vn homme qui ne vaille rien. Nous tenons ordinairement des gardes aupres de ceux qui

qui pleurent vne personne morte, ou qui ont quelque frayeur en l'a-me, de peur qu'en la solitude il ne leur vienne quelque trouble qui les induise à se faire mal. Il faut en faire de melme aux mal-aduisez: car comme ils n'ont personne qui diuertisse leur dangereuse inclination, ils se proposent des choses pernicieuses, & iamais ne font sans quelque imagination funeste, ou pour eux ou pour autruy. C'est alors qu'ils repassent en leur esprit tout ce qu'ils ont de mauuailes intentions; qu'ils tirent au iour tout ce que la honte ou la crainte leur faisoit tenir caché; prouoquent leur audace; irritent leur paillardise, & sollicitent leur colere par les moyens qu'ils luy mettent en auant de se vanger. Enfin tout ce que la solitude a de commodité, qui est de ne se découurir à personne, & de ne craindre point d'estre accusez, est perdu pour eux, ils se découurent

de Sentque. 71 & se trahissent eux-mesmes. Voyez donc combien i'espere de vous, ou plustost comme ie m'en confie:Car l'esperance est vn nom qui ne convient qu'aux choses, où il y a encore de l'incertitude. Ie ne trouue personne à qui ie vous ayme mieux bailler en garde qu'à vous melme. Ie me ressouuiens de quelque langage que ie vous ay ouy tenir, plein à la verité d'une grandeur de courage vrayement solide, & bien conforme à la vigueur de l'ame qui le produisoit. le m'en resiouis des l'heure, & dis en moy-mesme: Ce ne sont pas là des paroles qui viennent du bout des levres, le fondement en est plus auant: voicy vn homme qui n'est pas fait comme beaucoup d'autres: il n'a pas enuie de se perdre:c'est ainsi qu'il faut parler:c'est ainsi qu'il faut viure.

II. Prenez garde que rien ne vous fasse baisser le cœur : n'importunez point les Dieux de vous accor

accorder ce que vous leur auieze demandé par le passé : quittez-les de vos vœux precedents : faites en de nouneaux: Demandez-leur vne conscience sans fraude, vn esprit sans trouble, & vn corps sans malice: ce sont-là des vœux qu'il ne faut point craindre de leur faire. Ils ne sont iamais mauuais visage à nos requestes, quand nous ne leur demandons rien du bien d'autruy.

III. Mais afin que selon ma constume vous ne receuiez point ma lettre sans quelque present, ie vous diray vne chose tres-veritable que i'ay apprise dans Athenodorus. Vous pouuez dire que vous estes hors de toute passion, quand vous en estes venu là que de ne rien demander à Dieu, que vous ne luy puissiez demander tout haut, & à la veue de tout le monde. Car auiourd'huy, quelle solie est celle des hommes? Ils ne desirent rien de si mal-honneste, qu'ils n'osent

n'osent demander à Dieu: tous leurs vœux sont autant de crimes: Si quelqu'vn fait semblant de s'approcher d'eux, ils se taisent tout aussi-tost: & content à Dieu des choses qu'ils ont honte qu'vn homme sçache. Voyez donc si nous ne pourrions point tenir cette maxime pour vne regle de vie: viuez auec les hommes, comme veû de Dieu, parlez auec Dieu comme escouté par les hommes.

፟፟ቚ፟ዀ፟፧ቚ፟፟፟፟፟፟ቝ፧ቚ፟፧ቚ፟ቚ፞፧ቚ፞ቚ፞

EPISTRE XI.

ARGVMENT.

Il deffend ceux qui rougissent.

2. Les habitudes naturelles ne se peuuent changer.

3. Il se faut tousiours imaginer quelque homme d'honneur pour témoin de nos actions, asin de ne rien faire mal à propos.

D I I

74
Les Epistres

I. E me suis entretenu auec vn de vos amis du meilleur naturel qu'il est possible, & ay re-connu son iugement, son hu-meur, & sa sussissance, aussi-tost qu'il a commencé de patler. Ie pense qu'il me laissera le goust qu'il m'a donné : car en ce qu'il m'a dit, il ne pouuoit y auoir rien de preparé, parce que ie l'ay surpris : il y auoit dessa quelque temps qu'il estoit reuenu à soy, que la honte (vn des bons signes que puisse auoir vn ieune-homme) ne luy pouvoit encore sortir du visage, tant la rougeur s'y estoit ramassée de toutes parts. C'est vne foiblesse que ie n'ay pas opinion qu'il perde iamais, quelque asseurance qu'il prenne, quelque vertu qu'il acquiere, & à quelque persection qu'il puisse arriuer.

II. Il n'y a point de sagesse qui puisse rien contre les defauts que naturellement nous auons ou

au corps ou en l'esprit : Ce qui naist auec nous se peut adoucir, mais non pas vaincre. Il y en a qui ne parlent iamais en grande assemblée qu'ils ne soient tout en eau, comme s'ils auoient fait quelque grand effort, d'autres à qui les ge. noux tremblent, d'autres à qui les dents s'entrechoquent, la langue begaye, & les levres ont vn mouuement qu'il ne leur est pas possible d'arrester. Il n'y a point de preceptes contre ces imperfectiós: la nature veut demeurer maistresfe, & que les plus forts connoisfent qu'ils ne le sont pas affez pour luy resister. Le rougir est du nombre de ces infirmitez, & quelque. grauité qu'ils ayent, il n'y a moyen de s'en parer. Il est bien vray qu'il paroit dauantage aux personnes ieunes, parce que leur lang est plus chaud . & leur peau plus deliée. Mais les plus experimentez & les plus vieux ne s'en garentissent point. Il y en a qui ne sont iamais

plus dangereux que quand ils rougissent, comme s'ils auoient espandu toute leur honte. C'estoit signe que Sylla entroit en furie, quand le fang luy montoit au visage. Il n'y auoit rien de moins effronté que Pompée: iamais il ne parloit deuant deux personnes qu'il ne rougist : aux assemblées cela luy estoit infaillible. Il me souvient qu'on fist vn iour entrer Fabianus au Senat pour porter quelque témoignage: Il deuint rouge, & cette honte luy donna merueilleusement bonne grace. Cela ne vient pas de foiblesse d'ame, mais de la nouueauté des choses, qui bien qu'elles n'estonnent pas, elles troublent toutesfois faute d'acoustumance pour vne facilité naturelle qu'on a de s'émouuoir. Car comme il y en a de qui le fang ne bouge iamais de sa place; Aussi y en a-t'il qui l'ont si remuant, qu'il ne leur peut rien

rien arriver, que tout aussi-tost la couleur ne leur vienne au visage. La sagesse, comme i'ay dit, n'y sert de rien: autre-ment la nature mesme seroit en sa domination. Quoy que l'homme fasse, & quelques reglemens qu'il donne à son Ame, les habitudes que la temperatu-re du corps & la condition de sa naissance luy donnent, ne se separeront iamais d'auec luy. On ne les peut, ny chasser quand on les a, ny faite venir, quand on ne les a point. Les Comediens qui se messent de contrefaire nos passions, nos craintes, nos estonnemens, & nos tristesses; quand ils veulent representer la honte, tout ce qu'ils peuuent faire, c'est de baisser la teste, d'humilier leurs paro-les, & tenir les yeux fichez en terre: mais de rougir, il n'y a moyen. Le commandement & la difference y font inutiles. D 3 Aussi inutiles. Aussi la sagesse, qui connoit bien qu'elle n'y peut de rien seruir, ne nous y promet point de remede: c'est chose qui vient sans qu'on l'appelle, & qui s'en va sans qu'on la chasse, comme ne dependant d'ailleurs que de sa propte iurissicaion.

Ma lettre veut que ie la finisse par vue sentence: en voicy vue tres-vtile & tres-salutaire, que ie voudrois qui vous sust grauée au

cœur.

II. Il faut choisir quelque homme de bien, & nous imaginer que nous en sommes perpetuellement éclairez, asin de ne faire, que ce que nous ferions, s'il estoit present. Ce precepte, mon grand amy, est d'Epicure, qui non sauch a iugé, que nous auons besoin d'vn gardien & d'vn precepteur. Il ne seferoit pas la moitié des crimes qui se font, s'il ne se pouvoit rien faire qu'en la presence d'vn tesmoin. Il

est bon que nostre ame se propose quelque personne de merite à respecter, & de qui l'authorité l'obligeà ne faire ny penser chose qui soit mal à propos. O que bienheureux est l'homme qui a cette puissance, que non à le voir, mais à se la representer seulement, on se fasse homme de bien ! & bienheureux celuy tout de mesme, qui en peut tellement respecter vn autre, qu'il ne faut que la seule souuenance, pour le remettre, ou le retenir en son deuoir! Quiconque est capable de rendre ce respect, sera bientost digne de le receuoir. Le vous conseille donc de choisir Caton. S'il vous semble trop rude, prenez Lælius, qui n'est pas si bandé, ou bien quelque autre de qui le parler, la vie, & le visage où se manische l'interieur, vous seront plus agreables. Monstrez-le vous à toute heure, ou pour estre en sa garde, ou pour yous composer à son imitation. Ie vous dis encores vn coup, que nous auons besoin de quelqu'vn sur lequel nous prenions les preceptes de nostre vie : sans vne regle, il est impossible de redresser ce qui n'est pas droit.

፟ቝ፟ጜዀ፟ጜዀ፟፧ዂ፟፧ዀ፟ጜዀ፟ጜዀ፟ዀ፟ዀ፟

EPISTRE XII.

ARGVMENT.

1. Toutes choses representent à l'homme sa vieillesse.

2. La vieillesse n'est pas sans plaisir.

3. Estre preparé à mourir tous les iours.

4. Il est en nous de finir nos miseres, quand il nous plaist.

E quelque part que ie me tourne, ie trouue par tout des tesmoignages que ie suis vieil. le m'en estois allé en ma mailon

maison aux champs, & me plaimation aux champs, & me piai-gnois de ce qu'il me coustoit à l'entretenir, la response de mon fermier sur, que ce n'e-stoit pas sa faute; mais que le bastiment estoit vieil, cepen-dant il n'y auoit rien que ie n'eusse fait faire. Que dois - je penser de moy: si le temps a vsé les pierres qui sont de mon âge? Cela m'ayant mis en colere, ie pris le premier sujet qui se prefenta de m'attaquer à luy , & luy dis ; Il se connoit bien aux plantes qu'ils sont mal entretenus, ils n'ont point de fueilles, les branches en sont tortuës & pleines de nœuds : comme le pied en est miserable & rude, si vous auiez esté curieux de les fossoyer, & de leur rafraichir la racine, ils ne seroient pas comme cela, il me iure qu'il y faisoit tout ce qui s'y pounoit faire, & qu'il n'estoit pas pos-sible d'en auoir plus de soin qu'il

en auoit, mais que les arbres estoient vieux. Cecy demeure en tre nous: Ie les ay plantez, & en ay veules premieres fueilles. Comme ie me tourne vers la porte, ie demande qui est ce bon homme, qu'on a mis là si à propos, comme prest à partir. Où l'auez - vous pris? qui vous a fait apporter ceans le mort d'une autre maison? & luy alors; Ne me reconnoissezvous point, Monsieur, ie suis Felicio, à qui vous auez donné tant de pourpres, & qui a tant esté. vostre mignon, le fils de Philositus vostre Fermier. Ie vous iure. dis je, qu'il n'est pas en son bon sens. Mais que vous en semble? n'est-ce pas la vn beau personnage pour anoir esté monmignon ? Pensez comme cela se peut faire: les dents luy tombent.

Il. l'ay cette obligation à mamaison, qu'en quelque part que ie regarde, ie voy des marques de mon âge. Embrassons-la, & fai-

fons.

sons amitié auec elle. Elle a des plaisirs, pourueu qu'on les sçache prendre. Les pommes ne font iamais meilleures, que quand la saison s'en passe; La principale beauté de l'enfance est en la sortie: Le dernier verre de vin semble tousiours le meilleur aux yurongnes, parce que c'est celuy qui les noye, & qui les met les jambes en haut. Le plus doux de la volupté de l'homme est en la fin. L'age qui commence à descendre, & qui toutesfois n'est point encore au precipice, est ce-Îny qui nous contente le plus; Et ie croy que celuy mesme qui est au bas de la tuile, n'est pas sans plaifir. Quand il n'en auroit point d'autre, ce ne luy est pas peu de volupté que de n'auoir que faire de voluptez. Qu'vn homme a de repos en l'esprit, quand ses pas-sions ont pris congé de luy?

III. Vous me dites que c'est chose fascheuse de se voir à deux doigts

doigts de la mort. Premierement vn vieil homme n'a pas plus de sujet d'y penser qu'vn ieune : car c'est chose où nous ne sommes pas appellez par le nombre des ans; & puis il n'y a personne si chargée de iours, qui auec apparence ne se puisse promettre d'en vi-ure encor vn. Or vn iour est vn degré de nostre vie : tout nostre âge est vn ouurage à pieces qui a comme des cercles les vns dans les autres, les moindres enfermez dans les plus grands; Il y en a vn qui ceint tous les autres. C'est celuy qui comprend depuis la naissance iusqu'à la mort. L'autre enserme les ans de nostre adolescence, nostre enfance est contenuë en l'autre, & puis il y a l'an où sont comprises toutes les saisons qui par leur multiplication accomplissent le cours de nostre vie. Le mois n'a pas tant de rondeur, & le iour encore moins, Toutesfois aus (fi

aussi bien que les autres il va du commencement à la fin il marche du leuant au couchant. C'est pourquoy Heraclitus, qui pour ses façons de parler mal - intelligibles, a cu le nom de Tenebreux, a dit, que tout iour est pareil à l'autre : ce que les vns ont interpreté, qu'vn iour est pareil à l'autre en nombre d'heures : & ils ne mentent point, parce que si le iour est vn espace de vingt-quatre heures, il faut necessairement que tous les iours soient égaux, parce que ce qui se perd au iour, se trouue en la nuit: les autres entendent que tous les iours se ressemblent, d'autant qu'au plus long espace de temps qui puisse estre, vous ne pouuez voir autre chose que ce que vous voyez en vn iour, la lumiere, les tenebres, & les vicissitudes alternatiues du monde. Le Soleil fait cette égalité, par sa vistesse reglée, qui iamais

ne fait du chemin vne fois plus que l'autre. Et pour ce il n'y a lour qu'il ne faille employer, comme fi c'estoit celuy de la retraite, & qui fist fourniture entiere de la somme. Ce Pacuuius, que le bonvsage rendit proprieraire de la Syrie, apres que tous les soirs il s'estoit enseuely dans le vin & dans ses festins mortuaires, comme s'il eust fair luy-même ses funerailles. estoit porté de sa table en sa chambre; entre les applaudissemens de fes bardaches, auec vn concert de mulique, qui chantoit, il a vescu, il a vescu, Et ne se passoit iour que cette ceremonie ne s'observast. Faifons en gens de bien, ce qu'il faisoit en meschant : ne nous allons point coucher, sans dire auec vne façon qui telmoigne nostre contencement.

Fay vescu ce qu'il faut , i'ay acheué le cours .

Dont fortune a borné le nombre de mes iours.

Si Dieu permet qu'vne autre fois nous voyons le soleil, à la bonne heure. Vn homme est tres-heureux, & se peut vrayement dire à foy, qui ne se gesne point de sollicitudes en l'attente du lendemain. Quiconque a dit, Fay vesau, ne se leue iamais que son prostit ne luy soit asseuré.

IV. Mais il est temps d'acheuer ma lettre : Il me semble que i'entends que vous demandez si elle vous doit aller trouuer les mains vuides. Ne vous souciez : elle portera quelque chose, & non vne Teule, mais beaucoup: Car y at'il rien de plus estimable que cetre patole que ie luy baille pour vous porter? C'est vne chose tresfascheuse de viure en necessité: mais il n'y a point de necessité qui nous oblige d'y viure. Pourquoy n'y en a-t'il point? parce que de tous costez nous ne voyons que chemins bien courts & bien aisez, qui nous menent à la liberté. berté: Rendons graces à Dieu, que nul qui s'en vueille aller du monde, n'y peut estre retenu. Nous en sortirons, si-tost que nous en aurons enuie, & fouletons aux pieds toutes les necessitez qui nous en voudroient empescher. Ouy, mais direz-vous, cela vient de la boutique d'Epicure. Pourquoy faites - vous vn present du bien d'autruy? Ce qui est veritable, est mien. Ie ne veux cesser de vous alleguer Epicute, afin que ces Sectateurs qui auec passion s'attachent aux opinions particulieres de quelqu'vn, & regardent, non ce qui est dit, mais par qui, sça-chent que quand les choses sont parfaitement bonnes, tout le monde a droit d'en prendre sa part.

EPISTRE XIII.

ARGVMENT.

Nul ne peut s

çauoir s

fans l'auoir esprouuée.

 Les apprehensions du mal à venir, sont quelquefois fausses, &

tousiours inutiles.

 Les vieillards qui ont des esperances, & font des desseins, sont ridicules.

I. Vous auez du cœur assez, ie le sçay bien, puis que deuant que la Philosophie vous eust fortissé, vous preniez dessa plaisir à contester auec la fortune. Il faut croire qu'à cette heure, que vous estes venu aux mains auec elle, & auez reconnu vostre force, vous auez bien plus de resolution. Nous ne sommes iamais asseguez.

seurez de la resistance que nous pouuons faire, que nous n'ayons veu paroistre beaucoup de difficultez de toutes parts; & qu'il n'en soit venu quelques-vnes iusques à nous. C'est en cette épreuue que se remarque une ame vrayement genereuse, & qui n'est point ca-pable de seruitude. Il est mal-ai-sé qu'vn Athlete qui n'a iamaiseu coup, ny attainte, puisse aller au combat auec la mesme asseurance que celuy qui y a versé du sang, à qui les dents ont sonné de coups de poings: qui porté par terre d'vn eroc en jambe, a regagné le dessus de son ennemy; à qui, s'il est tombé, le courage est demeuré debout; & qui autant de fois qu'on l'a ietté bas, autant de fois s'est releué, tousiours opiniastre à disputer la victoire, & iamais. disposé à se confesser vaincu. Pout demeurer donc en ma similitude; Vous estes beaucoup de fois tombé sous la fortune; & cependant

vous

vous ne vous estes iamais rendu; mais touhours reuenu fur vos pieds auez recommencé la lutte auec plus de courage qu'auparauant. La vertu n'est iamais si forte qu'apres qu'on luy a donné

quelque sujet de se piquer.
11. Toutessois si vous le trouuez bon, voicy du fecours que ie vous ameine, pour vous en seruir, comme vous en aurez besoin. Il y a plus de choses qui nous font peur, qu'il n'y en a qui nous font mal: & bien souvent nous sommes en peine plustost par opinion, que par effet. Ie ne parleray point en Stoique, mais rabattray le plus que ie pourray de la rigueur de leur doctrine, pour naller pas si bandé auec vous : car ils netiennent point que tous ces accidens qui sont les sujets ordinaires de tant de gemissemens, soient choses qui meritent seulement qu'on en fasse cas : laissons-là ces paroles, qui certainement sont veritables.

bles, mais que tout le monde n'est pas capable de gouster. Tout ce que ie veux dire, c'est que vous ne vous fassiez point miserable deuant le temps; puis que ce que vous apprehendez qui vous doiue accabler, n'arrinera peutestre iamais : que s'il doit arriuer quelque iour, pour le moins il n'est pas encore arriué. Il y a des choses où nous nous affligeons plus qu'il ne faut : d'autres où nous nous affligeons plustost qu'il ne faut, & d'autres où nous nous affligeons, sans qu'il y ait du tout point de sujet de nous affliger. Nous nous augmentons la douleur aux vnes : nous la preuenons aux autres: & aux autres nous nous l'imaginons. Quant aux premieres, parce que la chose est en controuerse, & qu'il y a contestation de cause, remettons-les à vne autrefois : ce qui feroit leger à mon aduis : feroit insupportable au vostre. Il y en

a qui rient quand on les fouette, & d'autres qui pleurent pour vne chiquenaude: vne autrefois nous en mettrons la dispute sur le tapis, & verrons si c'est leur for-ce, ou nostre foiblesse qui les fait valoir. Faites vue chose pour moy, quand vous vertez tous ces cajoleurs qui vous diront qu'il y a bien de la compassion en vostre fait, pensez plustost à ce que vous sentez, qu'à ce que vous écoutez : consultez auec vostre patience; & puis que vous sçauez mieux vos affaires que nul autre, faites-vous ces questions à vous-mesme: Qu'y a-t'il pourquoy ie leur fais tant de pitié? D'où leur vient cette peur d'approcher de moy, comme s'il y auoit de la contagion en mon mal-heur? ce dequoy ils me plaignent est-il si maunais, on peutestre y a-t'il point plus de hon-te que de mal? N'est-ce pas sans occasion que ie me tourmente,

& que ie me figure du mal en vne chose qui n'en a point? Voulez - vous connoistre s'il y a sujet de vous affliger ou non? En voicy la regle. Nous nous affligeons, ou pour le present, ou pour l'aduenir, ou pour tous les deux ensemble. Du present, le iugement en est bien aisé à faite: si le corps est libre, s'il est en bonne disposition, & que d'ailleurs nous p'avens per recer d'ailleurs nous n'ayons pas receu d'injure qui nous ait apporté quelque douleur, nous verrons comme tout ira demain : pour auiourd'huy nous n'auons point de besongne. Mais ie voy qu'il m'en va venir : Regardez pre-mierement si vos conjectures ont de l'apparence: Car la pluspart du temps nous sommes en pei-ne pour des soupçons qui n'ont point de sondement, & prenons l'alarme en nos affaires, aussi bien qu'à la guerre. C'est chose certaine, mon grand amy, que nous

nous sommes faciles à receuoir des impressions : nous n'essayons point de conuaincre ce qui nous veut faire peur, & ne nous donnons pas le loisir de l'éplucher, mais nous nous estonnons tout aussi-tost, & nous mettons à fuir, comme ceux qui pour vue poussiere emeuë par la course de quelque troupe de moutons, ou pour quelque nouuelle qui n'a point d'autheur, prennent l'épouuante, & mettent leur armée en vn desordre, qu'il n'est pas bien aisé de restablir. Les choses fausses ont ie ne sçay quelle vertu de nous troubler plus que les autres: Ce qui est certain, a sa me-sure, qu'il n'outrepasse point; l'incertain est remis à la discretion de l'ame estonnée: pour l'imaginer grande ou petite, comme il luy plaira.De là vient qu'il n'y a point de frayeurs si pernicieuses,& soint de trayeurs n perme si peu remediables que celles qui n'ont

n'ont point de source : aux au-tres la raison manque; en celles - cy l'entendement : Examinons donc les choses comme il faut, & ne passons point legerement par deslus. Il est vrayfemblable qu'il nous arriuera quelque mal, mais au moins il n'est pas encore vray. Combien auons nous veu venir de choses non attenduës . & combien d'attenduës qui n'ont point comparu ? Ie veux que sans faute, il nous en arriue; que sert-t'il d'aller au deuant de la douleur? nous l'aurons aussi - tost que le mal. Cependant promettez-vous quelque chose de meilleur. Que gai-gnerez - vous? le temps: il n'est pas impossible qu'il ne suruienne des accidens, qui feront surseoir ou cesser le peril, ou l'enuoyeront de quelqu'autre costé. Il y a en des maisons brûlées, où ceux qui estoient dedans, n'y sont pas demeurez : il en est tombé de qui

la cheute n'a fait mal à personne L'espée a quelquefois esté retenuë fur le poinct que le bras estoit haussé pour frapper:& s'est trouvé des criminels qui ont plus vescu que l'Executeur qui les auoit menez au supplice. La mauuaise fortune a de la legereté comme la bonne; il peut estre, & aussi n'estre pas: quoy que ç'en soit, il n'est point: proposez-vous quelque chose de meilleur. Il arriue quelquesfois que sans aucun signe apparent qui presage rien de mal, l'esprit s'imprime de fausses imaginations, ou pour l'ambiguité de quelque parole, qu'il interprete à son desauantage, ou parce qu'il se persuade que quelqu'vn luy vueille plus demal qu'il ne fait, & ne penle pas combien il est en colere; mais combien, s'il y estoit, il auroit moyen de luy faire déplaisir. Or il ne faut plus parler de viure, ny d'estre iamais autre que miserable, si nous voulons auoir autant E

tant de craintes, comme il y a de choses qui nous peuuent faire mal. Le remede des absentes c'est la Preuoyance, & des presentes la Resolution. Si non, seruez-vous d'vn vice contre l'autre: meslez de l'espoir à vostre peur. En toutes les choses que nous apprehendons, la plus apparente n'est point si certaine, comme il est certain que nous ne sommes pas tombez en tous les perils qui nous ont fait craindre, & que nous auons esperé beaucoup de biens qui ne nous sont point arriuez. Mettez-donc l'Espoir & la Crainte en la Balance,& de quelque costé qu'elle panche, r'asseurez-vous, & croyez ce dequoy vous aurez le plus d'enuie. Si la pluralité des opinions est pour la Crainte, atta-chez-vous à son contraire, & cessez de vous affliger. Souucnez-vous que c'est la coustume de la pluspart des hommes, d'estre en vne anxieté perpetuelle; encore qu'ils

qu'ils n'ayent point de mal, & que pour certain il ne leur en doiue point arriuer. Depuis qu'ils sont ébranlez, il n'y a plus de moyen qu'ils s'arrestent, & qu'ils vueillent reduire leur crainte à la verité. Pas vn ne dit; c'est vn homme de neant, que celuy qui me l'a dit, ou c'est vn menteur, ou c'est vn niais à qui on a fait croire ce qu'on a voulu. Nous nous laifsons aller à tous les rapports qu'on nous fait. L'incertain nous épouuante, comme le certain : & parce que nous ne gardons point de mesure, il se forme vne peur de co qui n'estoit que scrupule seulement. l'ay honte de parler auco vous de cette façon, & de vous donner de si foibles remedes.Quelqu'vn vous dita peut-estre, que cela n'arriuera pas : & vous, ditesluy : quand il arriveroit, qu'en. fera-t'il ? nous verrons coqu'il en fera: s'il arrive, ce fera peur-oftre pour mon bien : ma mort fera de 2 Virlhon

100 Les Epistres l'honneur à ma vie. La Cigue a fait la reputation de Socrate. Ostez à Caton ce poignard pro-tecteur de la liberté, vous ne luy laisserez pas beaucoup de gloire. Ie suis trop long à vous proposer, vous n'en auez pas de besoin. C'est assez de vous aduertir. Ie vous pousseen vne part où vostre inclination vous meine : ie ne vous dis rien à quoy vous ne soyez né:ayez d'autant plus de soin d'accroistre vne chose qui est vostre,& prenez plus de peine à l'embellir.

III. Ie m'en vay finir ma lettre, apres y auoir mis sa marque, c'est à dire, apres luy auoir baillé quelque parole magnifique à vous porter: Entr'autres maux qu'a la folie, elle a encore celuy-cy,qu'elle commence tous les jours de viure. Pensez, mon grand amy, ce que cela veut dire, & vous verrez combien a peu de grace la legereté des hommes, qui châque iour font de nouveaux fondemens de leur

leur vie, & commencent des des-Leins au monde, sur le poin& qu'ils sont prests d'en partir. Regardezles tous vn à vn : vous verrez des vieillards courir apres les honneurs, se preparer à des voyages,& entreprendre des affaires auec autant de passion & d'esperance, que s'ils n'auoient que vingt ans. Or est-il chose au monde plus laide que de commencer à viure, quand l'âge commande de mourir? Ie ne vous dirois pas qui est l'autheur de cette sentence, si ce n'estoit qu'elle est des plus secrettes, & des moins publiées de celles d'Epicu-re, que ie vous ay protesté que ie louerois & adopterois, quand elles me sembleroient le me-

riter.

EPIS E

ፙፙፙፙፙፙፙፙፙፙፙፙ ፞ቚቚ፟ፙፙፙፙፙፙፙፙፙፙፙ

EPISTRE XIV.

ARGV MENT.

1. Comme il faut aymer le corps.

 Se tenir loing des Grands.
 La Paurreté nous met à conuers de l'Emne & de la Hayne.

- 4 Cason est blâmé de s'estre enremis des affaires, en la guerre ciuile.
- 5 La vie priuée est la plus seure.
- 6 Celuy a plus de richesses qui s'en sçait le mieux paffer.

Amitié que nous portons à nostre corps, est naturelle : ie l'auouë, & auouë aussi que puis que nous en auons la garde, il est raisonnable de luy faire quelque caresse. Mais ie dis qu'il ne se faut pas abbaisser à le seruir. Qui le seruira, qui sera trop en peine pour

103

pour sa conservation, & en fera la fin où il rapportera toutes choses, il faudra qu'il se propose d'auoir beaucoup de maistres. Il nous faut comporter non comme de-uans viure pour le corps, mais comme ne pouuans viure sans le corps. On ne le peut trop aymer, qu'à toute heure on ne soit trauaillé de crainte, inquieté de sollicitudes, & tendu le but de toutes les iniures que le mal-heur nous voudra procurer. Qui l'estime trop, n'estime iamais assez la ver-tu. l'accorde bien qu'on en ait du soin tout ce qu'on en peut auoir : mais ie veux que ce soit en sorte, que sans regret on le iette au feu, quand la raison ou la foy nous obligeront à le faire, ou que nous y serons conuiez par la conserua-tion de nostre honneur. Euitons neantmoins non seulement les perils, mais aussi les incommoditez, tant qu'il nous sera possible: Et retirez en vn lieu de repos, faisons

104 Les Epistres ce que le deuoir nous comman-de, pour le parer des choses qui luy peuuent apporter du déplai-fir. Il y en a,ce me semble,de trois sortes. La pauureté, les maladies. & l'iniure d'vn Grand, qui se proposera de nous offenser. De tous ces maux, le dernier est celuy qui nous estonne le plus, parce qu'il vient auec plus de rumeur & de tumulte. Les maux que nous auons nommez naturels, entrent chez-nous en silence : ils n'ont ny spectacle qui fasse peur à la veuë, ny bruit qu'on ne puisse ouir sans s'effrayer. L'autre marche auec vn plus grand equipage. Ce ne sont que fers, que feux, que chaisnes, qu'épées à l'entour de luy. Vous ne luy voyez que potences, prisons, tortures, croix, pieux à trauerser les corps d'vn bout à l'autre: chariots à les démembrer: chemises oinctes de soûfre & autre matiere facile à prendre le feu, à les rôtir:& tout ce que l'ingenieuse

rage des hommes peut encore inuenter pour l'assouuissement d'vne insatiable cruauté. Il ne faut donc point s'estonner si nous craignons vne chose qui nous monstre tant de functes visages, & nous menace auec vn si formidable appareil. Car comme vn bourreau fait la douleur du patient d'autant plus grande, qu'il luy en monstre plus d'instrumens; & qui'l y a des hommes qui succombent à la veuë des choses dont ils eussent peut-estre supporté les sentimens, ainsi, de ces maux qui domptent nos ames, & leur font porter le ioug, il n'y a point de doute que les plus fascheux ne soient ceux qui nous representent la diuersité du pouvoir qu'ils ont de nous tourmenter. Nous en auons d'autres qui ne sont pas moins rigoureux, comme la faim, la foif, les viceres des intestins, les fiévres qui nous brûlent dans le corps; mais on ne les voit point: E s

point: ils n'ont rien de quoy faire monstre, n'y qu'ils puissent faire porter deuant eux pour nous effrayer: à ces premiers, comme aux grandes armées, pour vaincre, il suffit de se monstrer, parceque le moyen de s'en dessendre, c'est de ne les combattre point.

II. Quand le gouvernement est populaire, il faut craindre le peu-ple : quand il se manie par vn conseil, ceux qui y ont du credit, & par sois quelques particuliers sur qui le peuple s'est demis de sa puissance, pour estre gouverné par eux. Il y auroit sort à saige à gaigner l'amitié de tant de personnes : c'est assez de n'en auoir point l'inimitié. Ainsi le sage ne prouoquera iamais le mauuais gré de ceux qui sont en authorité, mais l'éuitera, comme il feroit vn coup de vague, s'il estoit sur la mer. En allant en Sicile vous trauersez le destroit, vn Pilote mal-auisé ne le soucie pas des menaces

naces du vent de midy, qui est celuy de tous ces quartiers que les mariniers craignent le plus : mais au lieu de tenir la main gauche, s'en va droit donner dans Caribde, & inuestir les endroits où est le peril. Vn autre qui pense mieux à ses affaires, s'informe à ceux du pays, de la marée, & du iugement qu'il faut faire des nuages, & se garde bien d'approcher de ces tournoyemens si décriez par les naufrages qui s'y font. Vn hom-me sage en fait de mesme. Il éuite le plus qu'il peut vne puissance qui luy peut nuire? Mais ille fait a dextrement qu'on ne s'en apperçoit point : car en cela consiste vne bonne partie de son asseurance, parce que quand vn homme fuit vne chose, il fait iuger qui ne l'approuue pas.

III. Pour auiser donc à nous

III. Pour auiser donc à nous garentir du peuple: premierement ne luy demandons rien: il y a de la noise, où il y a des copetiteurs:

Et secondement prenons garde de n'auoir rien qu'il y ait beaucoup de profit à nous oster : n'ayons à despouiller sur nous que le moins que nous pourrons: ce n'est point le sang qui fait espandre le sang: si quelques-vns le sont, cela n'arriue pas bien souuent. Il yen a plus qui demandent la bource, que la vie: Vn voleur ne met iamais la main sur vn homme nud: les chemins les plus guettez sont libres à ceux qui n'ont rien. Apres cela nous auons vne vieille leçon de nos peres, qui nous enseigne de nous garder de trois choses, de la Haine, de l'Enuie & du Mespris. Le moyen de le faire, la sa-gesse nous l'apprendra: le temperament en est bien chatouilleux, parce qu'il est à craindre que la suitte de l'enuie ne nous meine au Mespris, & que cependant que nous serons disticulté de nous mettre au dessus des autres, nous ne leur fassions connoistre qu'ils ont moyen

109

moyen de se mettre au dessus de nous.Beaucoup ont sujet de craindre, parce qu'ils auoient de quoy estre craints : retirons-nons de la circonference au centre : l'Enuie & le Mépris sont aussi dangereux I'vn que l'autre. Il faut donc se ietter entre les bras de la Philosophie, qui a ie ne sçay quelle majesté, reuerée, ie ne dis point des gens de bien, mais generalement de tous ceux qui ne sont point meschans au dernier poinct. Car quant à l'Eloquence, & aux autres choses capables de faire quelques remuëmens en vn peuple, quiconque s'en veut prenaloir, il a aussi-tost un aduersaire en teste. Cettuy-cy qui demeure en paix,& ne se messe que de ses affaires, au lieu d'estre méprisé reçoit du respect de toute sorte de gens : & eeux-melmes qui ne valent rien, ne dedaignent pas de luy faire honneur. Iamais le vice n'aura l'authorité si grande, & iamais ne se fera de conjurateurs si desesperez contre la vertu, que le nom de Philosophie ne demeure saint & venerable eternellement; il est vray qu'à la manier, il y faut comme en toutes autres choses, apporter de la douceur & du iu-

gement.

I V. Trouuez-vous que Caton Philosophast comme il faut, de penser par son seul aduis empescher des guerres ciuiles, se ietter au milieu des armes de deux futieux; & tandis que les vns se bandoient contre Pompée , les autres contre Cesar, par vne opinion irreguliere, les vouloir auoir tous deux pour ennemis? Tout le monde n'approuuera pas qu'vn homme sage voyant les choses ainsi disposées, se soit ietté parmy leur confusion & leur tumulte. Que pensez - vous faire Caton? il ne se parle plus de la liberté, c'en est fait, il y a longremps; la question est à qui sernira

nira la Republique. Vous n'y auez que voir : on élit vn maistre. Que vous importe qu'vn des deux soit victorieux; mais ce ne sera pas le meilleur : i'ay touché les dernieres actions de la vie de Caton; mais ses premieres ne venoient pas plus à propos au desor-dre, où desia les affaires commençoient de s'embrouiller : Dequoy luy seruit iamais tout ce qu'il sceut crier & tempelter, que d'itriter vne populace qui tantost l'enleuoit tout couuert de crachats hors de la place, & tantost du Senat le trainoit en la prison? Mais vne autre fois nous disputerons , s'il y a des choses , où le Sage, quoy que sa peine doiue estre inutile, ne doiue pas laisser de l'employer.

V. Cependant ie vous conseille pour n'estre point sujet à la mauuaise grace d'vn grand, d'estre de ceux qui ne s'embarrassent point aux affaires du monde; & faisans

faisans les reduits, n'ont soin que des Loix, qui enseignent aux hommes à bien faire. Le Sage ne fera point le reformateur des mœurs publiques : & se gardera que par vne saçon de viure ex-traordinaire, il n'attire les yeux & la haine du peuple sur luy. Vous me demandez, si vous comportant de cette façon, vous serez hors de tout danger? C'est chose que ie ne puis non plus promet-tre que la santé à vn Temperant, encore que la Temperance soit l'occasion de la santé. Il se perd bien quelque vaisseau dans le port. mais que pensez-vous qu'il se fasfe an pleine mer? Combien eust-il couru plus de fortune, s'il eust esté d'vne humeur actiue, & remuante: puis qu'en nefaisant rien, il n'a peu se garentir. Quelque-fois les gens de bien font mauuaise fin : ie vous l'accorde : mais ce n'est pas si souvent comme les méchants. Vne touche receuë aux habits

habits n'ofte pas à vn homme la reputation de bien tirer. C'est assez que le sage entreprenne : le succez n'est pas de sa iurisdiction. Nous commençons les choses, la Fortune les finit: Et pour moy ie ne me remets pas à son iugement; mais elle apporte quel quefois des ennuis, & des trauerses:on ne condamne pas le voleur, tandis qu'il fait le coup. Ie vous voy tendre la main, pour auoir vostre rente accoustumée : ie vous la veux baillet en vne piece d'or : Et puis que nous auons parlé d'or, ie vous veux apprendre, comme l'vsage vous en donnera plus de plaisir.

VI. Le vray moyen de bien jouyr des richesses, c'est de s'en seauoir passer. Vous voulez que ie vous nomme qui me l'a dit:voyez comme ie suis liberal: tout ce que ie vous donne, ie le prends en la bourse d'autruy. C'a esté Epicure, ou Metrodore, ou quelqu'au-

114 Les Epistres

tre de cette cabale. Qu'importe qui l'ait dit? il est dit pour tout le monde. Qui ne se peut passer de richesses, est en alarme pour elles: qui est en alarme pour vne chose, n'en jouit point, & pense toûjours d'y adiouster: le soin de l'accroissement luy oste la memoire de l'vsage. Il ne bouge du Change auec quelques marchands: s'il est chez luy, c'est auec des iettons, quelques registres en la main; & bres de maistre il deulent son procureur & son facteur.

EPISTRE XV.

A RGVMENT.

 L'estude & l'agitation moderée font l'exercice de l'ame; comme courir, fauter, aller en carosse, & parler haut, sont l'exercice du corps.

- Comme il faut conduire la voix.
- 3. Celuy qui se contente de sa condition, est heureux.
- 4. Les biens de Fortune ne donnent point un parfait contentement, ils sont dangereux, & peu solides.

I. Nos Peres auoient vne cou-ftume que i'ay encores veuë garder de mon temps, de mettre au commencement de leurs lettres. Si vous estes sain, tout va bien. Nous pouuons dire tout de mesme; Si vous Philosophez, tout va bien, car en cela consiste la fanté; Si vous ne Philosophez, vous auez l'esprit malade, & vostre corps, quelque vigoureux & valide qu'il soit, n'a rien que la force d'vn frenetique, ou d'vn furieux. Pensez-donc à cette santé premierement : & puis à l'autre. Vous en auez bon marché, si vous auez seulement la volonté de vous bien porter. La soupples116 Les Epistres se des bras, la dilatation des espaules, & l'affermissement des reins, ne sont pas occupations d'vne ame bien-faite; & vn homme de lettres ne fait rien pour luy de s'y arrester : faites-vous si gras, & si charnu que vous pourrez; vn bœuf le sera plus que vous. L'esprit qui potte vn si pesant corps, est escorché de sa charge, & perd beaucoup de sa disposition; Et pour ce pressez-vous le plus que vous pourrez le corps, & laschez-vous l'esprit. La bonne chere beaucoup d'incommoditez : premierement en l'exercice il se fait vne dissipation d'esprits, qui rend l'homme inhabile à la meditation, où il est besoin de se bander. Dauantage la repletion empesche la subtilité: puis il y a certaine race de gens de neant, par qui nous-nous laissons conduire; ames nées à la seruitude, qui tousiours dans vne estuue, ou dans vn cabaret, pensent auoir fait vne bonne iournée, quand ils se sont fon-dus en sueur; & d'vn repas à l'autre mettent si peu d'intervalle, que pour se remplir, ils ont bien à pei-ne loisir de se vuider. Boire & fuër font la vie d'vn Cardiaque. Il y a des exercices qui ne sont ny longs ny penibles, qui ouurent incontinent les pores, tellement qu'il ne s'y perd gueres de temps; qui est ce qu'il faut principalement considerer; comme sont la course, le mouvement des bras, en leuant quelque chose de pesant en la main; & le saut en haut, ou en auant, ou bien le Salien, autrement & plus iniurieusement appellé le saut du foullon: prenez celuy que vous aymerez mieux: il ne vous donnera point de peine, quand vous - vous y serez accou-flumé. Quoy que vous fassiez, ne soyez guere auec le corps, que vous ne reueniez incontinant à l'esprit. Passez le iour & la nuie à l'exercer : c'est chose de peu de trauail.

trauail, que vous pourrez faire au froid, & au chaud: la caducité mesme de l'âge ne sçauroit vous en empescher. La sollicitude en peut eftre infructueule, & est vn bien qui amende de vieillir. Ce n'est pas que ie vueille que vous ne soyez iamais sans vn liure, ou sans tablettes en la main. L'esprit méme a besoin de quelque treve, non pour s'aneantir, mais pour se relascher. Le cartosse & la litiere donnent de l'agitation au corps: & n'empeschent point d'estudier. Vous auez moyen d'ylire, dicter, parler & escouter : comme aussi ce font toutes choses que vous pouuez faire en vous promenant. Il y a mesme quelque exercice à parlet haut.

I I. Toutesfois ie ne trouuerois pas bon de faire monter la voix de degré en degré par certaines mefures, & puis la rabaisser. Que si vous cherchez de l'art à vous promener, faites venir quelqu'yn de cette

cette tace de gens à qui la faim a fait apprendre tant de nouuelles inuentions: vous en trouuerez qui vous conduiront les pas auec tant de iustesse, que l'vn ne passera point l'autre; prendront garde iusques à l'enfleure de vos iouës, & vous donneront autant de leurs ceremonies, que vostre patience à les croire, croistra leur audace à les commander. Et quoy donc? tout aussi-tost que l'ouuriray la bouche, il faudra que ie crie du haut de la teste? C'est vne chose si naturelle de hausser la voix tout bellement, que ceux mesme qui plaident, gardent cet ordre de parler au commencement, & de ne crier que sur la fin : onne vient pas d'vn plein saut aux prieres &. aux obtestations. Et pour ce vous suiurez en cela l'humeur où vous serez: & tantost auec vehemence vous vous irriterez contre ce qui vous semblera blasmable: & tantost irez plus doucement, selon que

que la voix & la force des flancs vous en donneront la disposition. Quand vous serez sur le poinct d'acheuer vostre propos, prenez garde que la voix ne vous tombe pas; mais qu'elle descende en sorte, qu'on y remarque la modestie de celuy qui la gouverne, & non l'intemperance d'vn homme groffier & mal appris. Car il n'est pas question de s'exercer pour parler, mais de parler pour s'exercer. Ie ne vous ay pas osté d'vn petit bourbier: mais outre cela ie vous veux faire vn present, qui ne vous sera pas desagreable : voicy vn enseignement bien digne d'estre

III. La vie des fols n'est que chagrin, sollicitude & apprehension de l'aduenir. Demandezvous de qui est ce precepte? de celuy mesme de qui sont les precedents. Mais quand nous disons; la vie des fols, de quelle vie entendons-nous estre ? de celle des fols

fols à marotte, & à chaperon? Non, ie parle d'autres fols que de nous-mesmes, qui par des concupiscences futieuses, nous laissons emporter à des choses nuisibles, ou pour le moins incapables de nous souler iamais; qui sommes mal contens parmy tant d'occasions de contentement, & ne pensons jamais combien l'esprit a de repos, qui ne desire rien; & de generosité, celuy qui pense estre pourueu de toutes choses, & ne s'attend point à ce que la fortune lay voudra donner. Pour ce, mon grand amy, representez-vous à toute heure la felicité de vostre condition. Quand vous aurez re-gardé combien il y en a qui vous passent, regardez combien il y en a qui vous suiuent. Vous estes ingrat aux Dieux, & à vostre propre vie, si vous ne considerez combien vous auez deuancé de personnes; Mais que vous importent les autres, puis que vous vous estes F deuancé

Les Epistres deuancé vous-melme? Donnezvous des bornes, que quand vous voudriez, il vous soit impossible de passer.

IV. La durée de ces biens dangereux n'est pas eternelle, & bien souuent l'esperance en est meilleure que la possession. S'il y auoit quelque chose de solide, il y auroit dequoy se rassalier ? mais l'alteration ne se passe point pour en boire. & tousiours nostre soif trouue quelque chose qui la sollicite en apparence specieuse d'vn breuuage si bien preparé. Puis que ce sont choses qui roulent encore entre les incertitudes du temps à venir, pourquoy veux-je plustost impetrer de la fortune qu'elle me les donne, que de moy, que ie ne les demande point? Or à quelle fin les demanderay-je, sinon qu'il ne me souvienne du tout plus de la foiblesse de ma condition? Asfembleray - je ? Pourquoy faire? pour auoir de la peine? ie suis au dernier

dernier iour de ma vie, & si ien'y suis, ie n'en sçaurois estre bien éloigné.

EPISTRE XVI.

ARGVMENT.

1. La Philosophie doit estre la guide de l'homme.

2. La Philosophie est viile à l'homme, soit qu'one pronidence eternelle gouverne le monde, ou que les choses arrivent fortuitement: dantant qu'elle enseigne d'obeyr à Dieu, & de soaffrir les adversitez auec patience.

3. Celuy qui se regle par les loix de la Nature est riche, qui par celles de l'Opinion, est pauvre.

I. TE ne doute pas que vous ne l'écachiez bien qu'il n'y a moyé de viure non pas heureusement, F 2 mais mais passablement, sans l'estude de la sagesse; & que selon le progrez qu'on y fait, on approche plus ou moins de la parfaite felicité: Mais ce n'est pas tout que de le sçauoir, si par vne meditation continuelle on ne tâche de se confirmer en cette opinion. Les sages resolutions sont plus fortes à garder qu'à prendre : il faut per-seuerer, & ne cesser iamais de vous fortifier, que vous n'ayez fait vn bon natutel de ce qui n'est qu'vne bonne volonté. Vous n'auez que faire auec moy de tant de paroles, ny de si longues protestations: ie voy bien le profit que vous auez fait. Ie sçay d'où vient ce que vous m'escriuez: il n'y a ny fard ny déguisement : toutesfois pour vous dire franchement ce que i'en pense, i'en ay desia beaucoup d'esperance, mais de confiance ien en puis encore auoir. Faitez le mesme scrupule que ie fais : ne soyez ny prompt ny facile à presu ner de RECOV

vous: épluchez-vous bien; cherchez-vous par tout; & ne laissez rien, où vous ne regardiez: sur tout aduisez, si vous n'apprenez point plustost à Philosopher qu'à viure.

II. La Philosophie n'est pas vne occupation vulgaire, ny faite pour seruir de monstre. Il y faut moins de langage que d'execution: on ne l'apprend pas pour nous faire passer le iour, & nous garder qu'il ne nous ennuye de nous reposer. C'est elle qui forme, & qui façonne l'esprit, qui donne des regles à la vie, dirige les actions, monstre ce qu'il faut faire, & ne faire pas ; Et assise continuellement au timon de la barque, nous fait sans naufrage passer au milieu de tout ce que la mer a de perils : qui ne l'a point, n'est iamais sans apprehension. Il atriue d'vne heure à l'autre vn nombre infini d'affaires où nous auons besoin de conseil; C'est d'elle F

qu'il le faut prendre. Mais dira quelqu'vn ? Que me sert la Philosophie, s'il y a vn Destin? que me sert-elle, si Dieu gonnerne le monde ? que me sert-elle, si tout arriue fortuitement ? Car ce qui est certain, est consequemment immuable: & quant à ce qui n'est pas, quel moyen puis-ie auoir de me preparer à l'encontre? soit que Dieu par son decret ait preuent mon conseil, & ordonné ce que ie dois faire, quoy que ie delibere, il demeure toufiours au pouuoir de la Fortune de faire l'euenement bon ou mauuais, comme il luy plaira. Prenez de ces deux opinions celle qui vous semblera la plus vray-semblable, ou receuez. les toutes ensemble : il faut, quoy qu'il en soit, tousiours Philosopher; Soit que le Destin nous ait soûmis à des loix inuariables, soit que Dieu preside sur l'Vniuers & dispose de ce qui s'y passe, soit que la Fortune pousse, & tourne

en

en desordre les choses du monde, c'est tousiours à la Philosophie qu'il faut auoir recours, pour nous garentit : c'est d'elle qu'il faut apprendre à nous humilier à Dieu, vouloir ce qu'il veut, & sans se rendre iamais à la Fortune, supporter auec patience les choses que par preuoyance nous n'autions pu diuertir. Mais il n'est pas temps de disputer s'il y a des choses de nostre iurisdiction, si la Prouidence commande, si nous fommes trainez par la chaisne des destins, on si sans ordre & sans regle toutes choses arrivent casuellement, ie m'en remets à l'aduertissement que l'auois commencé de vous donner, que vous ne laissiez point refroidir cette belle ardeur que vous auez, mais teniez vostre ame si ferme en la posture où vous l'auez mise, que vous fassiez habitude ce qui n'est qu'vn mouuement. Ie voy bien que des le commencement de cette lettre,

. 3 6, vous auez fait compte qu'elle ne viendroit pas sans estre accompagnée de quelque present. Cherchez bien, & vous le treuuerez.

III. Au reste ne vous estonnez point de me voir si liberal; ie vous donne encor du bien d'autruy. Mais pourquoy dis-ie du bien d'autruy? tout ce qui est bien dit,de quelque part qu'il vienne, ie fais estat qu'il est mien, comme cecy d'Epicure. Si vous-vous reglez par nature, vous ne serez iamais pauure. Si par opinion, vous ne lerez iamais riche. Il faut peu de choseà Nature, rien ne suffit à l'Opinion. Ayez des biens plus que la Fortune n'en donna iamais à vn homme feul: possedez en vne condition priuée ce qui contenteroit vn Roy: soyez vestu d'habits où le clinquant cache la matiere : parez vos maisons de marbre, afin que ce ne soit pas assez d'auoir des richessi vous n'y marchez dessus. Adioustez à ces delices des statuës & des

des tableaux, & generalement tout ce que l'Arta iamais fait pour l'assouissement du luxe, ce ne vous seront que des aiguillons pour vous prouoquer à desirer quelque chose de plus grand, & de plus beau. Les desirs de la Na-ture sous limitez : ceux de l'Oplnion n'ont où s'arrester parce qu'vne chose fausse n'a point de bornes.Qui va par le chemin,troune quelque bout : qui est égaré, n'en trouue point. Retirez-vous des vanitez, & quand vous voudrez sçauoir si le souhait que vous faites est selon la Nature, ou seton l'Opinion, regardez s'il se peut artester en quelque lieu. Si apres auoir marché long-temps vous trounez que vous n'estes point encor au bout du chemin, faites compte que ce que vous defirez n'est point naturel.

EPISTRE XVII.

ARGVMENT.

1. L'apprehension de l'estat de nos affaires ne nous doit point destourner de l'estude de la Philosophie.

1. Louange de la Passureté.

3. Celuy qui veut premierement amasser du bien, & puis s'addonner à la Philosophie, fait la sin de ce qui doit estre le commencement,

4. Il no faut, ny pour la pauuretá ny pour l'indigence; se resirer de la Philosophie.

5. Le Sage n'a faute de rien, parce que la Nature se contente de peu : mais le riche vit dans les inquietudes , & a faute de tout.

 Les richesses ne mettent par fin aux miseres, mais les changent.

I. lettez -

I. TEttez-moy tout ce que vous Lauez, si vous estes sage; ou pour mieux dire, si vous le voulez estre, ne pensez qu'à trouuer la tranquillité d'esprit : voyez où elle est, & courez-y le plus diligemment que vous pourrez. Si quelque chose vous acroche, que vous ne puissez démesser, coupez-là. Vous-vous excusez que les affaires de vostre maison vous retardent, & dites qu'auant que rien entreprendre, vous les voulez mettre en tel estat, que vous en puissiez viure sans rien faire, afin que la pauurcté ne puisse ny vous fascher, ny vous donner sujet de fascher personne: En cela vous tenez vn langage qui monstre que vous ne connoissez pas ny la nature, ny la force du bien où vous pretendez. Vous remarquez assez combien la Philosophie tout en-semble est chose profitable: mais en ce qui est de ses parties vous n'y portez pas les yeux si prez, comme

comme il en seroit besoin. Vous ne sçauez pas qu'il n'y a point d'occurrence, où nous n'en puissions tirer du secours, & que nous ne pouvons avoir d'affaires de si grande importance, que son pouuoir ne s'y estende, ny si petites, qu'elle ne s'y abbaisse pour nous y subuenir. Croyez-moy demandezluy ce que vous auez à faire, ie m'asseure qu'elle ne vous conseillera pas de vous aller seoir en vn contoir, le delay que vous demandez de pouruoir à vos affaires n'est-ce pas afin que la pauureté ne vous puisse incommoder à Mais que direz-vous, si au lieu de la craindre, on vous fait voir que vous auez occasion de la desirer. Assez de gens estoient nez à la Philosophie, & s'y fussent dignement employez, fi les richesses leur en eussent osté le moyen.

II. La panureté n'a ny faix qui la presse, ny apprehension qui

qui la trouble. Si l'alarme sonne, elle sçait bien, que ce n'est pas à elle qu'on en veut : s'il faut sortir, elle est preste & ne fait que regarder par où le pauure n'est point en peine de son bagage. S'il se faut mettre sur mer il n'a point pour cela de rumeur au port. Les quais ne sont point couverts de ceux de son train. Il n'est point suiui d'vne troupe de valets li grande, qu'il n'y ait pas de viures assez dans le pays pour les nourrir. Peu de ven-tres sont aisez à paistre quand ils sont reglez, & qu'ils ne desirent de la viande que ce qu'il en faut pour estre nourris. La faim cou-ste peu, la friandise beaucoup. Tout ce que veut la Pauureté, c'est de se pouvoir contenter aux choses qui luy sont necessaires. Pourquoy donc refuserez-vous sa copa-gnie, depuis que les riches mesmes, qui ont bon iugement, la prennét pour exemple, se de sa vie empruntent le regime de la leur?Voulez-vous lez-vous que vostre esprit se sournisse de belles conceptions? Soyez pauure, ou viuez en pauure. Il est impossible d'estudier auec fruit sans la frugalité: la frugalité n'est autre chose qu'vne pauureté volontaire.

III. Laissez-moy donc ces excuses, ie ne suis pas encore bien, il me manque encore quelque chose: quand se l'auray, se ne veux plus faire que Philosopher. Mais voyez la faute que vous faites: ce que vous-vous proposez d'acquerir, apres que vous aurez toute aurre chose, c'est ce que vous deuez auoir, auant que rien acquerir. Vous faires la fin de ce qui doit estre le commencement. Vous dites que vous voulez acquerit dequoy viure : Apprenez par mesme moyen de quelle façon il le faut acquerir. Si quelque cho-fe vous empesche de bien viure, elle ne vous empesche pas de bien mourir: il ne faut ny pour la paumreté.

ureté, pour l'indigence mesme se

retirer de la Philosophie.

IV. Quand il seroit question d'en venir à ces extremitez de faim, qu'on a veuës en beaucoup de sieges, il se faut resoudre à les supporter. Pourquoy ne souffrirons-nous en l'acquisition d'yne liberté perpetuelle, & qui nous asseurera contre rouses les menaces du Ciel & de la terre, ce que tant de fois on a souffert en des occasions où tout le loyer de la patience n'estoit que ne tomber point à la discretion du victorieux? Il y faut aller, & deust- on mourir de faim. Il s'est veu des armées reduites à la necessité de toutes choses, qui ont vescu de racines, & mangé des ordures qui feroient malau cœur à reciter : Et tout sans autre sujet que pour regner: & ce qui vous semblera plus estrange, pourregner au Royaume d'autruy. Et se trouuera-t'il quelqu'vn si lâche que pour le démeller des fu-SCUES

reurs ou le monde l'engage, il apprehende de supporter la pauureté? C'est donc vne folie de se proposer d'acquerir du bien : premierement il ne couste rien pour aller trouuer la Philosophie : vous auez raison, quand il ne vous manqueza plus rien. Vous verrez d'auoit austi la sagesse : ce sera la derniere piece de la vie : & s'il faut ainsi parler, la bonne mesure. Voulezvous bien faire? si vous auez quelque chose, commencez dés maintenant à Philosopher : car que sçaucz-vous? peut-estre vous en auez desia plus qu'il ne vous en faut.

V. Si vous n'auez rien, cherchez premierement la Philosphie, & puis vous penserez au reste: ouy mais l'auray faute de ce qui me seranecessaire. Cela ne se peut; parce que la Nature est contête de peu de chose, & le Sage s'accommode à la Nature. S'il se trouve reduit à des necessitez irremediables, il ne marchandera point à quitter

quitter le monde, & se deliurer luy-mesine de son importunité. S'il a dequoy pouuoir allonger sa vie, sans desirer dauantage, il trouuera ce qu'il luy faut pour sa bouche & pour ses habits. Il s'entretiendra doucement, il verra les occupations des riches, & la peine que prennent ceux qui le veulent estre : Et vuide de toutes inquietudes dira en luy-melme : Que ces pauures gens sont mal-aduisez de prendre vn si long chemin, & d'attendre ou les interests de leur argent, ou le profit de leur marchandile, ou la succession de quelque vieillard! Ce que la sagesse baille, vous l'auez content. Elle fait tout d'vn coup vn homme riche, en luy apprenant à ne se soucier point de l'estre : ce sont choses qui ne vous touchent point. Ie fais plus de cas de vous que des riches. En vn bon siecle, vous en auriez trop.

VI. Sans la mauuaise coustume, me, que ie vous ay fait prendre, ie pouuois icy fermer ma lettre:on ne fait iamais la reuerence aux Rois, sans leur faire quelque present. Ie ne vous puis dire adieu, qu'il ne m'en couste quelque chose. Que sera-ce? Epicure me le prestera. Plusieurs pour auoir acquis du bien, n'ont pas fini leurs mileres, mais les ont changées. le ne m'en ébahis pas, le vice n'est pas aux choses, il est en l'esprit. Ce qui les dégoustoit en la pauureré, les dégouste aux richesles. Comme il n'imposte au malade que son lit soit d'or, ou de bois, parce qu'en quelque lieu qu'onle mette, son indisposition ne le quitte point, aussi depuis qu'vn esprit n'est pas sain , mettez-le parmy les richesses, ou parmy la pauureté, comme vous avmerez le mieux, c'est tout vn, il ne peut aller en part, où sa maladie n'aille quant & luy.

፟ቚ፟ቚ፟፧*ዀ*፞ቚ፞ዀ፞ዀ፞ዀ፞ዀ፞ዀ፞ዀ፞

EPISTRE X VIII.

ARGVMENT.

 Le Sage doit estremoderé dans les débauches publiques, s'il nelvs peut fuyr tout à fair.

 Nons denons quelquefois faire effay de l'Abfainmente, & de la Paumreté: Es an milian des caraffes de la Forsune, nons refoudra à ses autrages.

 On ily a trop de celere, il n'y a iamais affez, de ingement.

Decembre. C'est vue sais de Decembre. C'est vue sais son où tout va par escuelles. Le luxe n'a point de loix: châcun fait le plus da bruit qu'il peut, comme si les Sanirnales estroient quelque autre chose que les iours ounriers; Et certainement il faut aduouer que

que la difference y est si petite, que ie trouue que celuy rencontra fort bien, qui dit que Decembre, qui n'estoit d'ordinaire qu'vn mois, estoit à cette heure vn an entier. Si vous estiez icy, ie sçaurois volontiers ce que vous seriez d'auis de faire; si nous ferions comme de coustume, ou si pour ne sembler pas auoir des mœurs particulieres, nous mettrions robe bas, & ferions la débauche comme les autres: car à cette heure pour passer le temps, & faire feste, nous changeons d'habits : ce qu'autrefois on ne faisoit que lors qu'il y auoit quelque manuaise nouuelle, ou que les choses sembloient se preparer à quelque remuement. Si ie sçay quelque chose de vostre humeur, vostre opinion seroit de prendre vne voye d'entre les extremités,& faire vn peu plus de chere que d'ordinaire : mais aussi n'aller pas iusques où va le peuple, si peut-estre vous n'estiez d'auis.

d'auis, que c'est alors qu'il se faut tenir la bride plus haute, afin de faire monstre de la temperance, en vn temps où l'on ne voit que des exemples d'insolence & disso. lution de tous costez. Il n'y a point de preuue qui fasse mieux connoi-stre que l'esprit est ferme, que quad il n'y a rien assez attrayant pour le conuier au desordre, ny rien d'assez fort pour l'y trainer. Ce setoit bien, à n'en mentir point, vn trait plus courageux de demeurer sec & sobre, au milieu d'vn peuple qui ne fait qu'yutongner, & rendre sa gorge enmy les rues: mais il y a bien plus de discretion à se tirer hors de la multitude, sans monstrer qu'on soit irregulier, & faire ce que font les autres, pourueu qu'on le fasse d'autre façó qu'ils ne le font:il n'est pas impossible de passer son temps, lans se débouter. I I. Au demeurant, i'ay tant d'é-

II. Au demeurant, i'ay tant d'éuie de reconnoistre comme vous auez l'ame en bone assiette, que suiuant uant les regles des grands person-nages, ie suis d'aduis que vous fassiez vn eslay d'estre mal nourry & mal vestu quelques iours, afin de pouvoir dire: Est-ce cecy dequoy on m'auoit fait si grand peur : Il faut en la seureté se preparet aux estonnemens, & au milieu des caresses de la fortune, se resoudre à ses outrages. Les soldats en pleine paix marchent en bataille, tranaillent aux tranchées, & se sassent à des labeurs superflus, pour se fortifier aux necessaires. Voulezvous n'anoir point de peur en l'execution de quelque chose? asseurez-vous deuant que d'y aller.Certe confideration a fait que beaucoup de gens ont voulu donner quelques iours de châques mois à viure comme les pauures : & se sont approchez le plus qu'ils ont pu de l'indigence, afin que ia-mais ils ne craignissent ce que si fouuent ils audient essayé. Ne pensez-pas que ie vous appelle simplement

ment à quelque retranchement de vostre ordinaire, ou à manger sous quelque cabane, ou à faire quelqu'vne de ces austeritez fantastiques,où par caprice les grands vont chercher de l'appetit, quand l'affiduité des delices leur en a fait perdrele goust. Que vostre lict soit vne paillasse, vostre habit vne haire, & vostre viande du pain bis: faires cette vie-là durant trois ou quatre iours, & quelquesfois dauantage, afin que ce ne soit pas vn ieu, mais vne épreuue à bon escier, & croyez qu'alors vous aurez l'esprit bien content. Quand vous verrez que pour deux liards vous autez mangé tout à vostreaise, & connoistrez que pour estre saoul, vous n'auez que faire d'estre en la bonne grace de la Fortune, puis qu'en dépit d'elle, il faut qu'elle vous fournisse ce qui vous fait besoin : Quoy que vous fassiez pourtant, ne vous imaginez point d'auoir fait quelque grande prouësse. Vous

144

Vous n'auez rien fait qu'vne infinité d'esclaues & de pauures ne fassent. Toute la gloire qui vous en est deuë, c'est que vous le faites volontairement. La continuation ne vous en fâchera non plus que l'essay : exerçons nous à la quintaine, & de peur que la fortune ne nous surprenne, faisons de bonne connoissance auec la pauureté. Quand nous aurons sçeu combien c'est chose supportable d'estre pauures, nous en serons riches auec moins d'apprehension. Epicure, qui estoit si sçauant en volupté, qu'il en faisoit leçon, auoit de certains iours où il ne mangeoit pas son saoul, pour voir s'il y faisoit faute quelque chose d'vne pleine & parfaite volupté, ou combien il en manquoit, & si c'e-stoit chose qui meritast de s'en trauailler beaucoup : Cela se trouue ainsi dans les lettres qu'il escriuoit à Polienus durant le gouuerne-ment de Charinus. Il se vante ausſì

qu'il ne depensoit pas vn sol à châque repas: Et que Metrodorus, qui n'estoit point encore du tout si Philosophe, n'en dépensoit pas plus d'vn entier. Vous ne croyez pas qu'il y eust dequoy se rassasser à faire de si mauuais repas? si auoitil dequoy se contenter, non d'vne volupté legere & perissable, mais d'vn contentement bien solide & bien asseuré. Il n'y a pas grande friandise à manger vn peu de boüilly, ou vn morceau de pain d'orge, & boire de l'eau: mais c'est vn plaisir extreme que de trouuer du plaisir en ce qui n'en a point, & fe reduire à des choses que la plus rigoureuse, & la plus iniuste for-tune du monde n'est pas capable de nous ofter. Les criminels font bien meilleure chere à la Conciergerie, & ceux-mesmes qui sont mis à part afin d'estre menez au supplice,ne sont pas traitez si mai-grement. Quelle demonstration plus euidente sçauoit-on faire de la grandeur

grandeur de nostre ame, que de nous ranger volontairement à des choses que nous ne souffririons pas quand nous serions à la dernière extremité? C'est ainsi qu'on se prepare contre la Fortune. Commencez donc de bonne heure, mon grand amy, à prendre cette coustume: & destinez quelques iours où separé du monde, & rendu communicable aux plus perits, vous entriez au commerce de la pauureté.

Courage, mon Amy, méprisez la

richesse,

Rends-toy digne de Dieu par ta

mesme sagesse.

Celuy seul en est digne qui sçait mépriser les richesses: ce n'est pas que se les condamne, mais se veux qu'il les possede sans apprehension, & cela ne se peut faire que nous ne soyons resolus à nous en pouvoir passer, & que nous ne les regardions comme toussours prestes à s'en aller d'auec nous.

III. Mais

III. Mais il faut commencer à fermer ma lettre. Ie me doute bien que vous ne me le permettrez-pas; que premierement vous n'ayez esté payé de ce que ie vous doys. le vous assigneray donc sur Epicure, qui m'acquittera. Où il y a trop de colere, il n'y a iamais assez de iugement : vous n'ignorez pas comme cette sentence est veritable. Puis que vous auez eu des valets, vous auez eu des ennemis. C'est vue passion qui ne respecte personne: Elle naist d'amour aussi bien que de haine? & non moins parmy les choses serieuses, qu'entre les ieux & passe-temps. Les effets n'en sont point selon la cause, mais selon la disposition de l'ame qui la conçoit, comme il n'impor-te pas combien vn feu soit grand, mais combien la matiere où il tombe, est capable de s'allumer. Car il y a des choses si dures & si solides, que quelque seu que ce soit, elles ne le reçoiuent pas. Et

au contraire il y en a qui en sont si susceptibles, qu'il suffit vne seule estincelle pour les consumer tout incontinent. Il n'y a point de doubte, qu'vne Colere bien violente ne se termine en fureur : Et pour ce il est bon de s'en donner garde, non seulement pour la modestie, mais encore pour la conseruation de nostre entendement.

EPISTRE XIX.

ARGVMENT.

1. Le Sage ne doit point vieillir à la Cour, ny aux charges publiques, mais chercher son repos à bonne heure, non tout à fait dans la solitude, mais dans une honneste occupation.

2. Les amis de table ne sont point les vrays amis. On ne doit pas

tant

de Seneque. 149 tant prendre garde à la chose donnée comme à celuy qui la reçoit.

I. Le ne reçois iamais de vos let-tres que ie n'en sois transporté de iove. Elles n'auoient par cydeuant fait esperer quelque chose de vous; mais à cette heure elles m'en respondent, & changent l'incertitude de leurs promesses en des asseurances indubitables. Continuez de mieux en mieux, ie vous en prie, & vous en coniure, comme de la chose que ie vous souhaitte le plus. Dérobezvous tout bellement à ces occupations qui vous diuertissent, ou si vous ne pouuez, tirez-vousen ouvertement. Nous n'auons que trop perdu de temps : la vieillesse nous aduertit de plier bagage. Quelle enuie est - ce qu'on nous en pourra porter? Nous auons passé nostre vie parmy la tem-peste; sinissons - la dans le port.

150

Ce n'est pas que ie vous conseille de chercher de la reputation par cette retraite: il ne faut ny monstrer, ny cacher : quelque iuge-ment que ie fasse du forcenement des hommes, ie ne veux pas que vous alliez vous mettre au fonds d'vne cauerne pour vous y enseuelir en vn oubly perpetuel. C'est assez que vostre repos paroisse, il n'est pas besoin qu'il soit eminent: ceux qui ne font point venus au monde, font libres de n'y venir point, & demeurer cachez en l'obscurité, mais à vous, le temps n'est plus de le faire. Vostre bel esprit, qui vous a mis si auantau iour, la gentillesse de vos escrits, & la connoissance que les Grands ont de vostre merite, vous en empescherot. Vous auez tant de reputation, que quand vous-vous iriez cacher au bout du monde, & que vous ne sortiriez iamais d'vne chambre, ce que vous auez dessa fait, vous produiroit. Il n'y a point

point de tenebres pour vous:fuyez ou vous voudrez : vous y porterez tousiours les rayons de cette lumiere qui vous a fait éclairer par le passé. Personne ne se peut offencer que vous-vous mettiez en repos, c'est chose que vous pounez faire sans regret, ny morsure d'ame quelconque. Car que nous laissez-vous que vous-vous apperceuiez d'auoir laissé, si vous ne voulez? Vos clients? cen'est pas vous qu'ils demandent, mais quelque chose de vous. Vos amis? autrefois on recherchoit de l'amitié, à cette heure on ne se soucie que du profit. Les vieillards que vous aurez quittez referont leurs testamens : le donneur de boniour ira chercher vne autre porte : Il est mal - aisé qu'vne chose vaille beaucoup & ne couste gueres. Regardez ce que vous aymez mieux perdre, ou vous, ou quelque chose du vostre. Pleust à Dieu que la Fortune vous eust G 4 laissé

152 Les Epistres

laissé viure en la condition qu'elle vous auoit fait naistre; Et que le bon vent ne vous eust point emporté si loin de terre: vous estiez bien, sans cette felicité precipitée, qui vous a fait anoir des Gouvernemens, & des Commissions, & pretendre aux Charges, de qui celles - cy ne sont que les degrez pour y monter : d'vn estat vous passerez à l'autre, & decét autre à vn autre. Mais enfin que sera - ce? Quand ferez - vous compte de vous repoler? quand vous aurez ce que vous desirez. Ce ne sera iamais. La suitte de nos cupiditez est comme celle des caules, de qui les Stoïques tiennent, que les Destins sont enfilez. La fin de l'une est la naissance de l'autre : vous-vous este laissé choir en vne vie, où la misere & la seruitude n'ont point de bornes. Tirez-vous le col hors du joug : yous aurez meilleur marché

marché de l'auoir coupé vne fois, que pressé perpetuelle-ment. Si vous reuenez à la vie priuée, vous y trouuerez bien les choses plus petites : mais elles ne laisseront pas de vous rassaire : à cette heure vostre estomach est vn abysme, quoy que vous y jettiez ne le contente. Or lequel est-ce que vous aymez mieux, d'estre pauure & saoul, ou riche & affamé? Les Grands ne sont iamais sans Conuoitise: & sont encore exposez à la connoitise d'autruy. Si vous n'estes content, vous ne pouuez contenter personne. Mais comment sortiray-ie? Faitez comme vous, voudrez: mais de quelque façon que ce soit, il faut sorvir. Souuenez-vous combien l'anarice vous a fair courir de hazards, & combien de trauaux l'ambition vous a fait trouuer agreables. Il faut aussi vier de quelque chose pour estre en repos.

154

ou vous resoudre de vieillir en cette inquietude de commissions, ou de charges publiques, parmy le tumulte, & tousiours dans quelques nouueaux flots, d'où, quelque modeste, & paisible que vous soyez, vous n'aurez moyen de vous garentir. Qu'importe que vous vueillez vous reposer? Vostre fortune ne le veut pas : que sera-ce si vous la laissez monter plus haut? L'accroissement du bien ne sera-ce pas vn accroissement d'apprehention ? le vous veux icy reciter vne chose, que Mecenas a dite en son Promethée. La torture luy fit à la fin découurir la verité. La scule hauteur estonne les choses eleuées : il a voulu dire, que le coupeau d'vne chose haute a tousiours de l'estonnement. Est-il possible qu'il y ait grandeur au monde qui vueille qu'vn homme soit contraint de confesser qu'il en est enyuré? Ce fut certainement yn bel esprit, & qui

qui pouuoit mettre sa bien disance entre les exemples, si la prosperité de la Fortune ne l'eust rendu plustost femme, qu'effeminé. Vous en serez de mesme, si vous n'y prenez garde. Il eut enuie de prendre terre: mais ce sut trop tard: pliez les voiles de bonne heure.

II. Cette sentence de Mecenas me pouuoit acquitter si ie voulois, mais ie me doute qu'il me faudroit auoir procez auec vous, & que vous voudrez auoir vostre payement de monnoye courante. Puis qu'ainsi est, ie m'en vay en emprunter d'Epicure. Ne prenez pas tant garde à ce que vous mangez, comme auec qui vous mangez. C'est vne vie de Lyon, ou de Lonp, que manger sans vn amy. Pour auoir cette élection, retirez - vous : autrement il faut que vous preniez la compagnie telle qu'entre ceux qui vous viennent voir, vn officier vous aura voulu choisir.Les amis ne se trounent

uent point en vne basse-court : ils ne s'éprouuent point en vne table. C'est le mal ordinaire des Gtands, de penser estre aymez de ceux qu'ils n'ayment point, & croire que pour acquerir des amis, ce foit assez de les obliger. Au contraire, il y a des hommes qui ne veulent du mal qu'à ceux qui leur ont fait du bien : plus ils doiuent, plus ils hayssent: vne petite som-me estrange celuy qui l'emprun-te: vné grande le rend ennemy: Et quoy donc, les plaisirs ne font pas les amitiez ? Si font, pourueu qu'on choisisse ceux qui les doiuent receuoir, & qu'indifferemment on ne les épande pas sur les premiers venus. Ainsi iusques à ce que de vous-mesme vous soyez capable de vous conduire, prenez l'aduis de ceux qui sont sages, & ne regardez pas tant ce qui vous part des mains, comme la personne qui le reçoit.

፟፟ቚ፟ቚ፟ቚ፟ቚ፞ቚ፞ቚ፞ቚ፞ቚ፞ቚ፞ቚ፞ቚ፞ቚ

EPISTRE XX.

ARGV MENT.

La Philosophie est une eschole de bien faire, & non de parler : Estre constant en ses resolutions est la marque d'un homme sage.

2. La Pauureté fait connoistre les vrays Amys: La gloire d'une ame genereuse n'est point d'aller au deuant des incommoditez, mais par le mépris des richesses, de s'y preparer, comme à choses qui ne sont pas fort difficiles à supporter.

 Qu'il faut quelquefois se representer une Pauureté imaginaire, pour s'accoustumer à la veritable.

I. SI vous-vous portez bien, & pensez auoir du merite assez, pour estre quelque iour vostre ftre, ce sont les meilleures nouvelles que ie sçaurois receuoir de vous. Ie serois bien-aise d'auoir l'honneur de vous tires de la confusion où vous estes, auec peu d'esperance de vous en débroûiller. C'est pourquoy ie vous prie, & vous conseille de faire descendre la l'hilosophie insqu'au fonds de vostre ame, & de mettre en practique ce que vous auez appris, non pardes belles paroles, ou par des escrits, mais par asseurance de courage,& diminution de vos passions. Verifiez vos paroles par effects. Il n'est pas question ny de haranguer deuant vne assemblée, pour faire admirer son eloquence, ny de disputer de quelques propositions curieuses, pour entretenir de ieunes hommes, & ie ne sçay quelles gens, qui ne sçauent où passer le iour. La Philosophie est vne eschole de bien faire,& non de parler: elle veut que châcun se coforme à sa regle: qu'ó viue comme on parle

parle: & qu'en nos actions tout soit d'une peinture, fans qu'il y ait tien de dissemblable ny de bigarré. Le principal office de la sa-gesse, & sa marque la plus euiden-te, c'est que les œuures ne démentet point les paroles,& qu'en toutes rancontres, vn homme se trouue tousiours égal à soy. Mais qui sera capable de ceste perfection? peu de gens sans mentir: Et toutessois il s'en trouuera quelquesvns. C'est chose qui n'est pas bien aisée:mais si est ce que ie n'oblige pas le sage à marcher tousiours de mesme pas : il me sussit qu'il tienne tousiours vn mesme chemin. Prenons donc garde si nous ne nous habillons point d'vne façon, & gouvernons nostre maison de l'autre: Si nous ne baillons point trop anatement aux autres ce que nous prenons trop liberale-ment pour nous: Si vous n'estes point frugal en despense de table, & trop somptueux en magnificéce de bastimens. Choisissons pour vne fois vne forme de viure, & suiuons-la eternellement. Il y en a qui sont mesquins & sordides en leur maison, & qui dehors font les grads & les magnifiques. Cet-te inegalité viciense est marque d'vn esprit qui chăcelle,&qui n'est point encore en bonne assiette. Ie m'en vay vous dire d'où leur vient ceste humeus ainsi variable, & pourquoy il y en a de si peu de rapport de leur conseil à leur execution. Ils ne se proposent point vn certain but, & s'ils le font, ils n'y perseuerent point : mais se laissent incontinét emporter ailleurs, & ne se contentent pas de chager, mais retournent sur leurs pas, & seprennent la resolution mesme, qu'ils auoient condamnée auparauant. Afin donc de laisser les anciennes deffinitions, qu'on a faites de la sagesse, & comprendre toute la consideration de la vie humaine, ie me contenteray de ce que. que ie vous vay dire. Qu'est-ce que sagesse ? quand on a voulu quelque chose, estre tousiours ferme à la vouloir, & ne vouloir iamais ce qu'vne fois on n'a point voulu. Ie n'y adiouste point ceste petite exception, que ce qu'on veut, soit iuste, parce qu'il est impossible, qu'vne chose iniuste puisse plaire continuellement. Les hommes sçauent peut - estre cequ'ils veulent en ce moment où ils veulent: mais apres ils n'en sçauent plus rien. Il n'y a personne du tout ferme à vouloir, ou ne vouloir point. Le iugement se change: il se contredit d'un iour à l'autre, & de là vient, que plusieurs font de la vie comme d'vn jeu. Suiuez donc ce chemin, que vous auez pris, & peut-estre qu'il vous menera à la perfection, ou pour le moins vous gaignerez ce poince, que si quelque chose vous manque, vous screz le seul, qui reconnoistrez vostre deffaut.

II. Mais

II. Mais que deuiendront mes domestiques ? quand ils ne mangeront plus vostre pain, ils man-geront le leur. Vous sçaurez par la pauureté ce que le bien que vous auez fait, ne vous a sçeu faire apprendre. Les amis de cœut vous demeureront : vous ne serez laissé que de ceux qui vous suiuoient pour quelque autre chose que pour vous. Quand la pau-ureté ne vous seruiroit qu'à vous faire connoistre qui vous ayme, n'est-ce pas du sujet assez de la vous faire aymer? Ne vous verrez-vous iamais en vn estat qui n'oblige personne à mentir pour vous faire honneur? faires donc que toutes vos pensées; tous vos foins, & tous vos souhaits soient d'y paruenir. Remettez à Dieu tous les autres vœux que vous luy pouuez auoir faits, & qu'il vous accorde cettuy-cy, que vostre contentement soit en vous-mesme, & aux biens qui ne procedent

dent que de vous. Quel bon-heur fçauriez - vous voir plus à com-mandement ? establissez - vous si bas, qu'il soit impossible de tom-ber. Le tribut de cette lettre que ie m'en vay vous payer, vous donnera plus de sujet de vous y resoudre: soyez-en jaloux tant qu'il vous plaira. Ie sçay bien qu'Epi-cure ne se faschera non plus de payer pour moy, qu'il a fait par le passé. Croyez que quand ie vous verray estendu sur quelque pauure lict, & vos habits tout déchirez, ce que vous me direz m'en semblera bien plus braue & plus magnifique. Ic n'en ouyray pas seulement le langage, i'en verray l'experience:Pour moy ie ne prens iamais tant de plaisir d'ouyr nostre Demetrius que quand ie le rencon-tre couché sur la paille, ou sur quelque chose encore pis,& si mal en ordre, qu'il est plustost nud qu'habillé: car il ne prosesse pas la verité: il la témoigne. Et quoy donc?

164

donc?ne peut-on pas viure parmy les biens, & les mépriser? pourquoy non ? On ne peut dire qu'vn homme n'ait beaucoup de courage, qui apres auoir long - temps amoureusement regardé les richesses, se prend à rire de ce qu'elles le sont venu trouuer : & les reconnoist siennes plustost par ouy dire, que pour sentiment qu'il en ait. Ge n'est pas peu de pouvoir con-uerser parmy les richesses, & ne s'y laisser point corrompre. Il y a de la gloire d'en auoir, & viure en pauure: mais il y a moins de peril à n'en auoir point. Ie ne sçay , direz-vous, si ce riche toboit en pau-ureté, comme il la supporteroit patiemment. le ne sçay, vous respondray-je pour Epicure, si la For-tune donnoit des biés à ce pauure, comme il auroit du iugement & du courage à les mépriser. Il faut entrer au fonds de leur ame de l'vn & de l'autre, & voir si c'est à bon escient & sans fard, que le pauute

pauure prend plaifir à l'estre, & fi le riche, quelque bonne mine qu'il fasse, ne se ressouit point d'auoir du bien. Ce n'est pas vn grand tesmoignage d'vne volonté bien disposée, qu'vn méchant lict, ou vn mauuais habillement, sinon qu'il y paroisse, non de la necessi-té, mais & de l'élection & du consentement à les auoir. Au reste la gloire d'vne inclination genereule n'est point à chercher mal à propos ces incommoditez, comme plus salutaires au repos de cette vie: mais de s'y preparer indisse-remment comme à choses qui ne font point si difficiles, qu'il ny ait moyen de les supporter. Et certainemet, Lucilius, elles sont supportables, vrayment plaisantes, quand on y vient aduerti de longue main. La feureté les accompagne, sans laquelle nous ne pouvons iamais rié auoir qui nous donne du plaisir.

II I. Nous ferons donc bien, à mon aduis, à l'imitation de beau-

coup de grands personnages de nous reserver quelque iours, où par l'exercice d'vne pauureté imaginaire, nous nous accoustumions à la veritable. Dequoy nous auons d'autant plus de besoin, que nous aurons esté plus noyez dans les delices, & que toutes choses nous sembleront plus dures & difficiles. Il faut pincer nôtre esprit, afin qu'il se réveille,& luy representer le peu que la Nature nous a ordonné pour nostre entretien. Il n'y a personne qui sorte riche du ventre de sa mere: quiconque vient au monde, il faut qu'il se contente d'vn peu de laict pour sanourriture, & d'vn morceau de drap pour son habillement: Et cependant de si petits commencemens viennent ces ambitions disproportionnées, à qui les Royaumes entiers ne sont pas encore assez.

EPISTRE XXI.

ARGVMENT.

I. La Vertu nous rend immortels, & non les biens de Fortune.

 Celuy qui a borné ses desirs, est riche.

I. Pensez-vous que vostre empéchement vienne d'où vous
m'écriués?vous n'aués rié qui vous
trauerse tant que vous-méme. C'est
de là que vient vostre inquietude,
que vous ne sçauez ce que vous
demandez, & approuuez mieux
la Vertu que vous ne vous y rangez. Vous voyez bien où est la Felicité; mais vous n'auez pas assez
de cœur pour vous y acheminer;
Puisque vous ne sçauez d'où cela
vient, ie le vous diray. Vous pensez que ce qu'il vous faudra laisser,

soit quelque chose bien estimable; Et autant de fois que vous vous representez le repos de la vie, où vous voudriez bien passer, autant de fois l'éclat de celle d'où vous partirez, vous retient, comme si vous deuiez choir au fonds de quelque sale & tenebreuse obscurité. Vous vous trompez, Lucilius; de la vie où vous estes, on monte à celle que vous desirez. Il y a entre ces deux vies la mesme difference, qu'entre la lumiere & la lueur, l'vne, qui a son origine d'elle méme,& l'autre, qui n'éclaire que par autruy. La vie où vous estes, parce qu'elle est frappée d'un brillement exterieur, donne incontinent vne ombre épaisse à ceux qui s'y arrestent : celle que vous desirez, a de soy-mesme vne splendeur veritable, & n'emprunte point de rayons pour éclairer. Vous luisez du lustre de vostre science: sa celebrité vous rendra celebre. Epicure escriuant

à Idomeneus, l'vn des ptincipaux Officiers du Roy son maistre, & qui estoit employé en affaires de grande importance; pour le tirer d'vne vie, qui n'auoit que de la monstre, & luy faire embrasser vne gloire folide & durable, luy difoir: Si vous cherchez de l'honneur, toutes ces vanitez que vous suiuez: & qui vous font suiure, ne vous en donnetont point tant que mes lettres. Ne luy a-t'il pas tenu promesse ? Qui iamais eust ouy parler d'Idomeneus, s'il ne se fust rencontré dans les lettres d'Epicure? Tous ces Magistrats, & Satrapes, & ce Roy mesme, d'où venoit la grandeur d'Idomenée, ont leurs noms, auss bien que leurs cendres dans le tombeau. Atticus: eust Agrippa pour gendre, Tyberius pour pere de son gendre, & Drusus Cesar pour atriere-neveu. Et toutesfois auec tous ces noms si grands & si magnifiques, si les lettres de Ciceron nel'auoient mis

au monde, on ne leauroit pas qu'il a vescu. Nous serons converts d'vne profonde espaisseur de siecles, qui tomberont sur nous: il y aura quelques esprits qui leueront la telle , & long-temps disputeront la conservation de leur momoire, mais à la fin ils succomberont enxmelmes, comme les autres, lesont noyez en l'abiline d'un filence perpetuel. Ce que promettoir Epicure à son amy, iele vous pro+ mets, Lucilius d'ay du credit auco la posterité : i ay dequoy faire viune ceux qu'il me plaira menerauec moy. Nostre Virgilea promis à deux de fai roque la posterité s'en souviendroit d'eux éternellement : & de faitil leur tient promesse.

O tous deux bien-heureux; si mes vers ont poundir,

Nul iour vestre memoire esteinte pourra voir,

Tant que de Capital cette roche éleuée Logera les neveux & la race d'Enée:

Et tandis qu'on verra que le pere Romain,

De ce monde vainqueur, aura l'Empire en main

Tous ceux que la Fortune produit à la veuë du monde, & que les Roys font les pieces principales de leur estat, sont honnorez, & leurs maisons frequentées, tandis qu'ils viuent: mais ils n'ont pas si-tost fermé les yeux, qu'on n'em parle plus. Il est au contraire des beaux esprits: c'est apres la mort qu'on les estime dauantage, & non pas eux seulement, mais generalement tous ceux qui en quelque façon se sont attachez à leur memoire.

II. Puis qu'Idomeneus a en place en ma lettre, il est raisonnable qu'il lay en conste quelque chose. Epicure luy voulant persuader d'enrichie Pytocles par vne voye extraordinaire, mais indu-

172 Les Epistres

bitable, luy dit vne parolefort remarquable: Voulez-vous, dit-il, que Pytocles soit riche, n'acroissez point ses biens, mais diminuez ses convoitises. Cette sentence sans interpretation est assez claire, & a trop de grace pour luy chercher d'embellissement. Ie vous aduertiray seulement d'vne chose; que ce qu'il a dit des richesses, se peut appliquer par tout, où vous vous-en voudrez seruir. Voulezvous faire Pytocles honneste homme? n'accroissez point ses honneurs, diminuez les conuoitiles? Voulez-vous qu'il soit en vne volupté perpetuelle ? n'accroissez point ses voluptez, mais diminuez ses conuoitises: Voulez-vous que sa vie soit longue? n'accroissez point ses années, mais diminuez ses conuoitises. Toutes ces paroles ne sont point particulierement à Epicure; elles sont publiques. Ie tiens qu'il faut faire en la Philosophie comme au Senat. Quand quel

quelqu'vn a dit quelque chose, qui ne me plaist qu'en quelque partie, ie luy fais diuiser son opi-nion, & me range de son costé; Et puis i'allegue tout aprés Epicu-re, afin que ceux qui se voudroient jetter de son party, pensans y trouuer la couuerture de leurs intentions vicieules, sçachent que de quelque costé qu'ils se tournent, il faut qu'ils se resol-uent d'estre gens de bien, & se comportent auec honneur. Quand ils iront pour se rendre dans ses jardins, & qu'ils verront escrits sur sa porte; Passans, il y a bon Logis ceans: la velstpié y est tenue pour souuerain bien; Apres cela vous trouuerez vn concierge gracieux, qui vous traittera de boüillie, & vous donnera de l'eau tout ce que vous en voudrés. Il vous dira: Et bien, ne vous faisje pas bonne chere? on ne s'affame point en ces jardins, on s'y rassalie: ce qu'on y boit ne prouoque point l'alteration, mais ofte la soif, anec vn remede gratuit & naturel. L'ay passé ma vie en cette volupté : ie vous parle de ces defirs qui n'escoutent point de consolation, & à qui par force il faut donner quelque chose pour les appaiser: car quant aux autres, qui se pennent remettre à vne autrefois, chastier, corriger, ou supprimer du tout, ils ne sont ny naturels, ny necessaires, ny nous ne leur deuons rien. Si nous leur baillons quelque chose, c'est de nostre gré.Le ventre ne veut point de remonstrances ; il demande , il somme.Et toutessois ce n'est point vn fascheux crediteur : nous le renuoyons pour peu de chose : il se contente de la raison, & ne veut pas qu'on se ruine pour le payer.

EPISTRE XXII.

ARGUMENT.

1. Le sage se doit tout à fait de mester des occupations specieuses en apparence, & pernicieuses en effet.

2. Le moyen d'eschapper aux occupations publiques: Cest d'en mespriser les honneurs & les recompenses.

3. Nous entrons au monde meileleurs que nous n'en sortons.

I. Vous connoîssez dessa bien que vous ne sçauriez mieux faire que vous demesser de ces occupations s'epecienses en apparence, & permicionses en esfect: mais vous ne sçaurez pas le moyen d'y parnenir. Il y a des choses qu'on me peut monstrer qu'en H 4 pre

presence. Vn Medecin ne sçauroit par lettres ordonner au malade les heures qu'il doit manger, ou se mettre au bain : il faut qu'il luy taste le pouls. Le vieux prouerbe dit, Que le Gladiateur delibere sur l'arene. Son aduersai. re fera quelque mine, ou quelque mouuement de la main, ou se mettra sur quelque posture, sur laquelle il se resoudra de ce qu'il faudra qu'il fasse. Pour les choses qui se doiuent faire, où qui se font ordinairement, il y a bien moyen de les escrire, & de les faire fçauoir non seulement aux absents, mais à ceux mesmes qui viendront au monde, apres que nous en serons hors; Mais de preserire le temps, ou la façon de proceder en quelque chose, c'est vn aduis, qui ne se peut donner de loin. Il en faut deliberer auec les yeux : l'occasion nous échappe d'vn moment à l'autre : ce n'est rien que d'estre present pour la voir, qui n'est vigilant

lant pour l'employer: Et pour ce espiez-là bien: si vous la voyez, ne manquez pas de la prendre; & quoy qui en arriue, ne demeurez plus comme vous estes. Vous viuez d'vne façon, que vous seriez plus heureux de ne viure point. Toutesfois ie ne suis pas d'auis, que ce changement se fasse auec violence. Rompez ce que vous vous auez messé plustost que de ne vous dégager point. Mais de-uant que de le rompre, faites ce que vous pourrez pour le débrouiller Il n'y a si poleron qui pour le debrouiller Il n ler. Il n'y a si poltron, qui n'ayme mieux tomber vne sois, que d'estre en branle toutesa vie. Cependant pensez que vous estes loin de terre, & ne vous engagez point plus auant en la mer. Soit que vous-mesme vous soyez mis dans la barque, soit que comme vous le voulez faire croire, vous y ayez esté porté fortuitement, si vous passez outre, vous n'auez point d'excuse: on verra bien que vous H, y estes y estes non par fortune, mais par election. Ce sont contes que ce qu'on dit ordinairement : Ie n'ay sceu m'en garentir, ie n'en voulois rien faire, mais ça esté par force : on ne force iamais personne de courir apres la felicité: c'est quelque chose de ne la rejetter point, & de demeurer ferme. Quand la Fortune vient, fans aller au deuat, pour la faire marcher plus vistement, ie veux, si vous le frouuez bon, qu'auec moy vous ayez encor en vostre conseil des gens plus lages que ie ne suis, & de qui ie prends ordinairement l'aduis, quand i'ay quelque chose à deliberer. Il y a dans Epicure vne lettre qu'il escrit à Idomeneus, qui se rapporte fort à ce propos. Il le prie qu'il fasse tost, & qu'il se dépesche le plus qu'il pourra, deuant qu'il survienne quelque empeschement, qui luy oste la liberté de s'en aller. Toutesfoisiladjoûte incontinér apres, qu'il

qu'il ne doit rien tenter que bien à propos; mais quand l'heure sera venue, il se iette par la senestre plustost que de demeurer : Qu'au reste celuy qui pense à la fuitte ne doit iamais s'endormir : & que pourueu qu'on ne preuienne ny perde le temps, il n'y a rien si difficile qui ne puisse auoir vne bonne fin. Peut-estre vous voulez sçauoir ce qu'en tiennent les Stoïques. Il ne faut pas qu'on vous fasse croire que ce soient gens qui se precipitent au peril sans iugement, ils sont plus considerez que resolus: vous attendez possible qu'ils vous disent que c'est vne honte de laisser tomber sa charge: que depuis qu'on a pris vne pro-fession, il faut combatte contre ce qu'elle a de mal-aisé, & que la marque d'vne ame magnanime & valeureuse est de s'opposer contre les disticultez. Ils voustiendront ce langage, quand il y aura quel-que fruit en la perseuerance, &c qu'il

qu'il ne sera question de chose qu'on ne puisse ny faire ny souffrir auec honneur:autrement vn homme de bien ne voudra pas s'attacher apres quelque chose de sordi-de, ny d'vne occupation en faire naistre vn autre, pour auoir toû-jours quelque sujet de se tourmenter. S'il se trouue vne fois embarqué dans les affaires du monde, il n'en voudra pas tousiours souffrir les marées, côme vous pensez qu'il fera mais ayant reconnu cóbien les choses qui luy donnent de la peine, sont peu durables, incertaines, & douteuses, il se retirera tout bellemet,& sans tourner le dos reculera iusques à ce qu'il soit hors de peril.

II. Le moyen d'échapper aux occupations, c'est d'en mépriser les recompenses: il n'y a que cela qui nous arreste, & nous retienne. Quoy donc, que deuiendront tant de belles esperances: M'en iray-ie sur le poinct de faire la recolte! N'auray-ie plus personne qui vien-

ne apres moy, personne qui courre apres mon carosse; ny qui se promeine en ma baile court? Ce sont des vanitez que les hommes ne peuuent laisser qu'à regret : ils detestent bien les arbres, mais ils prénent plaisir d'en' cueillir le fruit, ils se plaignent de l'ambition comme d'vne maistresse; c'est à dire, si vous examinez le fonds de leur affection, ils ne luy veulent pas de mal, mais ils sont en dispute auec elle. Sondez cette sorte de gens, qui font mine d'auoir à contrecœur les choses qu'ils ont recherchées, & pensent de fuïr ce qu'ils pensent leur estre necessaire: Vous trouuerez qu'ils succent comme sucre ce qu'ils rejettent comme absynthe. On ne les tient point, ils s'arrestent volontairement : il n'y a pointtant d'esclaues, comme il y en a qui prennent plaisir de l'estre. Mais vous auez enuie de vous dégager de la seruitude:la liberté yous plaît à bo escient:tout ce que 182

vous demandez, c'est de le pouuoir faire si à propos, que iamais plus vous n'ayez suiet de vous sou. cier de rien. Vous ne trouuerez point de Stoique qui ne soit en cela de vostre opinion. Il n'y a ny Zenon, ny Crisippus qui vous conseillent chose qui n'ait quelque mesure, qui ne soit raisonna. ble & que vous ne puissiez faire auec honneur. Mais si vous voulez attendre que vous ayez donné ordre à ce que vous porterez quat & vous, & aux prouisions qu'il vous faudra pour vostre retraitte, ce ne sera iamais fait. Quand vn vaisseau se brise, ceux qui se iettent à la nage, ne se chargent point de leurs hardes. Ne vous souciez que de gaigner le port d'vne meilleure vie. Les Dieux vous assisteront: mais non pas comme ils asfistent ceux à qui d'vn bon visage ils donnent des maux déguisez d'vne apparence magnifique, se garontiffans de cotte excule, que si ce qu'ils baillent est dommageable, ils n'ont pû resuser ce qu'on leur a demandé.

III. Ie m'en allois cachetter ma lettre: mais il me la faut r'ouurir, afin que vous ne la receuiez point, qu'auec le present accoustumé. Tout à cette heure il me vient de souvenir d'vne parole d'Epicure, aussi veritable, que bien dite : ie cherche toufiours dans les coffres d'autruy. Nous nous en allons tous de ce monde, comme si nous venions d'y arriuer. Prenez qui vous voudrez, ieune, vieil, ou du moyen âge; vous n'en trouuerez pas un qui n'ignore la vie, & qui n'apprehende la mort. Nous nous remettons tous au lendemain ; & de là vient que nous n'auons iamais rien de prest. Ce que ie trouve de meilleur en cette sentence, c'est qu'elle reproche l'enfance aux vieillards. Comme nous sommes entrez au monde, nous en sortons. Cela n'est pas vray: nous 184 Les Epistres nous naissons meilleurs que nous ne moutons. La faute en est à nous il ne s'en faut point prendre à la Nature : elle a plustost sujet de se plaindre de nous, & nous dire : D'où vient cecy? quand ie vous mis au monde, vous n'auiés point de cupiditez, point de frayeurs, de superstition, de per-fidie, & de toutes ces autres pestes que vous auez à cette-heure? Que n'en sortez - vous tels que vous y estes venus? nous serions vrayement lages, si nous pouuions mourir auec aussi peu de peur comme nous sommes nez. Mais comme le peril approche, nous ne sçauons plus où nous en sommes: nous auons l'ame & le visage en desordre, & versons des larmes, que nous sçauons bien qui ne nous seruiront de rien. Quelle vi-lainie est-ce d'estre en allarme sur le poin& de sortir hors de tout peril? L'occasion de ce trouble est, Que nous n'auons du tout rien de

ce que nous voudrions bien auoir. Quand nous sommes prests de mourir, il ne nous est rien demeuré de ce que nous auons vescu. Nous auons laissé tout écouler: nous ne nous soucions point d'vne bonne vie, mais d'vne longue: Et cependant le bien viure est si facile, que tout le monde le peut faire, & le viure longuement si difficile, qu'il n'y a pas vn qui puisse adiouster vne heure seulement à son demier iour.



EPISTRE XXIII.

ARGVMENT.

 La vraye ioye consiste en labonne conscience, au mespris des vanitez, des choses casuelles, & en un reglement de vie uniforme.

2. Celuy-là vit honteusement, qui commence tous les iours à viure.

I. Vous

186 Les Epistres

Vous attendez que ie vous mande comme l'Hyuer nous a traittez doncement, comme il n'a esté ny si long ny si rigoureux que de coustume, comme le Printemps est fascheux, comme il est froid extraordinairement, & toutes ces niaiseries de gens qui ne cherchent qu'à remplir le papier. Pour moy ie ne vous veux rien escrire dequoy nous ne puissions receuoir quelque prosit. Que sera-ce donc, sinon de vous exhorter à prendre garde que vous ayez l'ame bienfaite? Demandez-vous qui en est le fondement? de ne se ressouir point des vanitez. Ay-je dit que s'en est le fondement? c'en est le faiste. Quand vn hom-me en est venu là, qu'il sçait dequoy se resiouyr, & que pour estre heureux, il ne se remet à la discretion d'autre que de soy-mesme, il ne sçauroit monter plus haut: Quiconque se laisse chatouiller de quelque esperance, quelque apparente parente & facile qu'elle soit, & quelque bon succez que ce qu'il se propose, ait accoustumé d'anoir, il est impossible que iamais il ait ny l'ame nette, ny le courage bien asseuté. Faites, Lucilius, que vostre premiere leçon soit d'apprendre à vous ressouyr. Vous me direz que vous oftant les choses fortuites, & les esperances qui sont les plus cheres delices de l'esprit de l'homme, ie ne vous en laisse pas beaucoup de sujet. C'est tout au contraire : ie ne veux pas que iamais vous soyez sans contentement. Tout ce que ie demande, c'est qu'il naisse en vostre maison: il y naistra, pourueu qu'il soit en vous-mesme. Les autres joyes relaschent bien le front, mais elles ne remplissent pas l'estomach; ce ne sont que fumées : il ne suffit pas de rire pour estre ioyeux: il faut que l'ame soit gaye, en bonne assiette, & si releuée, que toutes choses demeurent au des-

fous d'elle. Croyez-moy, c'est vne chose seuere qu'vne joye veritable. Auez-vous opinion, qu'on puisse sans se rider, & comme parlent ces affetez, en faisans les doux yeux, mespriser la mort, ouurir la maison à la pauureté, refifter à ses affections, & se disposer àla patience d'vne douleur? Il n'y a point de doute, que le contentement de ces meditations ne soit grand: mais il n'a pas le goust bien delicat. C'est celuy que ie veux que vous recherchiez. Ne vous souciez que d'en rencontrerla source: vous n'en trouuerez iamais le bout. Les metaux de peu d'importance sont ordinairement si prés du gazon, qu'on les découure en deux coups de besche: Ceux qui sont de prix, se cachent au fond de la terre: mais aussi tant plus qu'on y cherche, tant plus on y trouue dequoy fouiller. Tout ce que le vulgaire estime, n'est que de fu-

mée:s'il aquelque plaisir,il ne fait que s'espandre en la superficie, & ne penetre point à l'interieur. Il ne peut y auoir de fondement en vne joye, qui vient de dehors; Celle de qui ie parle, & où ie tasche du vous conduire, est essentielle, & n'a pas tant d'apparence que de verité. Voulez-vous estre heureux, Lucilius? il n'y a qu'vn chemin quì vous y meine marchez sur toutes ces vanitez, que vous voyez luire, & ne desirez point vne chose, que vous ne pourrez auoir, si vous ne la mendiez. Tournezvous toufiours du costé du vray bien . & resiouissez - vous à vos despens. Comment à mes dépens? De vous, & de ce qui est meilleur en vous. Quant au corps, encore qu'il soit l'organe de la pluspart de nos operations, traittés-le comme necessaire: mais n'en faites point de cas. Les voluptez qu'ildone, sont vaines, & ne durent point:

Les Epistres

point: elles sont aussi-tost pre-sentes comme passées: & bien souuent se changent en leur contraire, si on ne les prend auec beaucoup de discretion. Ce que ie vous dis, est veritable. Elles sont en vn precipice, & qui n'y garde mesure, il en sort ordinairement de la douleur. Or il n'y a tien de si mal-aisé, que de garder melure en ce qui est à nôrre goust. D'vn bien veritable prenez en tout à vostre aise. Vous estes asseuré que la quantité ne vous en peut faire mal. Vous me demanderez, Que c'est que ce bien veritable, & d'où il peut venis. Ie le vous diray: De la bonne conscience, des intentions vertueuses, des actions droites, du mépris des choses casuelles, & d'vn reglement de vie vniforme, qui ne s'égase jamais de son chemin. Car comme seroit-il possible, que ceux qui ne font que sauter d'vn dassein à l'autre, ou qui mesmes 'nŷ

n'y sautent pas, mais se laissent aller au gré de la Fortune, estans vagues & suspendus, eussent quelque chose de certain & d'arresté? Il s'en trounent peu, qui gounernent eux & leurs affaires par conseil. La pluspart ne vont pas, mais sont portes, comme ces choses que nous voyons flotter fur vne riuiere: Les vnes, parce que l'eau qui les soustient est molle & dormante, descendent tout bellement en bas, les autres par le fil impetueux sont trainez anec violence. Les vnes par vn brassement languide sont jettées à bord : Et les autres rapidement emportées jusques en la mer. Il faut donc prendre vne resolution de ce que nous auons à faire. Et quand elle oft prise, y persenerer.

ce que ie doy: ie m'en vay acheuer cette lettre auec vne belle parole de vostre Epicure. C'est chose fascheuse de commencer tous

les iours à viure, ou si vous trouuez la conception mieux expri-mée de cette façon, c'est mal vi-ure que de commencer tousiours à viure. Demandez - vous pourquoy? pource que leur vie est toû-jours imparfaitte, & qu'il n'y a point d'apparence qu'vn homme qui ne fait que commencer à vi-ure, se puisse preparer à mourir; il faut faire en sorte, que nous ayons tousiours assez vescu. Cette meditation n'entre point en l'esprit d'vn homme, qui pense toû-jours estre au commencement de sa vie. Ne croyés pas que le nombre en soit petit: il n'y a gueres d'aurres. Si vous vous en estonnez, ie vous diray bien vne chose qui vous estonnera bien d'auantage. Il y en a qui commencent de viure quand il est temps de cesser? il y en a qui cessent de viure, & n'auoient pas encore commencé.

EPISTRE XXIV.

A RGVMENT.

- Qu'il ne faut point aprehender les maux à venir.
- Le moyen de n'apprehender point les maux à venir, est d'en prendre la mesure à par soy & taxer sa crainte.
- La mort n'a que l'apparence d'un plus grand mal, & toute sa pompe n'est que la douleur d'une goute, d'une colique, ou d'une femme en son accouchement.
- 4. La mort & les afflictions sont la condition de la vie.
- 5. Chàque iour emporte vne partie de nostre vie, & la derniere heure n'est pas celle qui fait la mort; mais qui l'accomplit.
- L'homme sage ne doit craindre ny desirer la mort.

I. Vous

I. T TOus me mandez que les brauades de vostre partie vous font douter que vous n'ayez quelque arrest à vostre preiudice: cest peut - estre afin que ie vous mette l'oreille sous le coude, & que ie vous conseille de vous flatter de l'esperance de quelque meilleut euenement. Car quel besoin est-il d'aller au deuant des maux, auancer vne douleur que nous sentirons affez - toft quand l'occasion en sera venuë, & gaster la iouyssance du present par l'apprehension de l'aduenir ? Il n'y a point de doute que vous n'ayez faute de jugement: fi vous vous rendez miserable à cette-heure, parce que vous serez miserable quelque iour,

II. Mais ie vous veux bien mener à la seureté par vn autre chemin. Si vous voulez vous dépouiller de tout les soucis faites compte, que ce que vous redoutez qu'il vous aduienne, indubitablement vous aduiendra, Quelque

que mal que ce soit, prenez en la melure à part-vous, & taxez vostre crainte, vous trouuerez que ce qui vous fait peur, s'il est grand ne sera pas de longue durée : Il n'en faut point aller chercher la preuue bien loin: il n'y a point de siecle qui n'ait des exemples de pareilles refolutions: Iettez les yeux de quelque costé que vous voudrez dedans l'Italie ou dehors, vous trouuerez par tout des ames grandes, & d'acquisition, & de naturel. Ie veux que vous soyez condamné, que pounez-vous auoir pis que le bannissement ou la prison ? Que sçauroit craindre le corps au delà de la flamme & de la mort ? Considerez chacune de ces douleurs à part, & en mesme temps representez - vous ceux qui les ont mesprisées; vous serez plus en peine de les choisir que de les chercher. Rien ne déplut à Rutilius en sa condamnation, que d'auoir esté maldugé. Metellus en son

bannissement eut patience: Ru-tilius print plaisir au sien L'vn reuint pour gratifier sa republique qui le rappelloit : l'autre prié par Sylla de reuenir, ne craignit point de le refuser, en vn temps, ou luy refuser estoit crime capital. La prison ne sit point taire Socrate : on luy donna moyen de se sauuer; mais il n'en voulut rien faire, & demeura, pour apprendre aux hommes le mespris de deux choses qu'ils apprehendent le plus, la mort, & la prison. Mutius se rotist la main, c'est vue chose bien cruelle que le feu: mais combien l'est-il d'auantage quand c'est vous mesme qui vous estes l'occasion de le sentir? Vous voyez vn homme qui ne sçait que c'est de science, & qui n'a iamais ouy leçon du mespris de la douleur, ny de la mort, fortifié seulement d'vn courage militaire, se donner luymelme la punition d'vn dessein mal executé. Il demeurera ferme à regarder

regarder fondre la main dans la flamme:Et quoy qu'il ne luy en restast plus que les os dépouillez, ne l'osta iamais que l'ennemy même ne luy fist ofter le feu. Il pouuoit bienfaire quelque chose auec plus de succez, mais non auec plus de valeur. Voyez comme la cruauté n'est pas ny si dute ny si tendre à ordonner les supplices, comme est la vertu à les endurer. Il fut plus facile à Porsenna de pardóner à Mutius la volonté qu'il auoit euë de le tuer, qu'à Mutius de se pardoner à soy-même la faute qu'il auoit faite de ne l'auoir point tué. Vous me direz que ce sont des contes qu'on fait aux escholes; & que tantost quand il sera question de mépriser la mort, l'auray l'exemple de Ca-ton tout prest à mettre sur le bureau. Pourquoy ne l'y mettrois-ic? pourquoy ne vous representerois-ie comme cette nuict qui fut sa derniere, lisant le liure de Platon, son espée au cheuet de son lict:

[3 (ca

(car il auoit aussi bien pourueu à pouuoir mourir qu'à le vouloir) apres anoir donné l'ordre, qui se pouvoit donner au desordre où estoient ses affaires, il pensa qu'il falloit faire en sorte que Caton ne peust receuoir la vie ou la mort de personne: Et pour cet effet ayant tiré du fourreau son espée, qui iusques-là n'auoit iamais fait de sang: Tu n'as rien gaigné, dit-il, Fortune, d'auoir trauersé toutes mes entreprises. Iusques icy i'ay combatu pour la liberté de ma patrie: mais non encores pour la mienne. le ne me suis point obstiné pour viure libre, mais pour viure entre des libres. Maintenant que les choses du monde sont déplorées, & que leur confusion n'a plus de remede : il est temps de mettre Caton en vn lieu de seureté: Et là dessus il se la plongea dans l'estomach: Et bien-tost apres diminué de sang & de force, mais aussi ferme de courage qu'au

quauparauant, non plus en colere contre Cesar, mais contre soy-mesme, à faute d'armes, fourra ses mains dans sa playe, en arracha les emplasttes & les bandes, & fit sortir cet esprit si genereux & si braue, qui ne pounoit rien voir au dessus de soy. Ie ne vous amene pas tous ces exemples pour exercer vostre esprit, mais pour vous asseurer contre ce qui vous fait le plus de peur. Or il n'y a point de meilleur moyen de vous asseurer, que de vous monstrer que le mespris de ce moment de rendre l'ame, est une resolution, où les plus grands personnages sont bien souvent égalez par des esprits foibles, qui iamais en autre occasion n'ont donné telmoignage d'anoir du cœur. Scipion, de qui le grand Pompée auoit espoulé sa fille, ayant esté rapporté par vn vent contraire à la coste d'Afrique, où tout aussi-tost il se trouua tellement inuesty dans son vaisseau,

qu'il n'y auoit moyen qu'il échapast, se donna de l'espée au trauers du corps;Et comme il ouit qu'on demandoit ou estoit le General, il respondit, le General se porte bien. Ceste parole le fit aller du pair auec tous ceux de sa maison; & continual'opinion qu'on auoit, que l'Afrique estoit fatale à la gloire des Scipions. Ce fut beau-coup de vaincre Carthage: mais ce fut encore plus de vaincre la mort. Le General, dit-il, se porte bien. Eust-il esté raisonnable. qu'vn General, & vn General, qui commandoit à Caton mesme, fut mort d'vne façon moins braue & moins releuée? Ie ne vous veux point amuser à lire les histoires, ny à réueiller tous ceux des siedes passez, qui ont mesprisé la mort, dont le nombre est infiny : regardez seulement le nostre, de qui nous accusons ordinairement la molesse & la dissolution: Vous y en trouuerez de

de toutes qualitez, de toutes fortunes, & de tous âges, qui n'ont point fait de cas de s'oster la vie, pour donner la mort à ce qui les affligeoit. Ie vous jure, Lucilius, qu'il y a si peu d'occasion de craindre la mort, que ie ne croy point qu'il y ait rien de comparable au bien que nous en receuons. Ne vous souciez donc point des menaces de vostre partie : & combien que voitre conscience vous doiue faire attendre vn bon succez de vos affaires; toutesfois parce que pour gagner sa cause il ne suffit pas de l'auoir bonne, promettez-vous d'vn costé qu'on vous rendra iustice : mais de l'autre preparez-vous à vous consoler, quand on ne la vous rendra point.

III. Sur tout souvenez vous de considerer les choses hors de leur tumulte: voyez de prés ce que c'est: vous n'y trouverez rien d'épouvantable, que le seul épouvantement, que nous en prenons.

Is Nous

Nous ne sommes en cela gueres moins enfans que les enfans mesmes. Ceux qu'ils aiment le plus, qu'ils ont le plus accoustumé de voir tous les iours, leur font peur quand ils sont masquez. Les cho-ses ont leur masques aussi bien que les hommes. Il le leur faut oster, & les regarder en leur visage natutel. Que pensez-vous faire de me monstrer des glaiues, des feux, & vne troupe de bourreaux, qui grincent les dents à vos costez? Ne vous cachez point en cét equi-page : cela est bon pour faire peur à des niais. C'est la mort, de quoy mon valet & ma seruante firent dernierement si peu de cas. A quoy est bonne ceste monstre de fouets, de tortures, & de gelnes, destinées à châque partie du corps pour le tourmenter? Que veulent dire tous ces instrumens à deschirer vn homme piece à piece, que vous nous desployez auec tant d'appareil?Ostez-nous ce qui nous estonne:

estonne; faites taire les gemissemens & les cris ? supprimez ceste aigreur de voix, que le démembrement fait èclatter; qu'est ce que toute vostre pompe, sinon la douleur mesme d'vne goutte, d'vne colique, ou d'vne femme en fon accouchement? si ie la puis supporter, c'est peu de chose, si ie ne puis, i'en seray bien-tost de-hors. Representez-vous ce que tant de fois vous auez ouy dire, Souuenez-vous de ce que si souuent vous aués dit vous-mesme; & rendés par effect tesmoignage de la verité de vostre doctrine. Il n'y a chose si honteuse que la reproche, qu'on fait ordinaire-ment, que nostre Philosophie se limite à des paroles, & ne va point jusqu'à l'action.

IV. Que voulez-vous dire? est-ce à cette heure, que vous âui-sez, que vous estes sujet à la mort, au banissement & à la dou-leur? ce sont toutes choses, à quoy

vous

204 Les Epistres vous estes né: faisons compte que tout ce qui peut - estre, sera. Ie fçay bien que vous n'auez point attendu mon confeil à vous refoudre; Aussi ne veus-ie de vous autre chose pour cette-heure, sinon que vous oftiez ce trouble de vostre esprit : autrement vous serez ébahy, que vous le trouuerez lasche quand il sera question de l'employer. Tirez-le du particu-lier au general : dites luy que ce corps est mortel & fragile, & que non seulement l'iniure, ou l'oppression d'vne force plus grande que la sienne, mais sa volupté propre peut-estre occasion de l'affliger. La bonne chere luy donne des indigestions, le vin des Paralysies, les femmes des affoiblissemens de pieds, de mains, & de toutes les ioinsures. Mais que serace si ie deuiens pauure? i'auray beaucoup de compagnons. Si ie suis banny, ie feray compte d'estre originaire du lieu mesme, où il me **fcra**

sera commandé d'aller. Si i'ay les fers aux pieds, ie diray : Et quoy? suis-ie libre en l'estatoù ie suis? Ne suis-ie pas attaché naturellement à cette masse de chair?Si ie meurs,ie celleray de pouvoir estre malade, ie cesseray de pounoir estre prisonnier, ie cesseray de pouuoir mourir. Ie ne suis pas si mal-aduisé d'apporter icy la chanson d'Epicure, Que ce sont contes que les apprehensions qu'on nous donne des enfers qu'il n'y a point d'Ixion qui tourne vne rouë, de Sysiphe, qui porte vne pierre qui retombe, de Titie, de qui le poulmon & le foye renaissans à mesure qu'ils font mangez, soient eternellement déchirez par vn vautour. C'est à faire aux enfans de craindre Cerbere, des lieux sans iour, & des Fantolmes qui n'ont autre chose que des os. La mort ou nous confume, ou nous laisse aller. Si elle nous laisse aller, ce que nous auons de meilleur nous demeure,

& ne perdons que ce qui ne faisoit que nous charger. Si elle nous consume, comme nous ne pouuons plus sentir de bien, aussi ne pouuons plus sentir de bien, aussi ne pouuons plus souffrir de mal.
Trouuez bon, que ie vous rapporte icy vn de vos vers, & que ie vous die, que vous ne l'auez pas
plus écrit pour les autres, que pour vous. Il n'y a point d'apparence de dire vne chose & penser le contraire; combien est ce plus de honte, de dementir ce qu'on a escrit.

te, de dementir ce qu'on a escrit.

1 V. Il me souvient d'avoir veur quelque trait de vous, où vous difiez que nous ne tombions pas tout d'vn coup en la mort, mais que nous y descendions par degrez; & vne piece apres l'autre. Il n'est iour que nous ne mourions: catil n'y a point de iour, que nous ne perdions quelque chose de nostre vie, & lors mesmes que nous croissons, nostre vie décroist. Nous auons esté enfans, garçons, & jeunes hommes. Ces âges-là sont

sont perdus pour nous : le temps passé iusques à hier est tout éuanouy, & le mesme sour où nous sommes, est moitié à nous, & moitiéà la mort. Comme ce n'est pas la derniere goutte d'eau qui vuide vn bassin, mais toutes celles qui sont coulées auparauant, ainsi l'heure derniere où nous cessons d'estre, n'est pas seule nostre mort, mais bien elle est seule qui l'accomplit. C'est l'heure où nous sommes arriuez au logis : mais nous auons esté trop long-temps par les chemins. Et faisant toute ceste description, auec vostre suffifance accoustumée, & qui toûjours grande, semble encore auois quelque vehemence particuliere, quand il est question de rendre témoignage à la verité, vous aués dit,

L'homme a plus d'un trépas, mais le dernier l'emporte.

l'aime mieux que vous-vous amufiez à vous lire, qu'à lire ma lettre. Vous

Vous verrez en vos vers que cette mort de qui nous auons tant de peur, est bien la derniere, mais qu'elle a esté dessa precedée par beaucoup d'autres. le voy bien où vous voulez venir. Vous demandez s'il y aura rien dans ceste lettre? Ie m'en vay vous mettre quelque chose qui se rapporte à la matiere que nous auons traitée. Epi-cure ne blasme pas moins ceux qui destrent la mort, que ceux qui la craignent. Voicy ce qu'il dit. C'est vne mocquerie de vouloir mourir par vn dégoust de viure, veu que de la vie que nous demenons nous vient l'occasió de vouloir mourir. Et en vn autre lieu : Est-il rien de si ridicule que de souhaitter la mort, veu que c'est la crainte que nous en auos, qui nous fait déplaire de la vie ? Ce n'est pas tout que de la souhaiter, Il y en a de simal-adussez, ou plustost si hors du sens qu'ils se sont mourir eux-mesmes, pour la peur qu'ils ont de mourir. Prenez.

Prenez celuy que vous voudrez de tous ces poincts il vous fortifiera l'esprit en la patience de la vie & de la mort. Il ne faut pas trop aimer la vie, mais aussi ne la faut-il pas trop hair. Nous n'auons pas moins de besoin de nous resoudre au dernier qu'au premier ; Et quand la raison mesme nous conseille de mourir, il le faut faire auec iugement, & non pas y cour-rir à bride abbatuë. Vn homme de courage,& qui a la teste bien faite, ne s'en doit pas fuir de la vie: il endoit sortir. Euitons sur toutes choses cette passion à qui beaucoup se laissent gaigner, de vouloir mourir sans sçauoir pourquoy. Car en la mort, com-me en autre chose : l'esprit de l'homme a quelquefois des mouuemens inconsiderez. Il n'y a point de distinction de qualité, ny de suffisance. Châcun se laisse emporter:les sots & les poltrons, com٠,

me les galans & les braues : ceuxcy pour auoir trop de cœur, & ceux-là pour n'en auoir point. Il y en a qui s'importunent de faire, & voir tousiours de mesmes choses. Ils n'ayssent pas leur vie, mais ils en sont ennuyez. Ce sont de considerations où la Philosophie méme nous amene quelquefois. Ne ferons-nous iamais autre chose que nous leuer, concher, manger, auoir faim, trembler de froid, & brusler de chaud? C'est tousiours à refaire : les choses du monde sont enfilées d'une sorte, qu'en-s'entrefuyat elles se suiuent. La nuict presse le iour, le iour la nuich; L'Esté, l'Automne: L'Hyuer & le Printemps sont le commencement & la fin des vns des autres. Tout se passe, mais c'est pour reuenir : ie ne voy rien que ie n'aye veu : ie ne fais rien que ie n'aye fait. Il n'y a personne qui n'en fust degousté, il y en aassez qui n'estiment pas la vie vne chose fascheuse, mais il leur femble

de Seneque.

2 I 1

femble qu'elle est superfluë,& qu'il y a moyen de s'en passer.

EPISTRE XXV.

ARGVMENT.

 Les manuaises habitudes pour enracinées qu'elles soient, ne sont point incurables.

 Le plus pauure du monde, est assez riche, pour auoir ce qui est ne-

cessaire.

3. Qu'il nous faut representer un tesmoin en toutes nos actions : il n'importe quel, pourueu que sa vie soit telle, que les plus perdus ayent honte de faire paroistre leurs vices deuant luy.

 I. homme de bien doit viure chez foy, & le meschant en com-

pagnie.

I. Quant à ce qui touche nos deux amis, il n'y faut pas

aller par vn mesme chemin. Il y en a vn, duquel il suffit de redresfer les imperfections; mais de l'autre, il les faudra rompre tout à fait. Ie parleray librement: Si ie me picque le premier, ie ne suis point son ami. Et quey, voudriez-vous mettre vn homme de quarante ans en tutelle? Ce n'est point vn âge capable d'instru-Aion. Il faut qu'vne ame soit tendre, pour prendre le ply qu'on luy veut bailler. Ie ne sçay pas ce que i'aduanceray: mais puisque mon deuoir me commande que iel'entreprenne, ie courriray la fortune de l'euenement. Il n'est point de mal incurable, quelque enra-ciné qu'il soit : mais il se faut bander contre l'intemperance, & reduire le patient à souffrir beau-coup de choses contre sa volonté. Quant à l'autre, ie n'en suis pas gueres plus asseuré: tout ce que i'y voy de bon, c'est qu'il rougit, quand il fait quelque faute. Tant

qu'il aura ceste honte, i'en auray bonne opinion : Il la luy faut entretenir. Pour le regard de cét endurcy, ie ne tiens pas qu'il le faille mener trop rudement, de peur de le desesperer. Il faut choisir le temps à propos pour y tenter quelque chose, & le prendre, s'il est possible, quand itest en bonne humeur, & qu'il semble estre en quelque disposition d'amendemet: ie ne me tromperay iamais en ses internalles. Quand il sera sage, ie m'attendray de le reuoir plus égaré que iamais,& croy qu'il n'y paroisse pas de vice, ie ne laisseray pas de croire qu'il y en ait.

II. Ie donneray quelques iours à cét exercice, & verray ce qui s'y pourra faire. Quant à vous, faites-nous voir vostre resolution, & dépeschez-vous de serrer bagage. Rien de ce que nous adons, ne nous est necessaire: si nous-nous rangeons aux Loix de Nature, nous sommes riches. Ce qui nous

214 Les Epistres nous fait besoin, ne couste rien: où s'il couste quelque chose, c'est si peu, que cela ne vaut pas d'en parler. Nature ne veut que du pain, & de l'eau. Le plus pauure du monde est assez riche pour en auoir, & qui s'en contente, sa condition est aussi bonne que cel-le de Iupiter. C'est l'opinion d'Epicure, de qui ie vous vay dire vn autre beau trait : Faites, dit-il, toutes choses, comme si quelqu'vn vous regardoit.

III. Il n'y a point de doute que vous ne fassiez beaucoup pour vous, de choisir quelqu'vn, sur qui vous ayez tousiours les yeux; & que vous imaginiez tousiours present, quand vous ferez quelque dessein.Ce seroit bien plus de gloire de vous proposer quelque homme de bien; toutesfois prenez le premier venu: ie me contenteray que vous pensiez tousiours estre en la presence de quelqu'vn. La solitude ne nous persuade iamais que du

I

١;(

:0

10

bi

du mal: quand vous serez si suffisant, que vous aurez honte de
vous-mesme, vous pourrez alors
donner congé à vostre Gouuerneur. Iusques à ce que cela soit,
mettez - vous en la conduite de
quelque homme d'authorité: soit
Caton, Scipion, ou Lelius, c'est
tout vn qui; pourueu que sa vie
soit telle, que les plus perdus ayét
quelque honte de faire paroistre
leurs vices deuant luy.

IV. Quand vous en serez venu là, que de vous porter honneur à vous-mesme, ie vous donneray le mesme conseil que donne Epicure. Pensez que vous n'auez iamais plus de besoin de vous retirer en vous-mesme, que quand vous estes contraint d'estre en compagnie. Gardez-vous de ressembler au grand nombre que vous voyez. Vous ne seriez pas bien alors de vous quitter. Regardez-les tous l'un apres l'autre: il n'y en a pas un, qui ne se trouue mieux

mieux en toute autre compagnie que la sienne. Ne vous retirez iamais plus en vous-mesme, que quand il faudra que vous soyez en compagnie; mais ne vous y retirez pas, fi vous n'estes homme de bien, & si vous n'auez l'ame sans tumulte,& fans passion: Car alors vous feriez mieux de vous quitter, & vous en eller auec la trouppe. Vous ne sçauriez estre plus mal auec autre qu'auec vous.

EPISTRE XXVI.

ARGVMENT.

- 1. La Vieillesse affoiblit le corps, & fortifie l'ame, en la deliurant des Vices
- 2. La mort qui est causée par la Vieillesse, est douce.
- 3. La mort est le Ingeveritable de nostre vie.

4. Qu'il

de Seneque.

217

4. Qu'il faut continuellement apprendre à bien mourir.

I. TE vous disois il n'y a gueres, que ie m'en allois arriuer tout bellement à la Vieillesse. Mais à cette heure ie me doute, que la Vieillesse ne soit demeurée bien loin derriere moy. Ma disposition & mes ans se doiuent desormais nommer d'autre façon.Quand on parle de Vieillesse, on n'entend pas vn âge rompu, mais seulement lassé. Če que i'ay, c'est decrepitude: ie suis au bout de la carriere: Toutesfois ie ne craindray point de dire, que ie ne me se que ie n'eus iamais l'entendement ny plus sain, ny plus entier: ie n'ay rien de vieil en moy, que les vices, & les parties destinées à leur vsage : l'esprit est vigoureux, & se rejouit, que le corps ne luy donne gueres plus de trauerses. A ceste heure, K

qu'il est déchargé d'vne bonne partie de son faix, il ne demande que de l'exercice, & me veut démentir, quand ie parle de ma vieillesse. Il dit qu'il est en sa fleur; ie suis content de le croire, & de le laisser faire: mais si veux-je regarder ce que ie dois de mon amendement à la Philosophie, & ce que i'en dois à mon âge. Ie veux mettre d'vn costé ce que ie puis faire, & ne veux pas faire. Et de l'autre ce que ie veux bien faire,& que ie ne puis: car si ie veux quelque chose de plus que ce que ie puis, ie suis bien-aise de mon impuissance. Quelle occasion auonsnous de nous en plaindre, & quel-le incommodité nous est-ce, que ce qui deuoit auoir fin, soit acheué? vous me répondrez, qu'il n'y a point de plus grand déplaisir, que d'aller en diminuant, & se voir comme fondre de iour en iour: car nous ne tombons pas d'vne secousse, & ne sommes pas

Ç

renuersez d'vn seul effort. Nous auons tous les iours quelque coup d'ongle, & d'vne heure à l'autre perdons quelque chose de nostre vigueur. Mais comme sçaurions-nous mieux partir du monde, que d'estre par vne dissolution naturelle insensiblement amenez à nostre sin? Non qu'il y ait du mal à mourir tout d'vn coup, & sortir inopinément de cette vie:mais par ce que c'est vne douce voye, que d'en estre retiré tout bellement.

III. De moy, comme si i'estois sur le poinct d'en faire experience, & en ce dernier iour, qui prononcera l'arrest de mes années passées; ie me considere, & me tiens ce langage. Tout ce que i'ay dit, ou fait iusques à ceste-heure, n'est rien. Si i'ay donné quelque tesmoignage de mon courage, ç'a esté en choses de peu de merite; & y a eu plus d'imposture que de verité. Ie n'ay rien fait que beaucoup d'espetace ne m'ayent sollici-

té de faire: Si l'ay quelque chose de bon dans l'ame, la mort me le dita. C'est pourquoy, sans m'effrayer, ie me prepare à ceste iour-née, où le masque leué, ie verray si mon courage est aussi braue que ma langue, & si les rodomontades, que i'ay faites contre la fortune n'estoient point autant d'artifices, pour me faire estimer ce que ie n'estois pas. Ne prenez point garde à l'opinion des hommes; elle est ordinairement douteuse, & peut pancher aussi-tost d'vnco-sté que de l'autre. Mettez à part toute l'estude, que vous auez jamais faite : la mort vous jugera. Ce ne sont ny les disputes, ny les discours profonds, ny les preceptes de Philosophie, qui font paroistre la force de l'ame: bien souuent ceux qui ont le courage plus bas, ont le langage le plus haut: C'est à rendre l'esprit, qu'on voit ce qu'vn homme a dans le cœur. La condition me plaist bien : ie n'ay point

, point de peur de ma cause. Voyla comme ie m'entretiens: mais faites compte, que ie ne parle pas moins à vous qu'à moy. Si vous estes plus jeune, qu'importe? La mort ne compte pas les années: Elle vous attend peut-estre ailleurs que vous ne pensez: & pour ce attendez-la par tout. l'estois prest à clorre ma lettre, & prenois desia le cachet. Mais il m'est sounenu qu'il luy faut bailler son saufconduit. Ie ne vous dis point d'où ie l'emprunte. Vous le sçauez bien: ayez tant soit peu de patience; ie vous iray querir chez moy de quoy payer.

IV. Cependant Epicure me prestera cette sentence: Aduisez lequel sera le meilleur, que la mort vienne à nous, ou que nous allions à elle. Il veut dire, qu'il faut apprendre à bien mourir. Vous pensez peut-estre que c'est folie d'apprédre auec tant de peine, vne chose que nous ne deuons saire qu'vne sois:

& ie treuue au contraire, que c'est ce qui nous y doit rendre plus di-ligents. Il ne faut iamais cesser d'apprendre vne chose que nous ne pouvons iamais estre asseurez de bien sçauoir. Mediter la mort, c'est mediter la liberté. Qui sçait mourir, ne sçait point seruir. est au dessus de toute puissance: pour le moins il en est hors: il se mocque des prisons, des gardes & des cachots: il a la porte ouuerte. Tout ce qui nous arreste, c'est l'amour de la vie. Il n'est pas bon de la quitter du tout : mais il en faut retrancher quelque chose, afin que si l'occasion s'en presente, nous n'ayons rien qui nous empesche de faire à l'heure mesme ce qu'il faudra faire quelque iour.

EPÌSTRE XXVII.

ARGVMENT.

 Les Vieillards sont blasmables, qui ayment les plaisirs des jeunes gens, & qui ne font mourir leur vice deuant qu'eux.

 La Vertu est le seul bien de l'Homme, qui ne s'aquiert pas par Procureur, comme beaucoup d'autres Sciences.

I. Ovs me direz, que ie vous presche à present, que ie me suis presché moy-mesme, & que m'estant mis en bon estat, ie passe mon temps à reprendre les autres. Ie ne suis pas si presomptueux de me sentir malade, & faire le medecin: Mais comme gardant le list, tous deux en mesme chambre, ie deuise auec K 4 vous

224

vous de nostre maladie, & vous fait part des remedes que ie sçay pour la guerir. Quand le parleray donc à vous pensez que c'est à moy mesme que ie parle, & que deuant vous en mon cabinet ie me demande compte de mes actions. C'est à moy que ie crie. Regardez, quel âge vous auez: & vous aurez honte d'auoir les mesmes volontez & les mesines desseins que vous auiez, quand vous estiez encor enfant. Deuant que de mourir, faites pour vous vne chose, que les vices meurent plustost que vous. Quittez toutes ces volup-tez pleines de trouble & de tu-multe, qui vous cousteront bien cher vn iour. Les passées font du mal autant que les futures. Quel. que bon succez qu'ayet les crimes, ils ne laissent pas de gesner l'ame apres l'execution.Le trouble qu'ils donnent ne se passe pas auec eux. Il en est demesme d'vn plaisir que la Vertu n'accompagne point. Il

a tousiours le repentir à sa queuë, il n'est ny solide ny fidele. Et quand il ne seroit point domma-geable, sa fuite nous donne assez

de sujet de le fuir.

II. Voyez plustost de treuuer quelque bien qui soit durable: or il n'y a point d'autre que celuy que de soy l'ame prendelle-mesme. C'est de la vertu seule que viennent les joyes perpetuelles, & qui sont hors de toute apprehension. S'il y a de l'obstacle, il passe au dessous d'elle, comme vn nuage, qui ne leur empéche point le iour. Quand sera ce que nous serons si heureux d'y paruenir? Certainement nous ne nous arrestons pas tout court:mais nous y allons bien lentement. Il y a encore bien de la besongne. Si vous en voulez voir la fin, il y faut veiller, & trauailler vous-mesme. Ce n'est point chose qui se fasse par Procu-reur. Il y a d'autres sciences, où l'on peut prendre de l'aide pour K 5 estudier.

estudier. Il y anoit de mon temps yn Caluisius Sabinus fort riche. & qui anoit de l'esprit, & le reuenu d'vn affranchi. C'estoir l'homme qui se soit iamais veu, qui auoit la plus mauuaise grace à faire le Grand. Il auoit si peu de memoire, que s'il vouloit parler d'Vlysse, d'Achile, ou de Priam, il ne scanoit pas trouuer leurs noms, quoy qu'il les conneust mieux, que nous ne connoissons nos Maistres d'eschole. Iamais vieil Nomenclateur, de ceux-cy qui forgent les noms, quand ils ne les sçauent point,n'en donna de si faux à personne, comme ce pauure homme en donnoit aux Grecs & aux Troyens: Et cependant il auoit enuie d'estre tenu pour vn sçauant personnage. Il s'auisa pour auoir plûtost fait, d'auoir des esclaues, & les acherer bien cher, dont l'vn sçeust Homere par cœur, & l'autre Hesiode: les neuf Lyriques eu--rent aussi chacun le sien. Ne vous efton

estonnez pas, si ie vous dis qu'il les acheta bien cher. Il n'en trouua point: il les fit exprés. Quand il eust dressé tout cet equipage, il commença de rompre la teste à ceux qu'il appelloit à mangerauec luy. Ses protocoles estoient à ses pieds, qui luy fournissoient des vers, à mesure qu'il en demandoit. Mais il n'en pouuoit pas reciter vne moitié, que l'autre ne luy échappast. Vn Sabellius Quadratus, qui ne faisoit autre mestier que de suiure les tables des riches, qu'il voyoit n'auoit pas beaucoup d'entendement, & rire d'eux en mangeant leur bien, luy conseilla d'auoir des valets à luy ramasser les paroles. Comme Sabinus luy eust dit, que ces esclaues luy coustoient deux mille escus la piece: Vous eussiezeu, respondit Sabellius, autant d'armoiries à meilleur marché. Toutesfois il auoit cette bonne opinion de foy,qu'il penfoit estre le plus sçauant homme qui

fust en sa maison. Le mesme luy conseilla de s'exercer à luicter. Sabinus, homme mal-sain, palle, & extenué, luy ayant respondu là-dessus: Comme voudriez-vous que ie luictasse ? tout ce que ie puis faire c'est de viure. Ie vous prie, dit-il, ne dites pas cela; vous auez tant de valets, si grands & si forts à vostre commandement: vne bonne ame ne tombe point au com-merce? Et quand il s'en trouneroit à vendre, ie ne pense pas, qoi le trouuast personne, qui en voulut acheter: Quant à la mauuaise, on ne trafique d'autre chose. Mais prenez ce que ie vous doy, & adieu. C'est richesse qu'vne pauurcté, qui se range aux loix de nature. Epicure a tousiours ce langage en la bouche, & n'en change que les paroles. Mais on ne peut iamais assez sçauoir. Il y a des personnes, à qui il ne faut que monstrer les remedes, & d'autres, à qui il les faux mettre

mettre dans la teste à coups de

ARGVMENT.

- Le changement des lieux ne profite point à ceux qui portent leur vice auec eux.
- 2. Fuir le bruit du Palais.
- 3. Connoistre sa faute, c'est estre en voye d'amendement.
- I. Vovs vous estonnez que tant de voyages que vous auez saits, & tant de lieux où vous auez esté, ne vous ont fait passer vostre humeur melancholique. Et pensez estre seul à qui cela soit arriué. C'est l'esprit qu'il faut châger, & non pas l'air. Passez tant de mers que vous voudrez; reculez-vous en des solitudes, où iamais homme ne mette le pied: En quelque part que vous alliez, vous aureze

aurez tousiours vos vices auec vous. Quelqu'vn faisant vn iour cette mesme plainte à Socrate, il luy dit: Pourquoy vous estonnezvous que vos voyages vous soient inutiles, veu que vous vous por-tez par tout où vous allez? la cause qui vous fait partir s'en va à mesme temps que vous. Quel grad profit vous peut faire de voir, & cognoistre des pays & des villes, que iamais vous n'auez connus ny veus? Tout cela n'est que vous tourmenter en vain. Voulez vous sçauoir d'où vient que vous ne gaignez rien de fuir ? vous vous enfuyez auec vous. Il faut mettre bas ce qui vous charge l'esprit : autrement, soyez où vous voudrez; vous ne setez iamais bien : faites compte que vous estes auiourd'huy comme est cette Sybille en Virgile, quand l'enthousiasine la prend, & qu'elle a dans le corps vn esprit autre que le sien.

de Senegue.

23 F

La Prestresse tempeste, & voudroit bien pounoir Mettre le Dieu dehors.

Vous courez de tous costez, penfant vous décharger de ce qui vous presse, & tant plus vous vous remuez, tant plus vous en receuez d'incomodité; comme vous voyez dans vn vaisseau, que ces paquets qui ne bougent d'vne place, ne l'ébranlent point, & que quand ils sont iettez inégalement d'vn lieu à l'autre, ils le font perdre, & presque renuerser de leur costé. Tout ce que vous faites, vous le faites contre vous. Vous vous gastez de vous remuer, vous donnez des agitations à vn malade.Quand vous serez guery, vous n'irez en lieu qui ne vous donne du plaisir. Quand on yous banniroit au bout du monde, & qu'on vous confineroit en la Religion la plus sauuage qui soit sur la terre, quelque barbare qu'y soit le Peuple, vous y trouverez de l'hospitalité. L'importance

portance de vostre repos est en vous, & non pas au lieu où vous allez. Il n'importe pas ou nous soyons: c'est folie de s'en soucier: il faut faire conte que nous ne sommes point nez pour vn perit coin de terre, mais que le monde entier est nostre partie. Si vous auiez cette impression, vous ne vous estonneriez pas, que la diuersité de tant de lieux, où le dégoust vous a chassé de l'vn à l'autre, ne vous auroit derien seruy. Ce n'est pas voyager ce que vous faites: c'est rouler & courir le païs. Vous estes auiourd'huy en vn lieu: demain en l'autre; comme si la felicité que vous cherchez, ne se pouuoit pas trouuer par tout. En quelle part du monde sçanroit-on ouir plus de tempeste, qu'en vn Palais? & cependant qui seroit contraint d'y viure, on trouueroit moyen d'y auoir du repos.

I I. Mais tant que l'élection

II. Mais tant que l'élection de ma demeure me sera libre, ie m'en m'en tiendray le plus loin que ie pourray. Car comme il ny a point de corps si bien composez, qu'vne demeure infectée du mauuais air, n'aporte quelque alteration à leur santé: tout de mesme, quand vn esprit vertueux n'a pas encore atteint sa perfection; mais est encore en chemin d'y arriuer, il y a des choses, qu'il vaut mieux pour luy de ne les point approcher. Ie ne suis pas de l'opinion de ceux, qui à corps perdu le iettent au milieu des ondes: & nourris volontairement dans le tumulte, ne sont pas bien aises, s'ils ne sont toufiours en armes contre quelque difficulté. le ne dy pas que si les occasions s'en presentent, vn homme sage ne les reçoiue auec patience. Mais il ne prendra pas plaisir à les chercher: il aimera mieux la paix que la guerre. Et de fait, qu'avroit-il gaigné de s'estre demessé de ses vices, s'il luy falloit toute sa vie auoir le balet en main, pour nettoyer

nettoyer les ordures de son voisin: Vous me direz que Socrate eut trente tyrans en teste, & que iamais ils ne luy peurent faire manquer le cœur. Qu'importe le nombre des maistres, il n'y a qu'vne seruitude. Quiconque la peut mépriser, quand il auroit autant de maistres qu'il y a d'hommes au monde, il est libre.

I I I. Il est temps de cesser:mais il faut premierement acquitter la gabelle.Le commencement de s'amender, c'est de connoistre qu'on a manqué. Epicure est autheur de cette sentence, qui est tres belle à mon iugement. Car qui ne pense point manquer ne sçauroit vou-loir qu'on le reprenne. Il se faut prendre en faute deuant que de s'amender. Il y en a qui font gloire de leurs vices. Estimez-vous qu'vn qui ne pense point estre malade, se mette en peine de chercher le Medecin ? Et pour ce faites ce qui vous sera possible pour vous conuainere.

uaincre. Informez contre vous: soyez premierement vostre accusateur, & puis vostre iuge: A la fin, demandez grace, mais ne vous la donnez pas quand vous pense, rez meriter punition.

EPISTRE XXIX.

ARGVMENT.

 Qu'il ne faut pas cesser de reprendre ceux qui n'ayment point à estre repris.

Les meschans ne rient pas long-

temps.

3. La vertu enseigne le mespris de la mort.

4. On ne peut plaire au peuple, & estre homme de bien.

I. Ous me demandez des nouvelles de Marcellinus, & desirez sçauoir ce qu'il fait ; ie

ne le voy gueres. Ce n'est pas que ie luy donne sujet de s'éloigner de moy: mais il ne prend pas plaisir d'ouir la verité. Toutesfois il n'a plus que faire de rien craindre de ce costé là. Car il ne la faut dire qu'à ceux qui prennent plaisir à l'écouter. C'est pourquoy tout le monde n'approuue pas cette franchise generale de Diogene, & des autres Cyniques : qui sans distinction de personnes, faisoient des remonstrances aux premiers qu'ils rencontroient en leur chemin: Car à quel propos vous amuseriezvous à prescher à vn sourd, ou à vn muet? Mais vous direz: Pourquoy ne feray-ie bon marché des paroles, puis que c'est chose qui ne conste rien? Ie ne puis pas sçauoir si ie feray le profit de celuy que i'aduertiray: mais ie sçay bien que ie n'en puis aduertir beaucoup, que ie ne fasse le profit de quelqu'vn. Il faut ouurir la main : qui fait beaucoup d'entreprises, c'est force qu'il

ŀ

qu'il y en ait vne qui luy succede. Pour moy, Lucilius, ie ne suis pas d'auis qu'vn homme d'honneur en vse de cette façon. Son authorité perd son lustre par cette communication trop vniuerselle: Et ceux qui se corrigeroient par ses remonstrances, s'il ne les rendoit pas si communes, n'en peuuent faire compte, quand ils voyent que sans election de sujets ny de personnes, il les employe en toutes occasions indifferemment. Il n'est pas besoin que celuy qui tire, donne à tous coups dans le blanc: il n'y a point d'art en cequi se fait par accident. La sagesse est vn art : il est raison-nable qu'elle ait vn but, qu'elle choisisse ceux qu'elle iugera capa-bles d'instruction, & quitte les autres, non du premier coup toutesfois, mais apres auoir essayé tout ce qu'elle aura iugé propre pour leur guerison. Ie ne tiens pas que Marcellinus soit du tout perdu; Toutesfois pour le sauuer, il

ne faut plus gueres tarder à luy tendre la main. C'est vn bel esprit, mais qui prend dessa le chemin de se gaster. Il en sera ce qui pourra: ie m'hazarderay, & luy diray l'ebrement mon aduis, de ce que se luy verray faire mal à propos.

II. Ie sçay bien qu'il se mettra tout aussi-tost sur les boussoneries, qui feroient rire vn mort, & se mocquera de luy-méme le premier, & puis de moy. Ie n'auray pas ouuert la bouche, qu'il ne me preuienne, & que le premier il ne me die tout ce que ie luy penseray dire. Il recherchera tout ce qui se passe en nos escholes, & me remettra deuat les yeux les salaires des Philosophes, leurs amies, & leurs bonnes cheres. Il m'en monstrera vn au Bordel, l'autre au Cabaret, & l'autre à la Cour. Il me monstrera ce plaisant Philosophe Ariston, qui se fait promener en vne chaire, & discourt en cette belle posture: c'estoit l'heure qu'il prenoit pout tranailler.

trauailler. C'est celuy de qui Scaurus, vn iour qu'ó disputoit de quelle Secte il estoit, respondit:Ie sçay bien qu'il n'est pas Peripateticien: Iulius Grecinus grand personnage, interrogé quel iugement il en faisoit: Ie ne puis, dit-il, que vous en dire. Car ie ne sçay ce qu'il fait sur cette selle entre-deux limons; comme si on luy eust parlé d'vn rocher. Il me mettra deuant le nez tous ces Charlatans, qui pour leur honneur eussent mieux fait de ne se messer point de la Philosophie, que d'en trafiquer indignement, comme ils font. Mais tenez vous preparé à souffrir toutes ces iniures. Peut-estre qu'il me fera rire:& peut-estre aussi que ie le feray pleurer : s'il continuë de rire, ie seray bien ayse, puis qu'il faut qu'il ait du mal, que pour le moins sa folie soit de belle humeur. Quoy qu'il en soit ; la gayeté de telle gens n'est iamais longue : prenez y garde; vous les verrez tout d'vn coup coup pasmez de rire, & en moins de temps que de tourner la main, ils crieront comme enragez. Ie suis resolu de l'entreprendre, & de luy monstrer que ie ne l'estime pas si peu, comme font beaucoup d'autres: si ie ne déracine du tout ses vices, ie les garderay de croistre. Sa maladie ne guerira pas: mais elle aura de bons interualles; & peut estre qu'apres les interualles, la parfaite guerison pourra venir. Quand on ne feroit que l'en foulager, à vn malade ce n'est pas peu. Vne bonne relasche est vne espece de santé.

III. Tandis que ie me prepare à son instruction, vous qui déja pouuez quelque chose, & qui par la consideration du progrez que vous auez fait iusqu'à cette heure, iugez à peu pres ce que vous pouuez faire à l'aduenir; formez vostre vie, releuez vostre courage, tenez pied serme cotre tout ce qui est formidable, & ne vous souciez point point de nombre de ceux qui vous pensent faire peur. Ne seroit-ce pas vne folie bien maniseste de craindre la multitude en vn lieu, où il faut venir l'vn apres l'autre? Plusieurs vous penuent bien menacer: mais en vostre mort il n'y a passage que pour vn. C'est le reglement qu'a fait la Nature. Vn vous a donné l'ame, vn vous l'ostera.

IV. Si vous auiez quelque discretion, vous ne me demanderiez plus rien. Mais ie ne veux rien auoir du vostre: ie m'en vay vous jetter ce que ie vous doy. Ie n'ay iamais eu volonté de plaire au peuple: car ce que ie sçay, le peuple ne l'approuue pas; & ce que le peuple approuue, ie ne le sçay pas. Vous me demandez qui dit cela? no sçauez-vous pas qui est mon Chaland? Epicure. Mais il n'y a Philosophe, de quelque Secte qu'il soit, Peripatetique, Academique, Stoique ou Cynique.

qui ne vous en die autant que luy. Il n'est pas bien aise qu'vn homme, à qui la vertu plaist, puisse plaire au peuple; on ne peut a-uoir sa bonne grace, que par des moyens qui ne valent tien : il faut donner ordre de luy ressembler: Si vous n'estes des siens, vous ne fçauriez estre à son gré. Or en vostre establissement, vostre opinion vous importe bien plus que celle des antres. Il faut estre infame pour estre aimé de ceux qui le sont. De quoy donc seruira cette Philosophie, que vous estimez tant, & que vous tenez pre-ferable à tout ce qu'il y a de cho-ses & de sciences au monde? Que vous aimerez mieux vous plaire qu'au peuple, Que vous peserez plustost les opinions, que vous ne les compterez, Que vous ne craindrez ny les Dieux ny les hommes, & supporterez les aduersitez auec patience, ou les finitez auec honneur. Au dementant, si ie voy que que le peuple vous tienne pour vn grand personnage; que quand vous entrez, il fasse des acclamations, & vous applaudisse: que tout l'équipage des Comediens soit en rumeur à vostre venuë; que par toute la ville les semmes & les ensans preschent vos louanges, pourquoy ne me serez-vous pitié, puis que ie sçay par quelle eschelle on monte à cette saueur?

EDISTRE XXX.

ARGVMENT.

1. La Picillesse est une maladie sans remede.

2. Le sage ne craint point la mort.

3. Les Vicillards peunent mieux parter de la mort que les jeunes.

4. La necessité de mourir doit ofter l'apprehension de la mort.

5. La Vieillesse nous vire du monde fans violence.

L 2 6. Le

244 Les Epistres

6. Le Sage seul fait bon visage à lamort.

7. Les Vieillards doiuent moins craindre la mort que les jeunes, bien que tousiours elle soit aussi prés des vns que des autres.

I. I'Ay veu le bon homme Baf-fus Aufidius, bien bas & bien casse. Il fait ce qu'il peut, pour se dessendre de la vieillesse: mais elle est desia la plus forte; elle l'abbat plus qu'il ne se peut redresser: elle se laisse choir sur luy de toute sa pesanteur. Vous sçauez qu'il a esté tousiours mal-sain, & d'vn temperément fort sec. Il s'est entretenu long-temps, ou pour mieux dire, rapetassé le mieux qu'il a peu. Mais la force luy a manque tout d'vn coup; comme en vn nauire, s'il n'y a qu'vne fente ou deux, il y a moyen de le calfeutrer: mais depuis qu'il commence à s'ouurir de tous costez, c'est perdre sa peine que de

le vouloir racoustrer: il en est de mesime d'vn corps, où l'âge s'est rendu maistre. On peut bien appuyer sa foiblesse pour vn temps: mais à la fin, come en vn vieil édifice, de qui l'assemblage se déjoint, & qui tandis qu'on l'estançonne d'vne part, s'éclate de l'autre, il n'y a plus de remede que d'en sortir.

II. Le bon-homme pourtant ne laisse pas d'auoir tousiours bon courage. Cette coûtume luy vient de l'estude qu'il a fait en la Philosophie, qui resout tellement les ames, que de quelque petite cóplexion que soit vn homme, il a toûjours assez de force. La presence de la mort ne luy change pas ny la couleur ny la parole, & quand il deffaut, c'est alors qu'il a moins d'apparence de manquer. Vn bon Pilote, quoy que sa voile soit en pieces, & son vaisseau, trouue moyen de racommoder les restes de son équipage, & d'acheuer sa route. Bassus en fait de mesme,

& voit venir sa fin auec vn visage si ferme, que s'il auoit la mesme asseurance à regarder celle d'vn autre, vous l'estimeriez plustost insensible que resolu. Il y a de la peine, quand nous sommes arri-uez à cette heure inéuitable, de s'en pouuoir aller sans regret, & ne murmurer point. C'est vne lecon qu'on ne scait pas, sans l'euoir long- temps estudice. Aux autres maux il y a quelque esperance. Si vous estes malade, vous guerissez. Si le feu vous surprend, vous l'esteignez. Si la maison, où vousestes, tombe, c'est peut estre d'vne façon que vous n'aurez point de mal. Si vous faites naufrage, quelque vague vous pourra letter à bord : si quelqu'vn vous tient l'espée à la gorge, pour vous tuer, quelque chose pourra sur-uenir, qui luy sera perdre son coup. Mais si la vieillesse vous meine à la mort, il faut marcher; il n'y a repit, ny opposition, qui vous

vous en garentisse : C'est bien la mort la plus douce; mais aussi estce la plus longue. Vous diriez à voir ce bon - homme, qu'il est à les obleques : il s'enterre, suruit à soy-mesme, & ne s'asslige point de n'estre plus auec soy : car il dit beaucoup de choses à ce propos. Il fait ce qu'il peut, pout nous persuader; que si en la mort nous auons du tranail, on de la crainte, nous en formes caules, & non pas elle; & qu'en moutant nous me fommes non plus incommodez, que quand nous sommes motts. Or il y a aussi peu de raison de craindre ce qu'on ne sentita point, que de ce qu'on ne souffrira point. Comme est - il possible, qu'vn homme s'imagine de sentir vne chose, qui le priuera de tout sentiment ? Il faut donc couclurre, qu'il n'y a non plus d'apprehension que de mal en la mort. le sçay bien que ce sont choses, qui beaucoup de fois ont

Programme and the second

esté dittes, & qui le seront encore beaucoup de fois: mais ie ne faisois point de prosit à les lire, & encore moins à les ouir dire à des gens, à qui l'âge ne donnoit point encore occasion de craindre ce qu'ils conseilloient de n'appre-

hender point. III. Mais sans mentir ce langage venant de Bassus, qui a vn pied dans la fosse, m'a touché d'vne estrange façon: car pour en dire mon aduis, ie trouve qu'il est plus mal-aisé de se resoudre à la mort, quand on en aproche, que quand on y est. Quelque lâche & timide que soit vn homme, quand il voit la mort presente, il se dispose à ne vouloir point éui-ter ce qui n'est point éuitable. Vous voyez vn Gladiateur, qui durant le combat aura fait le plus mal & le plus poltronnement qu'on sçauroit faire; quand il sera bas, tendre luy-melme la gorge à son aduersaire, & luy condui-

re l'espée à la partie qu'il pense la plus mortelle, afin d'estre bientost dépeché. Mais quand la mort est encore en chemin, & qu'indubitablement elles en vient à nous, c'est vn peril où il faut vne froideur & vne asseurance, de qui peu d'hommes sont capables que ceux qui par l'estude se sont de longue main preparez à cét assaut. C'est pourquoy ie prenois grand plaisir àl'ouyr dire son aduis d'vne chose, qu'il auoit bon moyen de connoistre, pour la voir de si prés comme il faisoit. S'il renenoit quelqu'vn de l'autre monde, qui vous dit qu'il n'y a point de mal en la mort, vous le croiriez, parce qu'il parleroit d'une chose qu'il auroit éprouuée. Tout de mesme aussi ne pouuons nous mieux sçanoir l'estonnement que donne la mort quand elle approche, que de ceux qui se sont trouuez aupres. d'elle, qui l'ont veuë arriuer, & qui luy ont donné la bien-venue, - I V. Vous L S

IV. Vous pouuez bien mettre Bassus de ce nombre-là: il ne nous a point voulu laisser tromper : il ne trouve non plus d'apparence à craindre la mort que la vieillesse. A la ieunesse succède la vieillesse; à la vieillesse la mort : Qui ne veut point mourir, seroit content de n'auoir point vescu. La mort est la condition de la vie: quand on nous donne l'vne, on nous permet l'autre : nous en sommes au chemin; c'est folie de l'apprehender. L'apprehension est des choses douteuses: la mort est certaine, il la faut attendre: c'est vne necessité, qui n'épargne personne, il n'y a point de force, qui nous en dessende. Pourquoy se plaindroit vn homme d'estre com. pris en vne loy, qui comprend tout le monde? La premiere partie d'équité, c'est l'égalité: mais il n'est pas besoin de plaider la cause de la Nature. Elle ne nous a point donné la loy pour nous, que

de Seneque.

251

que la mesme qu'elle a prise pour elle: tout ce qu'elle a fait, elle le dessait; ce qu'elle a dessait, elle le refait.

V. Or à cette heure si par le benefice de la vieillesse nous sortons du monde tout bellement, & n'en sormes point rauis par force, mais tirez doucement vne piece apres l'autre; n'auons-nous pas dequoy remercier les Dieux, qu'apres auoir gousté du monde à nostre aise, nous-nous trouuions conduits en vn repos qui nous estoit necessaire, & qu'en vne si longue lassitude nous auions occasion de desirer?

VI. Vous en voyez qui souhaittent la mort d'vne saçon, qu'ils ne sçauroient estre plus passionnez à demander la vie. Mais ie trouue bien autant de courage en ceux qui de pied serme la regardent venir sans s'émouvoir: Ceux là quelquessois y sont emportez ou par vne rage, ou par quelque depit violens violent qui les transporte. Mais indubitablement cette procedure si tranquille, est vne preuue qui ne se peut faire que par vn esprit bien iudicieux & bien rassis. Il se void assez de personnes qui par colere se vont rendre à la mort: mais quand elle vient, il y en a peu qui luy fassent bon visage, si par vne longue meditation ils ne se sont disposez à la receuoir.

VII. C'est pourquoy ie suis bien souvent tout exprez allé trouver ce bon homme, à qui ie porte beaucoup d'amitié? pour voir s'il seroit tousiours en mesme posture, & si ie n'y reconnoistrois pas quelque affoiblissement de l'esprit comme du corps. Mais tousiours ie luy trouve la disposition meilleure; comme en la septieme carrière le contentement de ceux qui courent, est plus visible, parce qu'ils pensent qu'il ne s'en faut gueres qu'ils n'ayent emporté le prix. Il s'accommodoit

commodoit, aux preceptes d'Epicure, & me disoit, Qu'il se persuadoit premierement, qu'en cette expiration derniere on ne sentoit point de mal: toutesfois que s'il y en auoit, c'estoit quelque confolation de penser qu'on en seroit bien-tost quitte parce qu'vne extréme douleur n'est iamais longue. Au demeurant, que si cette distraction du corps & de l'ame le trauailloir, il se representeroir, qu'apres ceste douleur, il n'en autoit iamais d'autre. Qu'il ne doutoit point qu'vn homme de fon âge n'eust l'ame au bord des levres; & que par consequent il n'y auroit pas beaucoup de peine à la faire sortir. Vn feu qui. s'est pris à quelque matiere forte, & qui a beaucoup de corps, s'esteint auec de l'eau, & quelquesfois par la ruine de ce qu'il brûle:. mais celuy qui n'a plus d'aliment,, s'amortit de soy - mesme. Voila. les discours qu'il me fait, & que i'escoute

i'escoute fort volontiers, non comme choses nounelles, mais parce que ie pense estre aux mains auec la mort. Et quoy donc? n'ay-je iamais veu personne qui se soit tué soy-mesme? Si ay; i'en ay veu, & ne me suis pas contenté de les voir: ie les ay regardez : mais i'estime bien plus ceux qui sans estre faschés de la vie, ouurent la por-te à la mort & la reçoiuent de bonne grace, sans que toutesfois ils la prennent au colet pour la faire entrer.Il disoit que si la mort nous donnoit de la peine, la faute en vient de nous-mesme, qui prenons l'alarme auffi-tost que nous pensons qu'elle est prez de nous. Car de qui peut-elle estre éloignée, puis qu'en tous lieux & à toutes heures elle est sur le poince de nous assaillir? Quand nous craignons quelque sajet de mort qui semble venir à nous, considerons combien il y en a d'autres bien plus proches, de qui nous n'auons point

point de peur. Vn ennemy vous menace de vous tuer : vne indigestion preuiendra son espée. Considerons les causes de nostre ap-prehension:nous trouuerons qu'el. les semblent vne chose, & en sont vne autre. Ce n'est pas la mort que nous craignons, mais l'imagination de la mort. Nous en sommes tousiours aussi pres vne fois que l'autre : Tellement que s'il la falloit craindre, il se faudroit resoudre de n'estre iamais qu'en alarme. Car en quelle sai-fon en sommes nous exempts? Mais ie dois apprehender que mes lettres ne vous semblent si longues, que vous les haissiez plus que la mort. Ie m'en vay donc les finir, apres vous anoir dit encore vne parole.Voulez-vous ne crain-dre iamais la mort ? meditez-la perpetuellement.

፟ቚ፟፧ቚ፟፧ቚ፟፟ቚ፟፧ቚ፟ቚ፟፧ቝ፟**ዀ**፟

EPISTRE XXXI.

ARGUMENT.

 Fuir la Volupté; la felicité de l'homme gift au repos de l'ame.

 Il n'y a point de bien sans Vertu, ny de mal sans Vice.

3. Definition du bien & du mal : quelle est la regle du Sage.

4. L'homme sage est seul heureux.

JOus estes à moy, ie le voy bien. Vos promesses commencent dessa d'auoir quelque esfet. Ie vous ay veu souler aux pieds toutes ces vanitez que le vulgaire appelle biens, & ne vous proposer que la vertu: Continuez en cette belle resolution. Ie ne vous demande pas que vous fassez plus que ce que vous auez entrepris. Vos sondemens tiennent beaucoup

beaucoup de place : faites le bastiment suivant le dessein. Faites la besongne, que vous auez en la main, & pour bien faire , bouchez-vous les oreilles, non auec de la cire, selon qu'Vlisse fit de ses compagnons; mais auec quelque chose de plus ferme Les voix qu'il apprehendoit, estoyent bien attrayantes, mais non pas generales:celle que vous auez à craindre, n'est point au pied d'yn rocher: vous l'ouyrez en quelque part du monde que vous alliez. La volupté n'a point ses embusches en va lieu feul; il n'y a ville qui ne nous doine estre suspecte. Passez outre, & soyez sourd aux meilleurs amis que vous ayez. Leur intention est bonne; mais leurs vœux ne valent rien. Si vous voulez estre heureux, priez Dieu que rien de ce qu'ils vous souhaittent, ne vous arriue. Ce qu'ils voudroient vous voir posseder, n'est pas bien: tout le bien que peut auoir vn homme,

258 Les Epistres homme, de s'asseurer de soy-mesme; & en cela seul est la cause & l'establissement de sa felicité. Le moyen d'y paruenir, c'est de ne se soucier point du trauail, & de le cenir pour indifferent. Car qu'vne mesme chose soit tantost bonne, & tantost mauuaise; tantost facicile à supporter, & tantost difficile, cela ne se peut faire. Ce n'est pas bien que le tranail. Qu'est-ce donc qui est bien ? Le mespris du trauail. Ie ne sçaurois appronuer qu'on prenne beaucoup de peine en choles de peu de fruit : mais quand ie verray quelqu'vn s'acheminer à quelque entreprise louable, tant plus il se bandera, sans vouloir faire de reposée, tant plus ie me rauiray de le regarder, & luy crieray, Courage, efforcez-vous: faites, si vous pounez, cette montée tout d'une haleine. Les belles ames se nourrissent au labeur. Ne prenons point garde aux souhait accoustumez de nos peres peres & de nos meres, pour y conformer les noîtres: Nous ferions mieux de n'en rien faire du tout.

 Vn homme de merite se fait tott d'importuner les Dieux: quel besoin est-il de vœux? faites vostre bonne fortune vous-mesme: vous la ferez, si vous prenez impression, que, où il y a de la vertu, il y a du bien, & qu'où il y a du vice, il n'y peut auoir que de l'infamie & du deshonneur. Comme il n'est point de splendeur sans lumiere, & d'obscurité sans tenebres, de chaud sans feu, ny de froid sans air : ainfi les choses ne sont honnestes on deshonnestes, qu'en-tant que le vice ou la vertu les accompagne.

III. Qu'est-ce qui est donc bien? Connoitte les choses. Qu'est-ce qui est mal? Ne les connoistre point. En l'élection des choses, la consideration du temps sera la regle d'vn habile - homme. Mais quoy qu'il rejette, ou qu'il choisssée

IV. Au demeurant, souuenezvous d'estre tousiours conforme à vous-mesme, & ne vous dementir en aucune de vos actions. En l'égalité de la vie consiste la perfection de la vertu, qui ne peut estre sans la connoissance des choses diui-

nes & humaines; Et de là vient la felicité souueraine, par laquelle nous sommes faits compagnons des Dieux, & n'auons plus la peine de les prier. Voulez-vous sçauoir le moyen d'y paruenir? Il ne vous faut aller ny par l'Appennin, ny par le mont-Senis, ny par les deserts de Candauie, ny courrir la fortune de Syrtes, ou de Scille & de Caribde: combien toutesfois qu'vne chetiue & petite commission les vous a tous fait passer. Le chemin y est seur & plaisant: & pour le faire, il ne vous faut ny pronision ny équipage, que la Nature ne vous ait donné. Ne quittez point ce que vous auez d'elle, vous irez du pair auec Dieu. Vous n'irez point du pair auec Dieu, pour estre riche: Dieu n'a rien. Vous n'irez point pour des habits magnifiques : Dieu n'en a point. Non pour auoir vne reputation, qui vous fasse connoistre à tous les peuples de la terre : Dieu

14

262

n'est conneu de personne, & plusieurs mesmes ont mauuaise opinion de luy, qu'il ne les punit pas. Non pour vne presse de valets, qui nous portent en littiere aux champs & à la ville. Ce Dieu, tout grand & tout-puissant, porte tout. Ausli ne sera-ce ny la beauté ny la force; le temps les consume. Il faut donc trouder quelque chose, qui soit incorruptible, sans embarras, & si bonne, qu'on ne puisse rien desirer de meilleur. Que peut-ce eftre ? l'Esprit. Mais vn esprit si droit, si bon & fi grand, qu'on puisse dire, que c'est vn Dieu logé dans vn corps humain. Cét esprit ne se trouuera point plustoft en vn Prince qu'en vn Gentil-homme, en vn Gentil-homme, qu'en vn valer. L'ambition & l'injure ont fait cette distinction de qualitez. Il n'y a si petit recoin en la terre, d'où il n'y ait moyen de monter au Ciel. Aydez-vous seulement,

& prenez vne forme digne de Dieu. Ce ne sera ny auec or, ny auec argent: ce ne sont pointmatieres, qui le puissent representer. Souuenez-vous, que les Dieux ne surent jamais si propices, qu'au temps qu'ils estoient de terre.

ሐሑሑሑሑሑሑሑ

EPISTRE XXXII.

ARGYMENT.

 Le Sage ne frequente que ses semblables.

2. Il achene de viure douant que de mourir.

3. Pourquoy nous desirons de viure long-temps.

I. I E demande de vos nouvelles

à tous ceux qui viennent de
vos quartiers, & m'informe que
vous faires, où vous estes, & en
quelle compagnie vous demeurez,

it .

3

164 Les Epistres
Il vous est impossible de me tromper. le suis auec vous. Ne vous figurez pas seulement, qu'on me rapporte vos actions: imaginezvout que ie les voy. Voulez-vous sçauoir de tout ce qu'on me dit de vous, ce qui me resiouit le plus? c'est qu'on ne m'en dit rien: & que la pluspart de ceux à qui ie m'adresse, n'en ont point ouy parler. Le meilleur moyen que vous ayez de vous garentir, c'est de ne frequenter point gens d'autre humeur que la vostre, & qui desirent ce que vous mesprisez. l'ay cette bonne opinion de vous, que vous n'estes pas capable de changement, & que quelques sollicitations, qu'on vous sçache fai-re, vous demeurez ferme en voftre resolution.

II. Qu'est-ce donc qu'il y a? ie ne crains point le changement, ie crains le diuertissement : nostre vie est si courte, qu'on ne sçauroit si peu nous arrester, qu'on ne nous

nous fasse beaucoup de tort. Et puis nous l'accourcissons encore par nostre inconstance, n'ayant pas si - tost entrepris vn ouurage, que nous le quittons pour en commencer vn autre: nous déchirons nostre vie, & la mettons par morceaux. Aduancez-vous donc, Lucilius, & pensez quelle diligence vous feriez, si vous auiez vn ennemy à dos, qui vous suiuist l'espée en la main. Vous en estes-là:vous estes presque atteint : vous aduancez le pas, vous piquez & vous en fauuez. Mettez-vous hors de peril, & representez-vous à toute heure, combié c'est belle chose d'accomplir sa vie auant que de mourir,& pouuoir auec vne ame non brouillée d'apprehension ny de sollicitude quel conque, acheuer en repos le reste de ses iours.La vie n'est point plus heureuse, pour estre plus longue; O quand verrez-vous le temps. que vous mespriserez le temps méme? Que vous serez tranquille & M paisible pailible & sans vous soucier d'adiouster vniour à l'autre, vous serez copte que vous aurez assez vescu.

III. Voulez-vous fçauoir d'où vient que nous sommes si enuieux de l'aduenir? Il n'y a point d'homme qui soit à soy: de tout ce dont vos parens vous desirent l'abondance, ie vous en desite le mépris: ils appauurissent vn monde de personnes, pour vous enrichir: ils ne peuuent rien porter chez vous, qu'ils ne prennent chez vn autre. Vous ne pouuez croistre,que quelqu'vn ne diminuë. Quant à moy, tout ce que ie vous desire, c'est que vous soyez vostre, & que deliuré de toutes pensées vagues, & errantes, qui vous mettent l'ame en desordre, vous cherchiezà vous contenter par l'intelligence du vray bien, qui est aussi-tost posfedé comme connu, sans desirer autre longueur à vostre vie, que celle qu'il semble bon à la Natutede vous donner. Quiconque vit apres

apres auoir acheué sa vie ; il se peut vanter d'estre libre; & qu'il n'est point de necessité capable de le forcer.

ሕሕ:ሕሕ:ሕሕ:ሕሕ

EPISTRE XXXIII.

ARGVMENT.

1. Les discours des Stoiques sont Sententieux.

 Pour faire jugement d'un grand personnage; comme d'une belle femme, il faut sout voir.

3. Vn homme d'âgt ne doit pas toûjours rapporter les dits d'autruy, mais doit raisonner luy-mesme.

lettres, comme aux precedentes, ie mette quelques lentences de nos Stoiques: ils ne se
sont point amusez i des sleurettes:
prenez-les par où vous vondrez,
M 2 ils

ils sont tousiours masses. Quand en vne multitude, vne chose paroist par dessus l'autre, il y a de l'inégalité. Vn arbre quelque grand qu'il soit, n'est point admirable en vne forest qui est toute de mesme hauteur. Vous ne trouuerez autre chose parmy les vers & dans les histoires que les sentences que vous me demandez ; Et pource ie ne veux pas que vous les attri-buez à Epicure, elles sont à tout le monde, & particulierement aux Stoiques. Mais on les remarque en luy plus qu'on ne fait ailleurs, parce qu'elles y sont rares, & qu'on s'estonne quand vn homme qui fait profession d'vne vie molle & delicieuse, lâche quelque parole où il y a de la rigueur. l'en par-le felon l'opinion commune; car selon la mienne, tout ioly qu'il est, auec ses manches pendantes, ie trouue qu'il a du courage & de la force. On peut bien sentir le musc & l'ambre, & n'estre ny moins galand

galand, ny moins braue, que si onsentoit la poudre à canon. Ne me demandez doc point de choix: ce qui se trouue rarement chez les autres, est par tout chez les Stoïques. Nous n'auons point de monstre, pour abuser les acheteurs, qui ne trouueront rien dans la boutique. Prenez-en vn eschantillon où bon vous semblera : nous ne faisons qu'vne bource tant que nous sommes : Chaque sentence n'a point son autheur à part. Si nous les voulons separer, de qui dirons-nous qu'elles sont? De Zenon, de Cleantes, de Chrysippus, de Panetius. Nous n'auons point de maistre: châcun l'est à soy. Entre-eux si Hermatus, ou Metrodorus disent quelque chose, tout est attribué à Epicure. S'il se traite quelque chose chez nous, c'est sous fon nom, & sous ses Auspices. Toutes ces belles choses que nous auons, sont en si grand nombre, & si semblables, que quand nous M 3

270 Les Epistres voudrions, il est impossible d'y

voudflons, il est impossible d'y

C'est à faire à vn pauure à compter son troupeau.

lettez l'œil où vous voudrez, vous rencontrerez tousions quelque trait, qui vous semblera plus agreable: Si ce n'estoit que les vissiez en vne troupe de choses pareilles; car alors tout vous plaitoit également.

II. Ne vous imaginez donc point de pouvoir faire vn sommaire de nos sentences. Les esprits des grands hommes ne se goustent point superficiellement, & par vne seule piece: il y saut tout voir, & tout manier. Vous trouverez plus de choses que de paroles, & vnouurage si bien suiui, qu'il est impossible d'en rien oster, sans faire tomber tout le bâtiment. Ie suis bien content, que vous voyez tous les membres vn à vn; mais ie veux que ce soit en vn mesme corps. Ce n'est pas assez d'vne belle cuis-

se, ou d'vn beau bras, pour faire juger vne femme belle, il faut qu'vne grace vniuerselle de toutes fes parties tienne fi douteux & fi suspendus ceux qui la voyent, qu'ils ue sçachent où prendre party pour les considerer. Toutesfois a vous en auez trop d'enuie, ie ne seray pas si mesquin en vostre endroit : le vous en bailleray, mais ce sera à pleines-mains: nous en regorgeons de tous co-Rez, nous ne les amassons point vne à vne; nous les prenons à poignées. Ce ne sont point gouttes, qui tombét l'vne apres l'autre: le coulement y est perpetuel; il continuë. Ie ne doute point, qu'il n'y ait du profit pour les ignorans, & pour ceux qui écoutent de loin : Car des choses ainsi baillées par morceaux, & comprises comme des vers en certain nombre de paroles, vont bien plustost au fond. C'est pourquoy nous faisons apprendre des sentences & des

272 Les Epistres des Chries aux enfans, parce que ce sont choses accomodées à leur suffisance, & que leur esprit n'est pas capable de monter plus haut.

III. Vn bouquet ne sied point bien en la main d'vn homme : il n'est plus temps qu'il fasse prouision de ie ne sçay quel petit nombre de mots, que tout le monde sçait, & se sie en sa memoire: il faut qu'il s'appaye sur soy-mesme, & qu'il parle par sa bouche, & non par la bouche d'autruy. Depuis qu'vn home est vieil; ou qu'il approche de l'estre, c'est vne honte de n'estre habile homme, que par son liure. Zenon a dit cela. Et vous, quoy, Cleanthes a dit cela; & vous quoy? Iusques à quand n'aurez-vous mouuement que par autruy? Faites des regles vous-mesme: baillez quelque leçon aux autres : monstrez quelque chose de vostre talent. Ie ne sçaurois auoir bonne opinion de ceuxcy, qui ne font iamais rien d'euxmémes .

mémes, mais se contétent de seruir d'interpretes aux autres,& se tiennent tousiours cachez à l'ombre de quelqu'vn. Il ne m'est point aduis qu'ils puissét auoir rie de genereux en l'ame, puis qu'ils n'olet rien faire de ce qu'ils ont si long-téps estudié. Tout le mestier qu'ils font, c'est d'apprédre par cœur. Se souuenir, est vne chose; & sçanoir en ett vne autre. Se sounenir, est conseruer vne chose mise en dépost en nôtre memoire. Sçauoir, au contraire, c'est trauailler pour soymesme, sans patron, & se regarden à châque fois vn maistre, pour demander son approbation. Zenon: dit cecy. Cleanthes dit cela. Faites qu'il y ait difference entre vous &: vn liure. Serez-vous tousiours: écholier? Ne móterez-vous jamais en chaire? Quel plaisir prenezvous d'écouter, puis que vous pouuez lire? Mais c'est beaucoup que. la viue voix. Il est vray quand celuy qui parle prend du sien: mais à reciter

74

reciter les paroles d'un antre, & faire le greffier, ie ne trouue pas qu'il y ait beaucoup d'honneur. Il y a encore autre chose : c'est que cette maniere de gens qui ne sortentiamais hors de page, suiuent les premiers en des opinions que tour le monde reprouue, & en des choses qu'on cherche encore , & qui ne seront iamais trouvées , si nous-nous contentons de ce que les premiers ont mis en auant. Dauantage, qui fuit vn autrene fuit rien,ne troune rien,& pour mieux dire, ne cherche rien. Et quoy donc : ne tiendray-ie point le chemin de ceux qui sont passez deuant moy? Si feray: mais sti'en. trouue vn plus court & plus beau, ie seray bien-aife de le prendre, & d'y faire le passage pour les autres. Ceux qui nous ont precedez ne sont pas nos maistres, : ils ne sont que nos guides : la verité tend la main à tout le monde, personne se s'en est saisiusques icy. Sa recherche

de Seneque.

cherche donnera encore de l'entretien assez à ceux qui viendront apres nous.

፟፟ቝ፟ዀ፟፧ፙ፞ዀ፞ፙዀዀዀዀዀ

EPISTRE XXXIV.

A RGVMENT.

 Le sage disciple resiony t le Precepteur.

 Pour deuenir homme de bien, il ne suffit pas d'auoir bien commencé, il faut bien sinir.

I. I m'est aduis que ie suis plus grand que de coustume, & que ie sens quelque chaleur qui me rejoüit, tant ie suis transporté de joye, quand par ce que vous faites, & ce que vous m'escriuez, ie recognois quelque auantage sur vous-mesme: car pour le commun, il y a long-temps, que vous luy auez mis la poudre aux yeux.

yeux. Si vn laboureur prend plaisir de voir fructifier ses arbres, vn berger de voir multiplier son troupeau, vn nourricier de voir bien porter son nourrisson; Quel contentement pensez-vous que ce soit à ceux qui ont fait la nourriture des esprits, quand apres les auoir formez en vn âge encore tendre, ils les voyent tout d'vn coup éleuez & paruenus? Ie vous tiens pour mien:vous estes ma creature. Auffi - tost que j'eus reconnu ce que vous estiez,ie n'oublia pas de mettre la main sur vous, de vous donner courage, & auec quelque coups d'esperon, vous faire aller plus viste que le train accoustumé. L'en fais de mesme encore à cette heure: mais ie vous trouue desia courant, & aussi capable de faire des remonstrances que d'en recenoir.

I I. Que me demandez - vous dauantage ? direz-vous. Certainement ie vous auoüe que vous estes bien

bien auancé : mais il n'est pas de l'instruction des esprits, comme des autres ouurages. Le bon commencemet n'y fait pas la moitié d'vne œuure: C'est vne grande partie de bonté, que d'auoir enuie d'estre bon, maisce n'en est qu'vne partie. Sçauez-vous qui i'appelle bon? Celuy qui est si parfait &. si accomply, qu'il ne peut deuenir manuais, quelque violence qu'on luy fasse. & quelque necessité qui luy puisse arriver. Ie ne doute point que vous ne le deueniez, parce que vous allez tousiours! d'vn mesme pas, & que vos effets respondent tellement à vos paroles, qu'ils semblent auoir esté frappez en mesme coin. S'il y a de la discordance entre le faire & le dire, c'est signe d'vn esprit qui n'est ny bien fait, ny bien assis.

ቚቚ፟ቚ፟ቚ፟ቚ፟ቚ፞ቚ፞ቚ፞ቚ፟ቚ፟፟ቚ፟፟ቚ

EPISTRE XXXV.

ARGVMENT.

L'amitié fait tousiours du bien,
 l'amour quelquefois du mal.

 Le plaisir qu'on prend auec ses amis est plus sensible par la presence.

3. La constance est la marque d'un homme sage.

A priere si affectionnée que ie vous sis d'estudier, n'est pas toute pour vostre prosit, il y va du mien. L'ay enuie d'auoir vn ami, & vous ne le pouuez estre, si depuis que vous auez commencé, vous ne continuez à vous façonner: car pour cette heure, ie croy bien que vous m'aymez?mais ce n'est pas à dire que vous soyez mon amy? & quoy donc. Sonde deux choses? Ouy; & bien diffe

disserentes. Qui est amy, ayme: qui ayme, n'est pas amy. L'amour est quelquesois cause de mal: l'amitié ne fait iamais que du bien. Quand vous neutresiez autre commodité de vostre estude, que de sçauoir aymer, vous n'aurez pas perdu vostre peine: dépéchez-vous donc, de peur qu'vm autre n'ait la science de ce que vons auez appris.

II. Pour moy, i'en reçois bien desia quelque fruit par le plaisir que i'ay de me figurer que vous & moy ne ferons qu'vn cœur; & que si mon sage m'oste quelque chole de ma vigueur, ie la reprendray du vostre, encore qu'iln'y ail pas beaucoup à dire de l'vn à l'autre. Mais ie ne veux pas demeus ser au plaisit de l'imagination: i'en veux auoir par effect. Nous auons bien quelque contentement de personnes que nous aymons en leur ablence, mais c'est vn contentement de peu de substance. Le qui s'évanouy incontinent. Le

veuë, la presence, & la conuersation font la volupté plus viue & plus sensible; Sur tout quand ceux que nous voulons voir, sont en l'estat que nous les desirons. Le plus beau present que vous me sçauriez donc apporter, c'est vous-mesme. Cette consideration vous doit faire auancer, ie suis vieil, & vous estes mottel: Aduancez-vous, routesois ne vous pressez pas tant, que vous ne soyez auec vous premier qu'auec moy.

III. Faites-vous honneste homme, & gardez-vous d'estre irresolu. Quand vous voudrez essayers ses progrez de vostre suffisance, prenez garde si vous voulez auiourd'huy ce que vous voulez hier. La volonté variable monstre l'agitation d'un esprir, qui va tantost d'un costé, tantost de l'autre, selon qu'il est poussé par le vent. Ce qui est fixe & sondé, ne slote point. Cette constance se trouve parsaite en celuy qui est parsait

perfait en sagesse: & telle quel est le profit qu'il en a fait. Quelle difference donc y faites-vous? L'vn branle, mais sans bouger de sa place, & l'autre ne se meut aucunement.

EPISTRE XXXVI.

Argyment.

1. Preferer la vie prinée à celle des Conrtisans, & personnes publiques.

 L'humeur morne est plus propre à l'estude, & l'estude des premieres lettres conuenable aux ieunes, qu'aux vieux.

3. Le commerce des amis doit eftre des bonnes mœurs , & non des biens de fortune.

4. Laregle du Sage c'est le mespris de la mort.

s.La

5. La persuasion n'est point neces saire, où l'inclination nous porte.

 La mort ne nous ofte point la vie, mais luy donne quelque intermission.

Onnez du courage à vo-Itre amy, & fortifiez - le contre toute cette maniere de gens, qui le blasment d'auoir quitté sa bonne fortune, & preferé l'ombre d'une vie paisible à la splendeur des charges honnorables, où il estoit capable de paruenir. Il ne se passera iout qu'il ne leur fasse paroistre l'vtilité de sa resolution. Ceux de qui la condition est enuiée, auront tousiours quelques nouuelles atteintes. Les vns seront froissez: les autres donneront du nez à terre. La Felicité n'est que tumulte: elle se donne des agitations, & des tournoyemens de teste de toutes sortes. Elle passionne les vns apres la grandeur, & les bouffit d'imaginations ambitieuſes.

fes. Elle amuse les autres aux delices, & les amollit & relasche entierement. Vous me direz qu'il y a, qui la portent bien: ie vous l'âuouë; aussi en est-il, qui portent bien leur vin. Il ne faut donc pas qu'ils vous en fassent croire, qu'vn homme soit heureux, qui a sa basse court pleine de gens, qui ont affaire à luy: ce leur est vne sontaine, ils l'épuisent, & la troublent. Ils diset, que cen'est qu'vn causeur & vn faineant. Vous sçauez bien, qu'il y a des persones, de qui'il faut prendre les paroles à contre-poil.

prendre les paroles à contre-poil.

I l. Ils l'appellent heureux. Et quoy, l'estoit-il auparauant? Il y en a qui le trouuent trop sauuage, & trop seuere: ie ne fais non plus de cas de ceux-là que des autres. Ariston disoit, Qu'il aymoit mieux vne froidure morne en vn jeune homme, qu'vne humeur plaisante, qui le rendit agreable en compagnie: vn vin rude en sa nouueauté sera delicat en l'arriere saison.

faison. Celuy qui ne se garde point, a la couleur belle auffi-tost qu'il fort de la cuue. Quand ils l'appellent melancholique, & ennemy de son aduancement, qu'il les laisse dire, pourueu qu'il continuë d'aymer la vertu, & de prendre comme il faut la teinture des bonnes lettres. Son austerité se trouuera de bon goust auec le temps : il est à cette-heure en la vraye saison d'apprendre. Et quoy? n'en est-il point tousiours saison? Si est, mais comme il est tousiours bien-seant d'estudier toute leçon, il n'est pas conuenable à tout âge. Ce ne seroit gueres d'honneur à vn vieillard d'apprendre à lire : il faut acquerir quandon est ieune, pour en iouir quand on est vieil.

111. Vous aurez beaucoup fait pour vous, s'il deuient honneste homme par vostre moyen. C'est de ces choses-là, qui sont aussi bonnes à donner qu'à prendre, que le commerce est louable entre les amis. amis, & non pas des biens qui sont en la disposition de la Fortune, pour les croistre & diminuer, comme illuy plait. Il ne s'en peut plus dédire, sa parole est donnée, il y a moins de honte de faire banqueroute à vn creancier qu'à son honneur. Pour payer vne debte, le marchand a besoin d'vne heureuse nauigation, le laboureur de la fertilité de la terre, & de la faueur du Ciel: mais il ne luy saut qu'vne bonne volonté pour payer.

IV. La fortune n'a point de iurisdiction sur les mœurs; qu'il aduise à vous donner vne regle si droite, & mette son esprit en telle assistate, que pour bon ou mauuais succez qu'il luy arriue, il ne se glorisse d'auoir gaigné, ny se plaigne d'auoir perdu; mais que, riche ou pauure, il soit tousiours egal à soy-mesme, & ne se monstre iamais, pour vne condition, ny pour l'autre plus haut ny plus rabaissé. S'il estoit né entre les Parthes,

Parthes, il sçauroit tirer de l'arc plustost qu'il ne sçauroit parler. Si en Allemagne il seroit encore au berceau, qu'il sçauroit jetter le jauelot. S'il eut esté du temps de nos peres, il eust sceu piquer vn cheual aussi-tost que le monter, & manier vne espée aussi-tost que la tenir. Chacun se dispose à la discipline, & aux exercices de sa nation. Au lieu de tout cela, ie veux qu'il apprenne vne chose, qui le rende impenerrable à toutes fléches, & inexpugnable à tous ennemis. C'est le mespris de la mort.

(

V. l'auouë bien, qu'en cette imagination il y a quelque chose d'épouuantable, qui ne se peut representer sans quelque trouble, parce que nous est chose naturelle de nous aimer. Mais aussi quel besoin auroit-il de persuasion, ny de coustume en vne chose, où l'inclination volontaire le porteroit? On n'apprend point à pon-uoit.

uoir, en vne necessité, coucher sur des roses: c'est pour la souffrance des choses dures, qu'vn homme se prepare, asin que parmy les tourments sa soy ne stéchisse point; & que s'ilen est besoin, debout & blesse mesme, il passe la nuit en garde dans vne tranchée, & ne s'ose pas seulement appuyer de ses armes, depeur que le repos ne luy donnast occasion de s'endormir: si la mort estoit incommode, il faudroit qu'il y eust quelque chose, qui en receust l'incommodité.

VI. Si vous auez si grande ennie de viure, souuenez-vous, que rien de ce que vous voyez partir de deuant vos yeux, ne se consume: tout retourne en ce mesme sein de la Nature, pour en sortir la seconde sois, comme il en est sorti la premiere: les choses cessent, elles ne perissent point. La mort mesme, qui nous est si sormidable, & que nous suyons auec tant

tant de soin, & ne vous oste point la vie; mais seulement luy donne quelque intermission. Vn iour viendra que nous serons remis au monde; ce qu'assez de personnes refuseroient, si ce n'est qu'ils ne se souviendront pas d'y auoit esté: Mais ie reserueray cette matiere pour vne autre-fois: qui doit reuenir, doit partir sans regret. Considerez le tournoyement de toutes choses en ce monde: comme, à vn cercle il n'y en a point qui s'aneantissent. Elles ne sont faites que pour monter & descendre alternatiuement. L'Esté qui s'en va,reuiendra en l'année qui vient. L'Hyuer est passé: Decembre le ramenera. La nuit a fait perdre la presence du Soleil : le iour luy fera bien-tost quitter la place: Quelque chose qui passe, ceste re-uolution perpetuelle d'Estoilles nous l'établit : vne moitié du Ciel hausse, l'autre baisse. Ie finiray ma lettre, quand i'auray dit encore

re vn mot. C'est que les fols, ny les enfans ne craignent point la mort, & que c'est vne honte, que la Raison ne nous puisse donner cette asseurance, que la faute du jugement nous fait auoir.

A RGVMENT.

 La Philosophie nous enseigne à vaincre les necessitez, & à surmenter les passions,

2. Il nous faut obeyr à la Raison, si nous voulons qu'on nous obeysse.

I. A parole que vous m'auez donnée, vous oblige d'eftre homme de bien. Vous auez fait monstre, & presté le serment. Ce seroit vous troper que de vous promettre de l'aise & du plaisir en ceste guerre; ie vous veux dire ce n qui

290 Les Epistres qui en est. Le serment de l'arene & de la Philosophie sont semblables: en l'vn comme en l'autre on iure de souffrir le feu, le fer,& les verges insques à la mort. Toute la difference qu'il y a, c'est que les Gladiateurs qui se louent pour les spectacles,& qui n'ont rien à payer de ce qu'ils mangent & boiuent, que leur propresang, sont obligez à vne patience forcée; & de vous on vous la demande. Ils peuvent quitter les armes, & tanter la misericorde du peuple: mais vous ne pouuez faire ny l'vn ny l'autre: il faut moutir debout & sans se rendre. Mais aussi quand tout sera. bien cósideré, que nous seruiroient quelque peu de iours ou d'années, qu'on nous sçauroit donner dauantage? Quand nous entrons au monde, nous venons en vne guerre, d'où nous n'auons iamais nostre congé: tout le remede que vous y auez, c'est de vaincre les necessitez, que vous ne pouuez éuiter:

il se faut faire passage: La Philofophie le vous ouurira. Si vous aymez vostre vie, vostre asseurance, vostre contentement, &, qui est le principal, vostre liberté, le mieux que vouspouuez faire, c'est de vous jetter entre sas bras : rien ne vous peut reussir que par son moyen. La chose du móde la plus basse, abjecte, sordide, seruile, & sujette à toute sorte de cruelles passions, c'est la folie. Contre tant de maistres, qui gouuernent quelque fois l'vn apres l'autre, & quelque fois tout ensemble, la Sagesse est le seul expedient de s'affranchir: voyez de l'aller trouuer; il n'y a qu'vn chemin qui vous y mene. Vous ne sçauriez vous égarer.

II. Voulez-vous que tout vous obeisse, obeissez à la Raison. Si vous-vous laissez commander à elle, beaucoup se laisseront commander à vous: Elle vous enseignera ce que vous deuez entreprendre, & comme il vous

292 Les Epistres

y faudra conduire. Vous ne vous intriguerez point. A peine m'en sçaurez - vous nommer vu qui vueille quelque chose, & qui sçache rendre raison d'où luy est venuë cette volonté. On ne delibere gueres: tout se fait par boutades. La fortune nous rencontre aussi souvent, comme nous elle. C'est vne honte de n'aller point, mais se laisser porter, & puis quand on voit la tempeste, faire l'esbahy, & demander, qui m'a mis icy? comme y suis-ie venu?

ች፟፟፟፝፞፞፞፞፞፞፞፞፞፞፞፞፞፞ቚ፞፞፞፞፞፞ቚ፞፟ EPISTRE XXXVIII.

ARGVMENT.

- Les discours familiers sont plus puissans pour enseigner, que les elegants & polis.
- I. Vous auez raison de vous plaire au commerce de nos

nos lettres, & de le desirer. Il y a bien du fruit en vn entretien qui se coule ainsi dans l'ame vne piece apres l'autre. Les disputes faites auec apparat, en presence de tout vn peuple, sont plus magnifiques, mais non pas si familieres. La Philosophie est vn conseil de biế faire:pour le doner il n'est pas besoin de crier : les harangues sont bonnes pour la persuasion d'vne ame irresoluë. Mais il est plustost question d'enseigner, que d'inciter à vouloir apprendre : cette façon de parler moins releuée fait plus d'effect. Les paroles entrent auec moins de peine : mais elles ne laifsent pas de bien tenir. L'efficace en est plus considerable que le nóbre: il les faut espandre comme des graines, qui pour estre petites, ne laissent pas, quand elles tombent en terroir qui leur est propre, de déployer leur force, & se dilater à des merueilleuses grandeurs. Il en est de mesme de la Rai294 Les Epistres

son, à la voir ce n'est que bien peu de chose : elle croist & se multiplie en l'action. Pour peu qu'il y ait de langage, quand elle rencontre vne teste judicieuse, & bienfaite, elle se fortifie, & fait de l'operation assez. Ie vous repete encore vne fois qu'il est des preceptes comme des graines. Ce sont petites choses qui font beaucoup, si l'esprit qui les reçoit,a de la dispolition à bien apprendre, il ne faut point douter que de sa part il ne contribue à la generation, & n'adiouste beaucoup à ce qu'il aura recueilly.

፝ቚቝ፟ቝ፟፧ቝ፟ቝ፞፧ቝ፞ቚ EPISTRE XXXIX.

ARGVMENT.

 Vn esprit genereux suit l'exemple des choses louables.

 Fuir les grandeurs excessines, css'arrester aux mediocres.

3. Le

3. Le peché ne va iamais sans penitence, & sans douleur.

 Les volupte? rendent par l'accoustumance, les choses necessaires, qui estoient auparauant superslues.

I. TE vous enuoyeray les me-Imoires que vous demandez, & vous les dresseray le plus curieusement, & auec le moins de langage qu'il me sera possible:mais auilez-vous si vn discours ordinaire ne vous feroit point plus de profit. C'est,à mon aduis, ce qu'il faut pour vn qui apprend. Čeux qui sçauent, se peuuent passer d'vn sim-ple recueil. Le premier enseigne: Le dernier aduerrit. Mais vous n'auez que faire de me demander ny I'vn ny l'autre : ie vous fourniray de tout deux, quand il vous plaira. Vous me connoissez : ie ne vous en dis autre chose. Vous aurez de moy ce que vous desirez; mais vous attendrez que ie sois en hu-N 4

meur. Cependant, vous auez assez d'autres escrits ; seruez-vous-en : quoy que ie ne doute point, que l'ordren'y foit pas bien gardé:prenez-la liste des Philosophes: il ne faut que cela pour vous éueiller. Quad vous verrez combien d'honnestes hómes auront travaillé pour vous, vous voudrez estre de la partie. Vn esprit genercux a cela, que l'exemple d'vne chose louable le conuie à l'imitation. Tout homme, qui a du courage, dédaigne les choses basses & sordides, celles qui sont de belle apparence, luy plaisent, & l'appellent à les rechercher.

II. Il est de nôtre esprit comme de la slamme; il s'éleue tousiours en haut, & peut aussi peu descendre que reposer. Tant plus il a de force, tant plus il a le mouuement prompt, & l'action vigoureuse. Heureux est celuy, qui le peut employer à bien. Il se met hors de la iurissitation de la Fortune. S'il prospere,

prospere, son ame pour celane sortira point de sa place. S'il luy arriue des aduersitez, il y trouuera de la confolation, & se mocquera de ces vanitez, que les autres regardent auec admiration. Vn grand cœur méprise tout ce qu'on appelle grand: il fuit les choses excessiues, & s'arreste aux mediocres. Celles-cy sont vtiles, & les autres nuisent par leur superfluité. Comme vous voyez, que les bleds se couchent pour estre trop bons, que les branches se rompent pour estre trop chargées, & qu'vne fertilité, qui passe mesure, n'arriue point à maturité. Il en est de mesme des esprits. Vne felicité disproportionée les énerue, & leur est vn instrument à fascher les autres, & se faire mal à soy-mesme.

voluptez font ce que le plus cruel ennemy, qu'ils sçauroient auoir, n'auroit pas le courage de leur faire. En quoy s'ils meritent quelque N s pardon,

pardon, c'est, que leur peché ne va iamais sans penitence, & qu'il leur demeure toussours quelque douleur qui pese bien autant que le

plaisir.

IV. Il ne faut point trouuer estrange que leur fureur leur donne de la peine : depuis que nos de-firs passent au delà de la Nature, il n'est plus de barriere capable de les arrester. La Nature a des bornes : les vanitez & concupiscences n'en ont point. Le profit est la mesure des choses necessaires : mais les superfluës,à quelle aune les reduisezvous? Ce leur est tout vn, pourueu qu'ils se plongent dans les voluptez, & ne prennent pas garde que par cette coustume ils tombent en cét inconuenient, que les choses qui auparauant ne leur estoient que superfluës, leur sont necessaires à l'aduenir. Ils seruent leurs voluptez, au lieu de les posseder & (ce qui est le comble de leur ruine) ils ne pensent pas estre bien,

bien, s'ils ne sont mal. Depuis que nous en sommes venus là : que d'aymer ce qui n'est point honneste, il faut faire conte que nostre misere ne peut aller plus auant, & que quand nous auons tant continué nos vices, que nous en auons fair des mœurs, c'est se romprela teste que de chercher des remedes, & penser encore à la guerison.

፟ቚ፟ቚ፟*፧*ቚ፟ቚ፟፧ቚ፟ቚ፟፧ቚ፞ቚ፞ቚ

EPISTRE XL.

ARGVMENT.

 Les lettres nous representent les amis absens.

 Il blafme le parler viste, & appreuue le lent en un Philosophe.

I. Le vous ay bien de l'obligation de la diligence que vous apportez à m'écrire. Puis que ie suis priné de vous voir d'autre façon, ie suis bien aise de vous voir

en vos lettres. le n'en reçoy iamais, que ie ne m'imagine, que nous soyons ensemble. Et defait, si nous prenons plaisir d'auoir le pourtrait de nos amis, parce qu'il nous en entretient la memoire, & par vn contentement illusoite, adoucit en quelque façon l'amertume de leur éloignement : com-bien doiuent les lettres estre agreables, puis que ce sont les marques les plus certaines, & la representation la plus viue, qu'il est possible d'auoir des personnes, que nous aymons? Ce que la presence a de plus doux, les characteres imprimez de la main d'vn amy, le font reconnoistre sur le papier.

II. Vous m'escriuez, qu'on vous a conté, qu'vne autre fois Serapion le Philosophe se trouuant en ces quartiers, où vous estes, discouroit auec vne promptitude si grande, & vne suitte de paroles si pressée, qu'il sembloit, qu'vne voix seule ne pûst pas sournir à la multitude

des conceptions, que son esprit luv fournissoit. Cette qualité ne me plaist en vn Philosophe: ie veux du reglement en sa langue. Aussi vous voyez qu'Homere en la description d'vn Orateur, luy donne vne vehemence rapide & continuée, comme celle d'vn torrent quand le Printéps a fondu les neiges. Mais quand il est questió d'yn vieillard, il le fait couler tout bellement, & compare ses paroles à du miel. Faites donc estat, que ce grand flux de bouche a plus du charlatan, qui veut arrester le mode à son banc, que de l'homme d'honneur, qui traitte quelque chose de graue, & se propose l'instruction de ceux qui l'écoutent. Mais comme ie n'approuue pas le langage court, aussi ne veux-ie pas qu'il tombe vn mot apres l'autre, comme des gouttes d'eau. La longueur importune les auteilles, & la precipitation les accable, combien que ce qu'on voit venir de loin, ſe

se retienne,& trouue mieux sa place en la memoire, que ce qui va si viste, qu'on n'a loisir de le regarder. Mais enfin, il est question de bailler des preceptes : vne chose qui échape n'est point baillée.Adioustez à cela qu'vn discours qui ne se propose que la demonstration de la verité, doit estre simple. C'est son artifice que de n'en auoir point. En ces harangues populaires, qui ne sont ordinairement que mensonges, & où le but n'est que d'émouuoir vn peuple, & d'abuser de son imprudence, pour le trainer par les aureilles, tantost d'vn costé, tantost de l'autre, on peut faire passer les paroles si promptement, qu'on n'a pas le loisir de les ma-nier: mais comme est-il possible d'arrester vn autre, & ne s'arrester point?On s'abuse:vne remonstrance faite par la guerison des ames, ne veut point demeurer en la su-perficie. Il faut qu'elle descende au fond de l'estomach.Quel bien sçauroit

roitfaire vn remede, s'il ne demeure quelque temps sur la partie malade? Toute cette quantité des longs discours a plus de vanité que d'autre chose : c'est vne piece de beaucoup de son, & de peu de valeur. l'ay des frayeurs, il me les faut ofter. Mes passions m'emportent, il leur faut donner vne bride. l'ay des doutes: il me les faut éclaircir. Il faut regler ma débauche, & corriger mon auarice. Laquelle estce de toutes ces choses qui se pourra faire en courant la poste? Où est le medecin qui guerira son malade, s'il ne fait qu'entrer & sortir: Et puis quelle grace peuuet auoir des paroles,où il n'y a point d'électió? Mais come il y a de certaines choses difficiles à croire, qu'il faut voir vne fois, pour pouuoir dire qu'on les a veuës, il en est de mesme de ceux-cy, qui vont aussi viste de la langue. Il leur faut dóner vne heure de temps à les ouir, & ny retourner plus: Car que sçauriez - vous apprendre

apprendre d'eux, ou que voudriez-vous imiter ! Quelle fermeté pensez-vous trouuer en leut ame, puis que leur discours est si peu ferme, que quand ils luy ont vne fois donné le branle, il leur est impossible de l'arrester : Ils ressemblent à ceux qui courent à la valée : leur pesanteur les emporte, & les fait aller plus loin qu'ils n'ont reso-lu. Cette volubilité n'a point de grace en la Philosophie : ce n'est point son fait de ietter les paroles en desordre, mais de les asseoir tout bellement chascune en sa place, & ne s'auancer autrement que pied à pied. E quoy donc ? elle n'aura iamais liberté de se hausser? Pourquoy non? Mais que tousiours elle ait égard à la bienseance de sa profession, & se souvienne, qu'il n'y a rien qui luy porte plus de preiudice, que cette profusion de langage ainsi violent & déreglé. Il est bon qu'il ait de la force, mais moderée, & qu'elle courre, mais

305

mais comme vn ruisseau, non comme vn torrent. Et tant s'en faut que cette promptitude me plaise en vn Philosophe, qu'à peine la pourrois-ie approuuer en vn Orateur. Car comme voudriezvous qu'vn Iuge qui peut-estre ne sçauroit pas trop bien son mestier, le pût suiure, courant ainsi à bride abbatuë, principalement quand la fertilité de quelque sujet, il se laisseroit emporter à l'ostentation de sa suffisance, ou quad quelque passió sortie hors de ses bornes, & plus forre que son iugement, luy feroit ouurir la bonde aux paroles, & dire ce que puis apres il seroit content de n'auoit pas dit ? Il faut que la langue s'accommode aux oreil-les, sans les mettre hors d'haleine à courir apres elle, ou sans leur bailler de la matiere plus que ce qu'elles sont capable d'en rece-uoir : vous ferez donc sagement de ne vous approcher point de cette maniere de gens, qui se soucient

306 Les Epistres

plustost de dire beaucoup, que de dire bien. Il y auoit vn certain P. Vinicius, de qui Asellius disoit, Qu'il parloit à remises, & Geminus Varius, Qu'il s'ébahissoit commeon faisoit cas de son eloquence, veu qu'il ne sçauoit pas mettre trois paroles ensemble. bien qu'il n'y auoit gueres de plaisir à luy voir tirer les mots l'vn apres l'autre, & que quelquefois on luy eust peu dire; Parlez, ou taifez-vous: Mais encote aimerois-je mieux vous proposer sa sentence pour exemple, que la precipitation de Haterius. Cét homme en son temps estoit estimé grand diseur; il ne hesitoit iamais, ne rompoit iamais son train: & du commencement alloit d'vn trait iusqu'à la fin: Mais quoy qu'il en soit, ie ne pense pas qu'vn homme de iugement voulust parler comme luy. Toutesfois châque nation a son goust particulier: ce qu'on trouue mauuais en vn lieu, semble de bonne

bonne grace en vn autre. Peutestre entre les Grecs on supportoit cette licence: mais nous en sommes si éloignez, que mesme en escriuant, nous mettons des poincts entre les mots pour les separer. Ciceron mesme, qui le premier a donné reputation à l'éloquence Romaine, n'alloit iamais qu'au petit pas en ses harangues. Le lágage Latin a de la vaine gloire; il se regarde: Et par-ce qu'il a bonne opinion de son merite, il préd plaisir que les autres le voyét, afin d'en faire cas. Fabianus grand personnage de vie & de science, & qui apres ces deux poincts, tient le troisieline rang en la loüange d'vn home fort eloquent, auoit vne façon de parler non imperueuse, mais sans peine : de sorte que c'estoit plustost facilité que promp-titude. C'est bien chose, que ie ne dessends point à vn homme sage, que l'aisance de parler: toutesfois ie ne luy commande pas pas, & trouue encore, qu'il fera mieux de prononcer les paroles, que de les verser. Ce qui me fait vous entretenir si long-temps sur ce sujet, pour vous en aduertir; c'est que ie sçay bien que c'est vn me-stier, que vous ne pouuez faire, que premierement vous ne renonciez à vostre honneur. Il faut que vous perdiez toute honte, & que vousmelme n'elcoutiez pas ce que vous direz, parce que par inaduertan-ce il vous échappera beaucoup de choses, qui ne vous sembleroient pas bonnes, si vous y apportiez du iugement. Ie vous dis que c'est vn mestier, qui veut de l'impudence: preparez-vous y, si vous le voulez suiure. Ce n'est pas encore tout: vous ny pouuez acquerir de gloire: il vous faut exercer iournellement, & laisser la substan ce des choses, pour l'escorce du langage; Au lieu que quand bien vous au-riez des paroles, plus que vous n'en sçauriez desirer, & qu'elles vous

vous sortiroient de la bouche, comme d'vne source inépuisable pour bien faire il en faudroit estre lobre, & ne les employer qu'auec discretion. La modestie est aussi requise au langage d'vn homme d'honneur, comme en sa demarche.La fomme des fommes, c'est que ie veux que tu sois lent à parler.

EPISTRE XLI.

Argvment.

L'homme de bien est tousiours accompagné d'un bon Genie.

Mespriser les biens de fortune & aimer ceux de l'ame, c'est le fait du bon Genie, ou d'une Vertu diuine, qui est dans l'homme de bien.

70us ne sçauriez mieux faire, que de trauailler continuellement à vous faire homme de

de bien. C'est chose que vous seriez mal auisé de desirer, puis que vous - mesme auez moyen de vous la donner. Il ne faut point pour cela leuer les mains au Ciel : il ne faut point gaigner vn Sacristain, qui vous laisse parler à l'oreille d'vne Image, pour en estre mieux exaucé. Vous auez Dieu pres de vous : vous l'auez auec vous: vous l'auez dans vous. Il est vray, comme ie le vous dy, Lucilius, nous auons vn esprit sacré, qui reside en nous pour la consernation de nos vies,& l'obseruance de nos actions: il se comporte auec nous, selon que nous nous comportons auec luy.Il n'est point d'homme de bien, fans quelque Dien, qui l'assiste à monter par dessus la Fortune, & le rende capable des hautes & magnanimes resolutions. Quel Dieu? Nul ne le sçait ? S'il se presente à vos yeux quelque touffe épaisse de vieux arbres, éleué au delà de l'ordinaire, & où la multitude des branches

branches passées les vues dans les autres, ne reçoiuent point la clar. té du iour ; quant & quant la hauteur, la solitude, & l'ébahissement de voir en vne rase campagne, vn ombrage si espais & si counert, vous donnent opinion qu'il y ait quelque Deité. Si vous voyez vn autre qui auec ses pierres toutes mangées,& sur vne relaxation faite non de main d'homme, mais par la Nature melme,porte le faix d'vne montagne; vous auez aussi-tost l'ame frappée de quelque scrupule de Religion. Nous tenons les commencemés des grands fleuues pour venerables,& donnons des Autels à la source subite de quelque large riuiere, qui sort de dessous rerre. Nous portons du respect aux fontaines des eaux chandes.L'opacité sombre, ou la profondeur immense de quelques estangs, les a fait estimer sacrez. Si vous voyez vn homme ineffrayable aux dangers, impenetrable aux passions, heureux

heureux en aduersité, calme en la tempeste, plus haut que le reste des hommes, & aussi haut que les Dieux; ne serez-vous pas touché de quelque ressentiment, qui vous indusse à le venerer? Ne direzvous pas; Il y a là quelque chose de trop grand, & de trop haut, pour en faire comparaison à si peu de chose que le corps? Sans doute quelque vertu divine y est descenduë; & n'est pas croyable, qu'vne ame si excellente, si mesurée, & qui auec vn mépris si genereux estime toutes choses inferieures à fon merite, & si courageusement se mocque de ces objets, qui font naistre des craintes, & des desirs, puisse auoir son mounement d'ailleurs, que de quelque puissance du Ciel. Vne chose de cette grandeur ne sçauroit demeurer debout, si quelque Dieu ne la soustenoit. C'est pourquoy la part de luy la plus grande, est au lieu, d'où elle est descenduë. Comme les tayons du

du Soleil nous touchent bien, mais ils ne laissent pas d'estre au Ciel, d'où ils sont enuoyez sur la terre, tout demesme vne ame grande & facrée , transmise au monde, pour nous faire voir de plus pres la Diuinité, conuerse bien agec nous: mais touliours par vn de les bouts elle tient à son origine, & ne s'en détache point. Elle y est suspenduë : elle y tourne les yeux, & s'y appuye.Ce qu'elle est parmy nous, c'est pour estre nostre guide, & comme plus iudicieuse, assister à nos actions, & nous apprendre à les gouverner.

11. Mais comme le connoistrezvous ? quand vous la verrez ne se parer d'autre chose que du sien: Car est-il rien de si hors de propos que de loüer vn homme pour des choses qui ne sont pas à luy? N'estce pas n'auoir point de sens, que d'admirer ce qui d'vn moment à l'autre, peut changer de possesseur. La selle de velours, & le mors do314 Les Epistres

ré, ne font point la bonté d'vn cheual. Voyez vn Lyon, que le commerce des hommes ait reduit à se laisser dorer le crein, & receuoir les embellissemens qu'il plait à son gouverneur de luy dóner; & voyezen vn autre, qui ferme, nerueux, & d'vne haleine entiere, n'a pour ornement que cette hydeur effroyable, auec laquelle la Nature l'a fait naistre dans les deserts: Ie ne doute point que vous ne trouuiez cettuy-cy de meilleure grace que l'autre; à qui par vn long ap-priuoilement vous verrez souffrir des choses si éloignées de son imperieux & magnanime naturel. C'est vne solie à vn homme, de se glorifier de ce qui n'est point à luy. Le nombre des raisins, & la pesateur des grappes, qui font ployer les échalats, est la louange d'une vigne: quand elle est fertile, elle est belle. En vn homme il faut lonër ce qui est sien, & non autre chole. Il a de beaux enfans, vne belle mailon.

maison, beaucoup de terres labourables, & quantité d'argent en rente;tout cela est pres de luy : ie l'aduoue; Mais dans luy, il n'y en a rien. Donnez-luy des louanges des choses qu'on ne luy peut ofter ny donner: & qui proprement appartiennentà l'homme : Demandezvous que c'est ? L'esprit, & en cét esprit vne raison qui n'ait aucun defaut. L'homme est vn animal raisonnable: Son bien est donc parfait, quand il est parfaitement ce que la Nature a voulu qu'il soit. Mais que luy demande cette Raison ? La chose du monde la plus aisée, qu'il viue selon la Nature. Tout ce qu'il y a d'empeschement, c'est vne folie vniuerselle, qui le fait naistre Nous tombons l'un sur l'autre dans les vices ? Le peuple nous pousse: personne ne nous retient comme setoit-il possible de nous guarentie?

EPISTRE XLIL

ARGVMENT.

1. Les hommes de bien sont rares.

 A faute de puissance & non de volonté, on cesse bien souuent de mal-faire.

Nous ne s

çauons faire choix des choses qui nous sont veiles.

4. La perte des choses fortuites n'est point fascheuse.

I. Le voy bien que celuy de qui vous m'escriuez, vous a desia fait croire qu'il est homme de bien. Ce n'est pas chose qui se puisse ny faire, ny reconnoistre en si peu de temps. Sçauez - vous ce que i'appelle en cét endroit hôme de bien? Celuy qui l'est aucunement; car quant à l'autre qui l'est en persection, il en est peut-estre comme du Phenix: il s'en voit vn en cinq cens

cens ans, il ne s'en faut point ébahir. La fortune en la generation des choses grandes veut des interualles,& le recommande par la rareté. Pour les mediocres, & qui naissent parmy la presse, elle les produit ordinairement. Mais pour retourner à vostre homme, il est encore bien loing de fon compte; & s'il sçauoit que c'est d'vn homme de bien, il ne le penferoit encore estre, & possible perdroit l'esperance de pouuoir iamais le deuenit. S'il se fonde en ce que les méchans ne luy plaisent point, il ne fait rien en cela, que les méchants mesmes ne sassent : & la plus rigoureule punition que souffre la méchanceté, c'est qu'elle se déplait à soy-mesme, & que ceux qui la font, ne l'approuuent pas. S'il allegue, Qu'il veut mal à ceux qui subitement arriuezà quelque grade puissance, s'y comportent insolemment; que sçay-ie, si quand il pourta ce qu'ils peuuent, il ne

II. La foiblesse en beaucoup de gens cache les vices, qui, si tost qu'ils penseront avoit assez deforce, n'auront pas moins d'enuie de paroistre, que ceux à qui la bonne fortune a donné dessa courage de se décounrir.La méchanceté y est: mais les instrumens luy manquéte il n'y a dequoy la monftrer: il n'y a point de serpens si venimeux, qu'o ne puisse manier seutement, tandis qu'ils sont roides de froid. Le venin y est bien tousiours, mais il est endormy. Il y a assez de cruautez, d'ambitions & de luxures, capables d'aller du pairauce les plus signalez exemples qui s'en soient iamais veus: tout ce qui leur defaut, c'est, que la Fortune leur resiste, & leur ofte le moyen de se produire. Donnez-leur la puissance des autres, vous leur trouuerez la mesme volonté. Vous souuenez-vous qu'vn iour que vous me parliez d'vn homme de parmy le monde,

& me disicz qu'il estoit du tout à vous, ie vous dy que c'estoit vn esprit volage, & que luy pensant tenir le bras, vous ne luy teniez que la manche? Fus-je menteur? Il a laissé la manche par où vous le teniez: Il s'en est enfuy. Vous sçauez quels traits il vous a iouez depuis, & combien il vous a preparé de pieges, sans sçauoir que luy-mesme y deuoit tomber. Il ne voyoit pas, qu'en la perre des autres il procuroit la sienne; & qu'encore que ce qu'il demandoit, luy peust seruir de quelque chose, c'estoit neantmoins vn fardeau, fous lequel il seroit à la fin contraint de succomber.

ó

III. C'est pourquoy quand nous affectons quelque chose, & que la passion nous la fait poursuiure auec beaucoup de labeur, il faut considerer, ou qu'elle est du tout inutile, ou qu'elle ne vaut pas l'incommodité que nous prenos pour y paruenir. Il y a des choses super-

Auës, & d'autres qui bien qu'elles ne le soient pas, toutesfois n'ont pas de merite assez, pour nous trauailler. Mais nous ne penetrons pas si auant, & nous faisons accroire qu'on nous donne des chofes qu'on nous vend bien cher : & en cela se connoist nostre peu de sens, que nous ne pensons acheter que ce qui nous fait mettre la main à la bource,& croyons qu'on nous donne ce dequoy nous fommes nous-mémes le payemet: nous nous embarrassons de toutes sortes de sollicitudes: nous-nous submettons à toutes risques, & sommes contents de perdre l'honneur, le temps, & la liberté, pour acquerir des choses où nous ne voudrions pas seulement penser, s'il nous falloit vendre ou quelque maison,ou quelque heritage, pour les auoir: tant il n'y a rien dequoy nous fas-sions si bon marché que de nous-mesmes. Quand donc nous voudrons deliberer quelque chose, ou

Ì

ľ

si nous sommes sur le poinct de l'executer, faisons comme quand nous entrons chez vn marchand: Sçachons de quel prix est-ce que nous voulons auoir:ce qui ne nous couste rien, nous couste quelque-fois bien cher. Le vous pourrois nommer assez de choses, de qui l'acquisition nous a fait perdre la liberté: parce qu'elles sont à nous, nous ne sommes plus à nous.

IV. C'est ce que nous auons à considerer, quand nous auons enuie d'auoir quelque chose : comme d'autre costé, s'il arriue que nous la perdions, nostre consolation est de nous representer qu'elle estoit fortuite; que nous nous en sommes passez autressois, que nous - nous en passerons bien encore à l'aduenir. Si nous l'auons euë long-temps, nous dirons que nous auons eu loisir de nous en saouler; si nous n'auons point sujet de regretter vne chose à laquelle 322 Les Epistres

nous n'estions pas accoustumez; Nous aurons moins de bien; nous aurons donc moins d'inquietudes. Nous aurons moins de credit; nous serons moins enuiez. Lettons les yeux fur tout ce qui nous ofte le sens, & pour qui nous fondons en larmes, quand nous le perdons; nous trouuerons que ce n'est point le perdre qui nous afflige, mais l'opinion seule d'auoir perdu. Nous y pensons, mais nous n'en sentons rien. Qui se possede, ne peut rien perdre: mais le mal est, qu'il s'en trouue peu, qui soient capables de se posseder.

፟ቚ፟፧ቚ፟ቝ፟፧ቚ፟ቚ፟፧ቚ፞ቚ፟**ዀ**፟

EPISTRE XLIII.

ARGVMENT.

- Les actions des Grands, iusques aux plus petits, ne peunent estre cachées.
- L'homme de bien ne cache point fa viescomme le méchant.

I. Vous

I. Tous-vous ébahissez comme ie suis si particulierement informé de vos affaires : Et qui me peut avoir découuert vne chole que vous n'auez communiquée à personne. Ne sçauez-vous pas que le bruit est vn grand maistre de nouuelles. C'est par luy que i'ay eu des vostres. Et quoy donc? direz-vous? suis-ie si grande chose, qu'on fasse courir des bruits de moy? Ne prenez pas garde où ie fuis: mais où vous estes. Toute chose eminente par dessus ce qui est aupres d'elle, est grande, au lieu où elle est eminente. La grandeur n'a point de certaine mesure : c'est la comparaison qui l'accroist, ou la diminuë. Vn batteau grand sur vne riuiere, est petit sur la mer: Vn gouuernail grand pour vn nauire, est petit pour vn autre. Faites si peu de cas de vous qu'il vous plaira: vous estes grand en vostre gouuernement. Toutes vos actions sont regardées; & iulques à vostre man324 Les Epistres ger & vostre dormir, vous nefaites rien qui ne soit sçeu

II. Ce vous doit estre plus de sujet de penser à vous. Vous serez heureux, quand vous pourrez viure à la veue de tout le monde. Il y en a la pluspart qui pensent que cette enceinte de murailles, qui nous enuironne chez nous, n'estpas tant pour garder nostre vie enplus de seureré, comme pour commettre nos meschancetez auec plus de licence. Faites que vous n'en soyez pas de mesme. Pensez que vous auez vne maison pour vous couurir,& non pour vous cacher. Ie vous vay dire vne chose, par où vous iugerez comme nous somes gens de bien. Vous ne trouuerez pas vn homme seul qui pût viure à porte ouuerte. Les portiers font de l'inuention de nostre conscience: ce n'est point la magnisicence qui nous a sollicitez de les auoir. Nous viuons d'vne façon que nous sommes surpris, si nous fommes.

fommes veus sans y penser. Mais à quoy est bon de se cacher, & de suyr les yeux & les oreilles des personnes? La bonne conscience appelle la multitude. La mauuaise, en quelque solitude qu'elle se reduise, a tousiours de l'anxieté. Si ce que vous faites, est honneste, pourquoy ne voulez-vous que tout le monde le sçache? il est deshonneste, puis que vous le sçauez, que gaignez - vous qu'on ne le sçache point? Que vous estes vn pauure homme, si vous comptez ce tesmoin à rien?

EPISTRE XLIV.

ARGVMENT.

1. De la vraye & fausse Noblesse.

2. Les Nobles & les Returiers ont mesme origine.

Le trop grand de sir des biens de fortune, empesche la Felicité.

I. Vous

326

V O v s alleguez vostre pe-titesse, & dites, que ny la Nature, ny la Fortune n'ont rien fait pour vous. Ie m'estonne bien de vous ouir tenir ce langage; veu le moyen que vous auez de vous oster de parmy le peuple, & monter si haut, qu'il n'y aura rien au dessus de vous. Vne des bonnes choses qui soient en la Philosophie, c'est qu'elle n'épluche point les Genealogies. Si nous recherchons d'où les hommes sont venus; premierement, nous sommes tous de la race des Dieux. Vous estes Cheualier; vostre industrie vous y a fait paruenir: Mais vrayement il y en a bien qui ne le sont pas- On ne reçoit pas tout le monde à estre Senateur: & aux armes mesmes, où il n'y a que du peril, & de la peine, les soldats n'y sont pas receus qu'auec election. Les Capitaines font quelquesfois les dégoustez à les enroller. La bonne consciéce ouure la porte à tout

le monde: Nous sommes tous de bonne maison pour elle. La Philosophie ne distingue point les personnes : elle a de la splendeur assez pour tous. Socrate n'estoit pas Gentil - homme: Cleanthes gaignoit sa vie à tirer de l'eau, & arrouser les jardins: Platon n'estoit pas noble; quand il vint à la Philosophie, ce fut elle qui luy donna cette qualité. Pourquoy vous deffiez-vous de vostre suffifance? Qui vous a fait desesperer de pouuoir aller du pair auec eux ? Faites-vous digne de leur merite, & ils vous aduoiieront de leur race. Vous en serez digne, si vous croyez qu'il n'y ait homme au monde plus noble que vous. Le plus pauure a autant de predeceffeurs que le plus riche il n'y a homme, de qui la premiere origine ne soit au delà de toute memoire: Platon dit, Qu'il n'y a point de valet, qui ne soit de race. de Roys, ny de Roy, qui ne soit de. de race de valets; tout se bigarre de cette façon auec le temps.

II. La vicissitude des choses est l'exercice de la Fortune. Qui estce qui est donc noble? Celuy qui naturellement a la disposition à la Vertu. C'est tout ce qu'il y faut considerer. Autrement, si vous en voulez faire la decision par l'Antiquité, qui de pere en pere, & d'ayeul en ayeul, ne vous meine si loin, qu'il ne se trouuera rien au deuant de luy. C'est bien chose fans doute, que depuis la naissance du monde, nous ne pouuons estre venus iusques à nostre siecle, que par vne mutation alternatiue de toute sorte de conditions. Vne basse-court pleine d'images enfumées, n'est point ce qui fait l'homme noble : ceux qui ont esté gens de bien deuant nous, ne l'ont point esté pour nous faire auoir de la reputation: nous n'auons rien à ce qui nous a precedez. C'est l'esprit qui fait l'homme noble, quand d'yne cabane, aussi bienque d'vn Palais, il se peut éleuer au dessus de la Fortune.

III. Posez donc le cas, que vous n'estes point Gentil-homme, mais roturier; que vous importe, puis que vous auez le moyen de si bien faire, qu'en quelque compagnie de Gentils-homes que vous soyez, il n'y aura que vous qui soit noble? demandez-vous comment? Si vous ne prenez point l'auis du peuple, à faire distinction de ce qui est bon ou manuais: l'importance n'est pas d'où les choses. viennent, mais où elles vont : on ne peut nier, que ce qui nous peut faire viure heureusement, ne soit bon: car il n'est point susceptible d'empirement. D'où vient donc que nous ne troutons le bon chemin? De ce que bien que nous desirions tous la vie heureuse, nous prenons des instrumens pour elle, & la fuyons en la desirant. Car au lieu de nous procurer vne seureté solide, & vne confidence iné

330 Les Epistres

inébrálable, qui sont deux poincts, où gist la Felicité; nous cherchons de tous côtez des sujets de nous affliger; & marchans par vn chemin plein d'embûches, nous nous chargeons de tant d'équipages, que nous ne sommes pas assez forts pour les porter. De cette façon nous n'auons iamais nostre compte: & tant plus nous trauaillons, tant moins il se trouve de besongne faite. Nous reculons au lieu d'auancer; Et comme tous ceux qui courent dans vn labytinthe, nous nous enbarrassons toûjours. dauantage, & pour faire trop de diligence, sommes causes de nostre retardement.

EPISTRE XLV.

ARGVMENT.

 Peu de liures, mais bons: Les disputes captieuses des Philosophes sont inutiles.

2. Le

2. Le vice nous fait la guerre sons une apparence de Vertu.

3. Quel homme se peut dire heureux.

4. Si toutes les choses necessaires peument estre appellées biens.

5. La milleure partie de la vie se passe à la recherche des choses supersues.

T. J Ous vous plaignez, qu'il Vi se recouure peu de liures en vos quartiers. Ce n'est rien! d'en auoir beaucoup : l'importance est qu'ils soient bons : le sçay bien que la diuerfité des lectures donne du plaisir: mais il y a plus; de profit à n'en faite qu'vne. Le moyen d'estre bien-tost où vous auez enuie d'aller, c'est de n'aller que par vn chemin, sans vous égarer d'vir sentier à l'autre. Ce n'est pas marchers, c'est roder. Vous me direz, que vous me demandez des liures, & non pas du conseil. le suis prest de vous enwoyer co que l'en ay, & ne m'en-

C.

'n.

332 Les Epistres laisser pas vn. Ie suis bien marry, que moy-mesme ie ne vous puis aller trouuer; & vous jure, que si ce n'estoit que l'espere que vous aurez bien - tost faict vostre commission, tout vieil & indis-posé comme ie suis, i'eusse encore entrepris ce voyage; & que ny Scille, ny Caribde, ny tout ce que les Fables nous content de la difficulté de ce trajet, ne m'en eussent retenu. S'il ne se fust point trouué yn vaisseau, ie fusse plustost passé à la nage, tant i'ay d'enuie de vous embrasser, & de voir les progrez que vous auez fait. Au demeurant, pour ce que vous me demandez des liures : ie ne m'en estime point plus habile-homme; non plus que ie m'estimerois beau-sils, si vous m'auiez demandé mon pourtrait. Ce que vous en faites, est pour me faite plaisir, plustost que pour vne bonne opinion, que vous en ayez: & c'est l'amitié, que vous me portez, qui vous

abuse. Tels qu'ils sont, lisez-les, comme d'vn home, à qui la verité plait; & qui ne la sçachant point encore, contre toutes les difficultez qui s'y trouuent, demeure opiniastre à la rechercher. Car de moy, ie n'ay point de maistre : ie ne potte le nom de personne. I'honore beaucoup le iugement des honnestes hommes, mais ie ne méprise pas le mien. Ils ont cherche, comme nous sans rien trouuer: ce que possible ils eussent fait, s'ils n'eussent destré que les choles necessaires, & ne se fussent point amusez aux superfluës. La Subtilité des paroles, & les disputes captieules leur ont fait perdre beaucoup de temps. Nous faisons des nœuds, sans autre fin que pour les délier, tant nous auons de loi. sir: nous sçauons desia viure, nous sçauons delia mourir. Quand il est question de nous garder d'estre trompez aux choses, & non point aux paroles, c'est vne besongne où nostre

, ...

S

4.

force: il nefaut point qu'il oublie rien à la maison. A quoy peut seruir cette distinction de similitudes de paroles, où perfonne hors de la

dispute ne se pout tromper.

II. Ce sont les choses qui nous abusent : ce sont donc les choses qu'il faut discerner. Nous prenons les mauuaises pour les bonnes. Quand nous auons fait vn souhait, nous en faisons vn contraire : nos vœux sont cóbatus par nos vœux, & nos cóleils se font la guerre l'vn à l'autre. En combien de choses se conforme la Flaterie à l'Amirié? Il ne luy suffit pas de l'imiter, elle fait dauantage & passe encore plus auant. Les oreilles s'ouurent quad elle parle, & aucc vne reception fauorable, la font descendre insques au cœur. Ce qui en est le plus dangereux, ce qu'on y trouue le plus doux. Apprenez-moy à connoistre cette similitude. Vn ennemy se presente à moy sous vn vi**fage**

fage d'amy. Le vice me veut surprendre:de peur que ie ne le reconnoisse, il emprunte le nom de la Vertu; la Temerité se fait appeller Valeur, la Faineantise Discretion, & la Timidité bon Iugemet. C'est en cela qu'il y a du danger d'estre trompé: donnez-moy de certaines marques pour les connoistre. Vn homme à qui on demade s'il a des cornes, n'est pas si mal-aduisé que de se porter la main au front, pour fçauoir ce qui en est,n'y si grossier, qu'il ne sçache bien qu'il n'en a point. Vous auez beau prescher, s'il vous en dit:ce sont tromperies, qui no plus que celles des ioueurs de goubelets, ne sont point dangereules. Au contraire, quand on y est bien trompé, c'est quand on y prend bien du plaisir. Nous demandos qu'on nous trompe encore vne fois:refaites, que i'entende comme cela sefait:il ne m'en souviét plus. I'en dy de mesme de ces captions: car comme voulez-vous que ie les appelle appelle autrement ? il y a aussi peu de bien à les sçauoir, que de mal

à ne les sçauoir point.

III. Si vous auez enuie d'éclaircir des ambiguitez, appreneznous que celuy que le commun appelle heureux, ne l'est point, que celuy qui a ses coffres pleins d'argent, n'est point riche; mais ce-Tuy qui porte son bien en l'ame:qui haut & braue, foule aux pieds ce qui est merueille aux autres : qui ne void personne auec qui il voulust changer de condition: qui n'estime l'homme que par cette seule partie qui le fait homme: qui sçait le chemin que la Nature luy monstre,& se conforme à ce qu'elle ordonne:à qui nulle violence ne peut rien oster, qui conuertit le mal en bien, iudicieux aux doubtes,& ferme aux secousses, inestônable aux frayeurs, impenetrable aux mouuemens: à qui la Fortune, quand de toute sa force elle luy a tiré la plus dangereuse de toutes ses fleches,

ches, ne fait point de playe: mais seulement quelque legere égratigneure bien à peine, & bien raremét: Car pour les traits communs desquels elle debelle ordinairemer le reste des hommes, ils bondissent fur luy come la gresle, qui fait bien quelque bruit sur les tuilles de nos maisons, mais se resout tout aussitôt, sans faire mal à ceux qui sont dessous. A quelle fin m'amusezvous à cette faço d'arguméter, que vous-mesme appellez mensongere, de laquelle on a tant escrit de liures ? Si vous auez de la subtilité, ce n'est que mensonge que toute ma vie. Faites paroistre vostre bel esprit à me conuainere, & reduisez-moy à la verité.

IV. I'estime vne infinité de chofes necessaires, desquelles vne grade partie est superfluë, & celles qui ne le sont point, ne peuuent rien contribuer à ma felicité. Ce sont là nos difficultez qu'il faut combattre, & les obscuritez qu'il

Ę

faut éclaireir. Car il ne s'ensuit pas que tout aussi- tost vne chose soit bonne, parce qu'elle est necessaire. Si nous donnons le nom de bien à du pain, à de la bouillie, & à vne infinité d'autres choses, dont nous ne nous pouuons passer, nous ne luy faisons pas beaucoup d'honneur: ce qui est bien, est tousiours necessaire, ce qui est necessaire, n'est pas tousiours bien: car il se trouve assez de choses qui ne sont d'aucun merite, & qui cependant ne laissent pas d'estre tres - necessaires.

V. Il n'y a personne, à mon adnis, si mal informé de l'importance du nom de bien, qu'il le vueille rabaisser à des choses qui n'ont autre commodité que de nous aider à passer vne iournée. Et quoy donc, au lieu de ses distinctions de neant: qui vous arrestent, ne setoir-ce pas vne plus digne & plus fructueuse occupation pour vostre esprit, de faire entendre au monde,

ter

monde, que la merlleure partie du temps se perd à la recherche des choles superfluës,& que la vie bié souvent se trouve passée, tandis qu'on fait des prouissons pour la passer? Regardez tout ce qu'il y a d'hommes au monde & considerez - les vn pour vn, ou tous à la fois, vous n'en trouuerez pas vn quine remette sa vie au lendemain. Demandez-vous dequoy cela nuit? De plus qu'il ne se peut dire : Car ils ne viuent pas, mais ils viuront: ils differet toutes choses d'vn iour à l'autre. Quand nous ne ferions autre chose qu'y penser, la vie nous deuanceroit toufiours, mais à cette heure estans lents & paresseux cóme nous sommes, elle passe au delà de nous, comme estrangere: & n'y a iour qu'elle ne se perde, bien qu'elle ne finisse qu'au dernier. Mais de peur de faire vn liure plûtost qu'vne lettre, & vous remplie les mains de papier, ie me referueray pour une autre fois à dispu340 Les Epistres ter contre ces pointilleux si déliez, qui oublient de faire, tant ils sont empeschez à parlet.

፟ቚ፟ፙፙጜፙፙጜፙፙ EPISTRE XLVI

ARGVMENT.

 Les beaux Liures, quelque groffeur qu'ils ayent, ne font iamais longs.

I. I'Ay receu vostre liure que vous m'auiez promis, & l'ay ouuert, pensant ne faire qu'y mettre le nez, & le refermer tout aussit-tost, pour le lire vne autresois quandi'en aurois la commodité. Mais ie l'ay trouné si bien à mon goust, qu'il a fallu que ie sois allé de long. Ie ne sçaurois mieux vous faire croire ce qu'il m'en seinble, que de vous dire, qu'encore que sa grosseur le fera plustost estimer quelque ouurage de Tite Line, ou d'Epi

d'Epicure, que le vostre, ou le mien, ie n'ay pas laissé de le trouuer court, & ne m'est point parti des mains, que ie ne l'aye coury de bout en bout. Il se faisoit tard : ic mourois de faim. La pluye me menaçoit : mais auec tout cela, i'en ay veu la fin. Il ne m'a pas resioüi seulement : il m'a contenté.Quelle viuacité d'esprit , quelle force de courage n'y ay-ie point reconnuë ? Ie dirois quelle saillie, si en quelque endroit il y eust eu des reprises d'haleine & des rehaussemens par internalles. Mais il n'y en a point : tout y est si continu, que ie puis dire, que c'est vn ouurage d'vn homme vrayement sacré: & cependant il ne laisse pas d'y auoir tousiours quelque trait agreable aux lieux où il s'est offert occasion d'y messer de la douceur. Vous estes grad, il le faut auoüer, & teleué, come i'ay toû jours desiré que vous soyez,& comme ie prendray plaisit de vous voir continues.

Ilse peut bien faire que l'abondance de la matiere vous a seruy de quelque chose : C'est pourquoy ie conseilleray tousiours de la prendre fertile, qui occupe l'esprit, & qui l'excite. Ie vous en diray d'auantage de vostre liure, quand ie l'auray repassé encore vne fois:Le iugement que l'enfais à cette-heure, c'est comme si ie l'auois seulement ouy, non pas leu. Laissez-le moy repasser, & ne craignez point que ie ne vous en die librement ce que i'en trouueray. O que vous estes heureux de n'auoir rien qui me donne sujet de vous mentir de si loin! si ce n'est que suiuant la corruption du siecle, ie voulusse mentir par coustume, ne pouuant mentir par occasion.

፟ኯ፟ፙ፞፧ፙ፞፧ፙ፟ጜ፞ዀ፞ዀ፞ፙ EPISTRE XLVII.

ARGUMENT.

1. Comme il faut viure auec les Serniscurs. 2. Que de Seneque.

2. Que leur employ est different, selon qu'il plaist à la Fortune.

I. TE suis bien-aise d'entendre de Lceux qui viennét de vos quartiers, comme vous-vous comportez, doucemet auec vos seruiteurs. Vous estes trop suffisant, & iudicieux, pour en vser autrement. Sotce seruiteurs? ce sont hommes: ce · sont domestiques : ce sont petits amis. Et si nous considerons que la fortune a le mesme commandedement sur nous, qu'elle a sur eux, ils peuuet dire; nous sommes tous conseruiteurs. C'est pourquoy ie me ry de ceux qui penseroient s'estre fait grand tort, d'auoir fait mäger vn seruiteur auec eux.Pourquoy le font-ils? par vne coustume vaine & fastueuse, qui s'est introduite, qu'vn maistre ne mangeroit pas à son aise, s'il n'auoit vne douzaine de valets de bout à ses costez. Monsieur est à table, qui se remplit; & à peine de creuer, se

met des viandes au ventre, qui cst puis apres bien empesché d'en faire sortir: cependant les pauures seruiteurs sont là, qui n'osent pas seulement mouuoir les lévres.S'ils soufflent, ausli-tost le baston est sur les épaules: vn toussemét, vn esternuement, vn hoquet, qui sont choses casuelles, leur sont crimes irremissibles. De quelque façon qu'ils interrompent le silence, ils sont asseurez des estriuieres, ou de quelque chose de pis, & demeurent en cette posture,& en cette abstinéce iusques au iour. De là vient que n'olants rien dire en la presence de leurs maistres, ils parlent en leur absence: au lieu qu'autrefois ceux à qui leurs maistres permettoient de parler, non deuant eux seulement, mais anec eux, & ne leur faisoient point coudre la bouche, cóme on fait auiourd'huy, presentoient librement leurs testes pour celles de leurs maistres; & s'ils les voyent prests de tomber en quel-

que peril, s'y exposoient volontairement, pour les en garentir.Ils parloient en compagnie: mais ils fe taisoient en la torture. De cette mesme arrogance est procedé le prouerbe qui se dit communemer, Autant de valets, autant d'ennemis. On se trompe, ils ne sot point nos ennemis: mais nous leur en donnos tout le sujet que nous pounos. Ie n'allegue point l'inhumanité que nous auons, d'éployer des homes aux mesmes seruices où nous employos des bestes. Cepédant que nous sommes à table, l'vn a charge de marcher sur ce que nous crachons: l'autre, de ramasser ce que laissent tomber des yurongnes, qui bien souuent seront si saouls, qu'ils ne verront goutte: l'autre auec vne adresse estudiée donnera de la viãde à la compagnie: il monstrera 🛱 suffisance à trouver bien les iointures de l'aile, ou de la cuisse de quelque oyseau. Miserable certainement, de n'estre au monde que pour

pour couppe vne perdrix, ou vn levraut de bonne grace!si ce n'est que celuy qui pour la volupté tient eschole de cette science, l'est encore plus que luy, qui ne l'appréd que par necessiré. Vn autre qui sert au buffet, est paré comme vne femme, & luy fait-on disputer sa ieunesse contre les années; Il est hors d'vn âge où son maistre le veut tamener par artifice, & porte déja l'habit de soldat, qu'il luy fait abbatte le poil auec le rasoir, ou arracher du tout. Il passe toute la nuice sans dormir, vne partie à seruir son maistre à table, & l'autre à le contenter au lit : vn autre, qui a charge de tenir le controolle des actions de ceux qui son à table, se tient là planté à les regarder, afin que selon qu'ils auront mieux fait leur deuoir, ou de flater, ou de boire, ou de causer, il les fasse reuenir le lendemain. Adioustez-y ceux qui vont acheter la viande, qui sçauent exactement le goust du

du maistre, ce qui l'excite, ce qu'il est bien aise de voir; quelle nouucauté luy rend l'appetit, dequoy il est ennuyé, & ce que ce iour la il prendra plaisir de manger. Cependant il penseroit auoir perdu la Noblesse, s'il auoit appellé quelqu'vn de ses seruiteurs à mangerauec luy. Les Dieux sont bien plus iustes, qui pour retribution de cette arrogance, leur donnent bien souuent des maistres, du nombre de ceux qu'ils ont ainsi mesprisez. l'ay veu chez Caliste celuy qui auoit esté son maistre, qui luy auoit mis l'escriteau,& l'auoit mis en vente parmy ses esclaues de rebut, receuoir cet affront à la porte, qu'on l'ouuroit aux autres, & que luy seul estoit empesché d'entrer. Le seruiteur, qui auoit esté mis en la premiere dixaine, par où le Crieur commence sa proclamation, rendit le change à son maistre, & comme il ne l'auoit pas estimé digne de sa table,

il voulut passer plus outre en sa reuanche, & ne l'estima pas seulement digne de sa maison. Ce maiftre auoit vendu Caliste: mais combien de choses vendit depuis Caliste à son maistre? Voulez-vous remarquer comme celuy que vous appellez vostre seruiteur, est de méme origine, qu'il iouyt du mesme ciel, qu'il respire le mesme air? C'est sous la mesme condition de viure & de mourir que vous. Il vous est aussi possible de le voir libre, comme à luy de vous voir seruiteur. Combien pensez vous qu'il y eust d'hommes de bone mailon, & qui par le seruice qu'ils faisoient à la guerre, s'acheminoient à la qualité de Senateur, qu'en la def-Laite de Varus, la Fortune fist descendre à des services indignes, & rendit les vns bergers les autres gardiens de quelque loge au milieu des champs. Et puis mesprisez un homme pour estre en un estat où vous pouuez estre reduitile ne veux.

veux pas m'embarquer en cette matiere, & disputer de l'vsage des seruiteurs à qui nous sommes si superbes, sr cruels, & si cotumelieux. Toutefois voicy la regle que i'en fay. Viuez auec vos inferieurs, cóme vous voulez que vos Superieurs viuent auec vous. Autant de fois que vous-vous representez la puissance que vous auez sur vostre Ceruiteur, autant de fois representez-vous que vostre maistre n'en a pas moins sur vous. Ouy, mais io n'ay point de maistre : vous estes encore ieune : vous en pourriez bien auoir vn. Ne fçauez vous pas en quel âge Hecube fut esclaue, en quel âge le furent Cresus, la mere de Darius, Platon, & Diogene? Viuez doucement auec vos seruiteurs : donnez-leur de la priuauté: Faites-le deuiser, deliberer, & manger familierement auec vous. Ie Eçay bien qu'en cét endroit tous nos delicats se vont écrier, Qu'il n'y a rien de si mal-seant & de si vilaine

vilain que cette communication? Et cependant tous braues & altiers comme ils sont, ie les trouueray bien souuent baisans la main aux valets des autres. Ne voyez-vous pas mesme comme nos peresont reconnu, qu'il y auoit trop d'enuie au nom de seruireur? Ils appelloient le maistre, pere de famille; & quand ils vouloient signisier les seruiteurs, ils disoient ceux de la maison. Cette observation est encore auiourd'huy gardée aux Comedies. Ils instituerent vne feste, où non seulement ils voulurent que les seruiteurs mageassent aucc leurs maistres, mais aussi leur donnerent des honneurs, & leur remirent la iurisdiction de leur famille, comme si leur maison eust esté vne petite Republique. Et quoy donc? ie feray seoir tous mes seruiteurs à ma table? Comme vous n'appellez pas indifferemment tous ceux qui sont libres, à mager auec vous; ainsi ferez-vous distinction des serniceus

witeurs: Vous-vous trompez, si vous pensez que ie reiette vn muletier, parce que c'est vn muletier, ou vn vacher, parce qu'il est vacher. Ie n'auray point d'égard à leurs charges, mais à leur vie.

II. Il dépend de nous d'estre ou bons, ou mauuais: mais d'estre employez à vne chofe ou à l'autre, ceste distinction appartient à la Fortune. Faites-en manger quelques-vns auec vous, parce qu'ils en sont dignes : les autres, afin qu'ils le deuienent. S'ils ont quelque chose de seruile, comme cela se peut faire; par la conuersation qu'ils ont auec des personnes sordides, ils le perdront, s'ils sont receus en la compagnie des gens d'honneur. Ce n'est pas in foro seulement, vel in curia, qu'il faut chercher fon anty: Si vous y prenez garde, vous n'aurez que faire d'aller si loin. Bien souuent vne bonne matiere demeure à faute d'ouurier:faites-en la preuue. Vn homme

me est mal-aduisé, qui marchande vn cheual, s'il s'amuse à regarder la bride & la felle. Aussi est celuy qui fait jugement d'vn homme, on par ses hahits, ou par sa condition, qui n'est autre chose qu'vne robe, qu'il a tout autour de luy. Est-il serf? ouy: mais peut-estre il a l'ame libre. Est-il serf? Quel mal luy fait cela? Monstrez-men vn qui ne le soit point. L'vn sere aux femmes, l'autre à l'agent, l'autre aux hóneurs, & tous à la crainte en general. Ie vous feray voir vn homme de qualité Consulaire, qui fait sa maistresse d'une vicille, vn riche qui sert sa chambriere, & des jeunes gens des meilleures maisons, qui seruent à des Comediens. De toutes ces seruitudes la plus indigne, c'est la volontaire. Ne croyez pas ces glorieux, qui vous disent, qu'il ne faut pas faire bon visage aux seruiteurs: gardez vostre auantage: mais sans arrogance, faites qu'ils vous respedent,

Cent, & non qu'ils vous craignent. On me dira peut-estre , qu'à mon compte il faudroit affranchir tout ce qu'il y a de seruiteurs, & qu'il n'y eust plus de difference d'eux à leurs maistres. On se trompe : ce n'est point mon intention; mais, comme ie viens de dire, ie veux que les seruiteurs respectent les maistres, & non qu'ils les craignent: Ie voy bien que c'est, direz-vous; vous voulez qu'ils viuent auec moy, comme mes cliens, ou comme gens qui me viennent voit à mon leuer. Les Dieux se contentent qu'on les respecte, & qu'on les ayme. Vn maistre est injuste, s'il demande plus qu'il ne faut. Où il y a de la crainte, il ne peut y auoir d'amour. Vous faites donc tres-bien à mon jugement, de ne vouloir point que vos seruiteurs vous craignent, & de ne les chastier quand ils faillent, d'autre chose que de paroles. Il y a des occasions, où il est necessaire da

354

de frapper: mais ce n'est pas à dire, qu'aussi-tost qu'vne mousche nous pique, il faille auoir le baston à la main.La delicatesse nous amene ordinairement à cette rage, qu'aussi-tôt qu'il nous arriue quelque chose autrement que nous ne voudrios, nous entros en cholere, & voulons faire comme les Roys, qui bien qu'ils n'ignorent pas, que par la grandeur de leur Fortune, ils sont hors de la portée de toutes iniures, & que le reste du monde n'est que foiblesse auprés de leur force; toutesfois pour auoir sujet de faire déplaisir, se plaignent d'en auoir receu. Iene vous entretiendray pas dauantage, parce que ie sçay bien qu'il ne vous faut point de remonstrances. Vn homme de bien se plaist en sa prud'hommie: il ne s'en diuertit iamais : la malice, comme vne gitouëtte, se tourne tantost d'vn costé, tantost de l'autre: & sans regarder si le change luy porte quelque auantage, pense

pense toûjours auoir assez fait d'a. uoir changé.

A RGVMENT.

 Le mal, comme le bien, doit estre commun entre les amis.

 Les Sages desirent le profit de leurs amis; & les fols ne fondent l'Amitié que sur leur propre interest.

3. Fuyr la Sophisterie.

4. La Philosophie nous promet de nous faire égaux aux Dieux.

I. I'Ay receu de vous vne lettre sur le chemin, aussi longue que le chemin mesme. I'en reserueray la response pour vne autrefois. Car il n'est pas possible que ie vous donne vn bon conseil, que premierement ie ne me retire à part pour y penser. Ie sçay bien qu'a-

356 Les Epistres uant que me consulter, vous auez esté long-temps à vous y resoudre. Le vous laisse doc à penser; si ie doy legerement decider ce que vous auez eu de la peine à me proposer; puis, il y a des considerations en moy, qui ne sont point en vous. Ie parle en Epicurien : mais quoy que ie die, rien ne me peut estre confiderable pour vous, qu'il ne le foir pour moy.

I. Si ce qui vous touche, ne me touche, ie ne suis pas vostre amy: nous ne deuons auoir rien de separé. Bien & mal, tout est partageable entre nous: tout nous est commű:aussi n'est-il pas possible qu'vn homme viue heureusement, qui ne tourne les yeux que sur soy-mé-me, & qui ne considere que son prosit. Il faut que vous viuiez pour vn autre, si vous voulez viure pour vous. Cette societé, parce qu'elle nous mesle les vns aux autres, & nous apprend qu'il y a quelque droit vniuersel entre les homnies, est saintement & religieusement

observable; mais encore plus,parce qu'elle sert à l'entretien de cette autre plus intime & plus estroite, de laquelle ie vous ay parlé. Si beaucoup de choses vous sont comunes aucc vn autre, à qui la scule humanité vous oblige, toutes le vous seront auec vn amy. Voilà, Lucilius, dequoy ie voudrois que tous ceux-cy qui sont si subtils,me fissent des leçons, & qu'ils m'apprissent plustost ce que le suisobligéde faire, ou pour vn amy, ou pour vn homme, que non pas combien ces mots d'homme, & d'amy ont de signification.

II. La Sagesse & la folie me monstrent des chemins disserens: à laquelle me rangeray-ie? quel party estes-vous d'auis que ie prenne? La Sagesse a de l'amitié à l'endroit de tous hommes: La folie n'a pas mesme de l'humanité à l'endroit de sesamis. La Sagesse se prepare pour l'vtilité de ses amis. La folie se prepare des amis pour son vtilité.

358 Les Epistres
111. Vons me tournez les paroles d'yn sens à l'autre, & vous amusez à ranger les syllabes : mais me voudriez-vous bien faire croire, que si ie sçay faire des interro-gations captieuses, & des propo-sitions veritables, & tirer vne conclusión fausse pour l'approbation d'vn mensonge, que ie ne pourray connoistre ce que ie doy fuyr ou desirer. Ie rougis de honte, qu'en l'âge où nous sommes, nous-nous iouions d'vne chose de telle importance. Vn rat est vne syllabe; vn rat mange le fourmage, il s'enfuit donc, qu'vne syllabe mange le fourmage. Prenez le cas queiene sçache me desfaire de cette surprise; en quel inconvenient tomberay-ie, ou qu'est-ce qu'il m'en sera de pis? Ce sera peur-estre, que quel-que iour pensant prendre vn rat au trebuchet, ie n'y prenne vne syllabe; on que si ie n'y prens garde, vne syllabe ne mange mon fourmage. Mais peut-estre cette con**lequence**

fequence semblera plus subtile & mieux tirée. Vn rat est vne syllabe, vne syllabe ne mage point de sourmage, vn rat donc ne mange point de fourmage. O niaiseries vrayement dignes de petits enfans! Este e pourquoy nous fronçons les sourcils? Este ce pourquoy nous nous laissons croistre la barbe? Este ce que nous enseignons auec vn visage si melancholique & pâle.

1 V. Voulez - vous sçauoir ce que la Philosophie promet aux hommes? Conseil. L'vn se void prest à mourir, l'autre n'a dequoy viure: l'autre est en peine pour la conservation de ses richesses, & l'autre enuieux de celles d'autruy. Cettuy-là craint sa mauuaise sortune: cettuy - cy est en ombrage parce qu'il void que tout luy succede. Ses prosperitez luy sont suspectes: Il voudroit bien s'en deméles. L'vn est mal auec les hommes, & l'autre n'est pas bien auec les Dieux. A quoy seur peuvent servir

feruir ces badineries que vous leut alleguez ? Il n'est point question de rire. Ceux qui vous appellent font en peine. Les vns ont perdu leurs biens fur la mer, les autres sont prisonniers, les autres malade, les autres necessiteux : les autres ont artest de mort, & deja le glaine est tiré pour leur frapper la teste. Vous leur auez promis à tous du secours : A quoy vous amusez-vous ?où pensez-vous? Cettuy-cy que vous entretenez de chansons, asseurez-le. Tous ceux que vous voyez icy d'affligez, iettent les yeux sur vous. Toute autre esperance d'auoir secours que de vous, est perduë pour eux. Ils vous priét de remedier à leurs inquierudes,& auec le flambeau de verité, leur donner moyen de se remettre en chemin. Faites-leur connoistre les choses que la Nature a fait necessaires, & celles qu'elle a fait superfluës, combien il y a peu de pei-ne à suiure ses regles, combien est contente

Ŀ

contente, & pleine de toutes commoditez la vie de ceux qui s'y rangent, & combien au contraire ont d'anxietez & d'amertumes ceux qui se conduisent par opinion. À pprenez-leur à vaincre leurs passions, ou pour le moins à les moderer. Pleust à Dieu, que toutes ces Sophisteries ne fusient qu'invtiles. Elles sont pernicieuses, ie les vous monstreray quand vous voudrez, & vous feray anouer, Qu'il n'y a rien, qui rompe & debilite vn bel esprit, comme font ces subtilitez. L'ay honte de dire come ils équipent vn homme contre la Fortune, & quelles armes ils luy mettér en main pour cobattre. C'est icy le chemin du souverain bien par où vous allez. Vous ne trouuez que des tricheries, & des exceptions infames à ceux melines qui sont au tableau du Preteur. Carà quoy tendent vos interrogations captieules. sinon à surprendre yn homme pour luy faire-faire quelque

362

quelque faute en la forme de pro-ceder? Mais comme le Preteur releue ceux - cy, la Philosophie tout demesme releue les autres, & les restablit en leur entier. Qu'auez-vous à faire de nous tenir de si magnifiques langages pour les accompagner apres de si peu d'effet? Vous nous promettez de nous mettre l'ame en si bonne assiette, que l'or & le fer nous ébloüyront aussi peu l'vn que l'au-tre; & de nous fortisier tellement contre tout ce que les hommes craignent, & qu'ils destrent, que nous le foulerons aux pieds? Et cependant vous nous remettez comme des enfans à cognoiftre nos lettres. Que voulez-vous dire? Est-ce là le chemin d'aller au Ciel? car la promesse, que m'a fait la Philosophie, c'est que i'iray du pair auec Dieu. C'est ce qu'elle m'a dit en me conuiant : c'est ce qui m'ameine : tenez-moy parole. Croyez-moy donc, Lucillius, intrigueztriguez-vous le moins que vous pourrez en ces exceptions, & positions de Sophistes. Rien ne se sied mieux à la preud'hommie, que la franchise & la simplicité. Quand vous aurez à viure beaucoup d'années, ménagez-les si bien que vous voudrez; vous n'auez du temps que ce qu'il vous en faut pour les choses necessaires: ie vous laisse à penser, en ayant si peu, comme il vous en demeure, quelle apparence il y auroit de l'employer aux supersluës.

ที่ที่ที่ที่ที่ที่ที่!ที่:ที่:ที่ EPISTRE XLIX.

ARGYMENT.

1. Les objects nous r'appellent bien fouuent la memoire de nos amis absens.

2. De la vitesse du Temps.

3. Pour bien mourir, il faut souuent penser à la mort. 64 Les Epistres

 La Nature nous a domé vne Raison imparfaitte, mais elle nous a rendus capables d'instruction, pour la rendre parfaitte.

L L faut auouer, Lucillius, qu'il y a de la paresse, quand nous ne nous souuenons point de nos amis, si quelque object nenous les represente. Mais si est-ce que quelquefois le regret de leur éloignement sera dans le fonds de no-Are ame, sans se produire. Quelque lieu qui nous enuironne, le fera fortir au iour, & ne ressuscitera pas leur memoire comme morre, parce qu'elle ne l'est point, mais la r'appellera lors diuertie à quelque autre imagination: ny plus ny moins que si apres la mort d'vne personne, qui nous estoit si chere, vn valet, vne robe, vne maison nous r'appellent à la memoire de sa perte, & rafraichissent vne amertume, qui dessa par le temps auoit commencé à s'adoucir. Yous me sçauriez croire, comme la Campagne, & Naples principalement, à la veuë de vostre maison, m'a renouuellé le déplaisir, que i'ay de n'estre plus auec vous. Vous ne m'estes iamais plus present, que quand ie vous éloigne. Il m'est auis, que ie vous vois boire vos larmes, & resister naïuement à ces agreables tesmoignages, que la passion me produisoit de vostre amitié.

11. Il me semble qu'il n'y a rien que ie vous perdis: mais de quoy, ne pouuons-nous dire, ce fut hier, si nous ne nous en voulons ressoutenir? Il n'y a guere que l'estois à l'eschole du Philosophe Sotion; il n'y a rien que ie commençay de plaider; il n'y a rien que ie quittay le Palais: il n'y a rien que ie cessay d'y pouuoir aller. La diligence du temps est infinie: le moyen de s'en apperceuoir, c'est de regarder derriere nous: car quant à ce qui est present, il passe auec vnc suitte.

a precipitée, que nous n'auons pas loisir de le considerer. Voulezvous que ie vous en die la raison? Tous les temps qui sont passez, font en vn licu. Vous les voyez tout à la fois ; ils sont tous en vn monceau, de là toutes choses décendent en vn abyline d'oubly : Et d'ailleurs, il n'y peut auoir des interualles en vne chose, qui est toute courte. Ce que nous viuons n'est autre chose qu'vn poinct: Mais la Nature, pour nous le faire trouder plus long, en a fait plufieurs parties : de l'enfance elle en fait vne : de l'âge puerile vne au. tre : de l'adolescence vne autre : de l'age d'homme, inclinant vers la vieillesse, vne autre: & de la vieillesse la fin. Voyez combien de degrez elle amis en si peu d'espace. Il n'y a rien que ie vous allay conuier, quand vous vous mistes en chemin pour aller où vous estes; Et toutesfois ce rien est vne bonne partie de nostre âge; penions

1

pensons que nous en serons bientost au bout. Il ne m'a pas toûjours esté aduis, que le temps courust come il fait à cette heure. Ie ne sçay si c'est que ie me sens prés du bout, ou que ie commence de penser au mauuais ménage que i'en ay fait; mais ie ttouue qu'il va si viste, que presque ie ne me le puis imaginer. C'est pourquoy ie ne fus jamais si en cholere, que ie suis contre ceux qui dépensent le temps en choses superfluës, & ne confiderent pas, que quelque épargne qu'ils en fassent, il n'y en a pas à demy pour les necessaires. Ciceron dit, que quand il auroit encore vne vie au bout de la sienne, il n'en auroit pas assez pour lire les Poëtes Lyriques. I'en dy de mesme des Dialecticiens. Encore ils ne baguenaudent pas de si bonne grace; & qui pis est, il-leux est bien aduis qu'ils sont quelque chose de grande importance, au lieu que les autres font profes-

368 sion ouverte de donner du plaisir. Ie ne dis pas qu'il ne les faille voir, mais il les faut voir seulement, & leur donner le bon-jour de la porte, depeur qu'on ne nous en fit accroire, & qu'il ne nous fut aduis, que ce ne fut quelque chose de plus profitable que ce n'est. Que vous sert de vous confumer auec vne question, qu'il y a bien plus d'esprit à mespriser qu'à resoudre? C'est à faire à vn homme, qui n'a doute de rien, & qui ne part qu'à sa commodité, de rassembler iusques aux plus pe-tites choses, & ne vouloir rien laisser derriere. Quand l'ennemy nous vient sur les bras, & que l'alarme est au champ, la necessité nous fait tomber des mains ce que la paix & le repos nous auoient fait amasser. Ie n'ay pas le loisit à cette heure de rechercher les significations d'vne parole ambigue, & de faire voir en cela mon bel esprit.

Voyez

Voyez courrir le peuple, & border les remparts:

Voyez le fer aigu luire de toutes

parts.

La guerre me bruit aux oreilles : il me faut pouruoir d'vne ame genereuse, & qui ne s'estonne de rien ouir. Si en nostre ville assiegée, où les femmes & les vieillards portent des pierres pour la deffenie de la muraille, & les capables de porter les armes sont auec l'épée à la main derriere la porte, attendans ou demandans qu'on la leur ouure, pour sortir fur l'ennemy, qui de son costé par batteries, sappes & mines, fait trembler la terre sous les pieds, & n'oublie rien, afin de pouuoir entrer; vous me voyez bien de loisit dans vne chaire mettre en auant ces plaisantes questions. Ce que vous n'auez point perdu, vous l'auez; vous n'auez point perdu de cornes, vous auez donc des cornes, & telles autres resueries,

ries, faites au monde de cette-cy, ne diriez-vous pas que i'auois perdu le sens? Vous en pouuez dire autant à cette-heure. Le suis assiegé encore en vn siege de ville. Le danger seroit au dehors, & la muraille me couuriroit de l'ennemy: mais à cette heure ce qui me veut tuer, est dans moy. Ie ne suis pas de loisir d'écouter vos niaiseries: i'ay bien autre chose à demesser:

que dois-je faire ?

III. La mort me suit : la vie me quitte: donnez-moy quelque bon aduis: faites que ie ne fuye point la mort, & que la vie ne me fuye point : parlez-moy de la constance, qu'il faut auoir aux aduersitez, & de la resolution aux choses inéuitables. Faites que ie me contente du peu de temps que l'ay à viure, apprenez-moy, que l'importance de la vie n'est pas en l'espace; mais en l'vsage; & qu'il peut arriuer, voire qu'il arriue souuent, qu'vn aura cîté long-temps au monde.

14 A

monde, & n'aura pas beaucoup vescu. Dites-moy, quand ie me vay coucher: Il se peut faire, que vous ne vous leuerez jamais: Quand ie suis leué: il se peut faire que iamais vous ne vous coucherez. Quand ie sors de la maison: il se peut faire que vous n'y rentrerez plus: Quand i'y suis rentré; il se peut faire que vous n'en sor-tirez plus. Vous-vous abusez, si vous pensez, que ce soit seulement en vn batteau, que nous sommes à deux doigts de la mort : c'est par tout. Elle se peut bien quelquefois monstrer pres de nous, mais tousiours elle en est aussi pres en vn lieu qu'en l'autre. Dissipez-moy ces tenebres : vous aurez moins de peine à m'enseigner vne chose à laquelle ie suis preparé.

I V. La Nature nous a fait ca-

pables d'instruction,& si nous n'auons vne raison parfaite, nous en auons vne qu'il y a moyen de conduire à la perfection. Parlez-moy

372 Les Epistres

de la Iustice, de la Pieté, de la Frugalité, de la Chasteté, tant de celle qui nous garde d'attenter sur le corps d'autruy, que de celle qui nous rend soigneux de conseruer le nostre: si vous ne me destournez point du chemin, ie seray bien-tost où ie veux aller: Car comme dit le Tragique.

La verité parle sans artifice.

Et pource il ne la faut point embroüiller. Le déguisement est la chose du monde la moins convenable aux mouvemens d'vne belle ame, & la plus indigne de ses descins genereux & relevez.

Fin de la premiere Partie

VILLE DE LYON Biblioth, du Palais des Aris



TABLE DES EPISTRES

UE

SENEQVE

EPISTRE I.

E temps est la seule chose que l'homme possede, & celle qu'il meprise le plus.

 Le seul remede qu'on peut apporter à la fuite du temps, c'est de le bien employer en tout âge.

Pag. 3 EPISTRE II.

 La letture de diuers liures nuit plus qu'elle ne profise.

2. C

2. Celuy - là n'est pas pauure, qui a peu, mais celuy qui desire dauantage que ce qu'il a. EPISTRE III.

 Il faut penser long-temps a faire un amy; mais apres l'auoir fait, il ne luy faut rien tenir de caché.

 On n'est pas moins blâmable de ne se fier à personne, que de se fier à tout le monde.

3. Le Sage doit chercher le repos dans un honneste trauail. EPISTRE IV.

1. Du contentement de l'ame, apres qu'elle a quité les vices.

2. Du peu de sujet que nous auons de craindre la mort.

3. La pauureté qui se mesure à la regle de la nature, est la plus grande richesse de l'homme. 17

EPIŠTRE V.

1. Il faut estre Philosophe en effect, 👉 non pas en apparence.

2. Vne trop grande austerité de vie est ridicule & blasmable.

3. L'es

3. L'espoir & la crainte donnent la gesne à nostre ame 25

EPISTRE VI.

1. Plus on fe connoist éloigné du vice, & plus on est proche de la perfection.

 La science est inutile, si elle ne passe des vns aux autres.

 On apprend plus par la conuerfation des doctes, que par la lecture de leurs liures.
 32

EPISTRE VII.

s. Für la multitude.

 La compagnie nous gaste. Il blasme les spectacles des Gladiateurs.

3. Les vices s'insinuent par le nombre des exemples.

4. Il ne faut point chercher l'approbation du peuple.

EPISTRE VIII.

 La vie contemplatiue n'est pas inutile.

 Nous auons affez quand nous auons ce qui nous est necessaire.

3. Il louë la Philosophie.

R 2 4.Les

4. Les choses casuelles ne some point nostres. 46

EPISTRE IX.

 Le sage est inuincible aux incommoditez, mais non insensible. It ayme d'auoir un amy, mais n'en ayant point il s'en peut passer.

2. Il faut aymer pour estre aymé, le contentement de faire un amy est plus grand que de l'auoir.

3. Les vrais amis ne visent qu'aux biens de ceux qu'ils ayment. Des amis de fortune.

4. Le Sage pour viure heureusement, se peut passer de tout le monde, mais pour viure non.

5. Le Sage est content de sa condition, & le fol au contraire. 52

EPISTRE X.

 Les meschans ne doinent point viure seuls.

2. Quels doinent eftre les væux des gens de bien.

3. Qu'il faut viure auec les hommes comme veus de Dien, & parler auec Dieu comme efcout & des hommes. 68

EPISTRE XI.

- 1. Il defend ceux qui rougissent.
- 2. Les habitudes naturelles ne se peuuent changer.
- 3. Il se faut tousiours imaginer quelque homme d'honneur pour tesmoin de nos actions, asin de ne faire rien mal à propos. 73

EPISTRE XII.

- Toutes choses representent à l'homme sa vieillesse.
- La vieillesse n'est pas sans plaisir.
- 3. Estre preparé à mourir tous les iours.
- 4. Il est en nous de fuyr nos miseres quand il nous plaist. 80 EPISTRE XIII.
- Nul ne peut s
 çanoir s
 a force s
 ans
 l'auoir espronuée.
- Les reprehensions du mal à venir, sont quelquesfois fausses & tousiours inutiles.
- Les vieillards qui ont des efperances & font des desseins, sont ridicules.

R 3 EPIS

Table des Epistres EPISTRE XIV.

- 1. Comment il faut aymer le corps.
- 2. Se tenir loin des Grands.
- 3. La pauureté nous met à counert de l'ennie & de la hayne.
- 4. Caton est blasmé de s'estre entremis des affaires de la guerre cinile.
- 5. La vie peinée est la plus senne.
- 6. Celuy là a plus de richesses qui s'en sçait le mieux passer.102 EPISTRE XV.
- 1. L'estude & l'agitation moderée font l'exercice de l'ame, comme courir, sauter, aller en carosse, & parler haut, sont l'exercice du corps.
- 2. Comment il faut conduire la voix.
- 3. Celuy qui se contente de sa condition est beureux.
- 4. Les biens de fortune ne donnent point un parfait contentement, ils sont dangereux & peu solides.

EPIS

EPISTRE XVI.

- 1. La Philosophie doit estre la guide de l'homme.
- 2. La Philosophie doit estre vtile à l'homme, soit qu'une Prouidence Eternelle gouverne le monde, ou que les choses arrivent fortuitement, dautant qu'elle enseigne à obeyr à Dieu, & à souffrir les adversitez avec patience.
- 3. Celuy qui se regle par les loix de la nature est riche, qui par celle de l'opinion est pauure. 123 EPISTRE XVII.
- L'apprehension de l'estat de nos affaires, ne nous doit point destourner de l'estude de la Philosophie.
- 2. Louange de la panureté.
- Celuy qui veut premierement amasser du bien, & puis adonner à la Philosophie, fait la sin de ce qui doit estre le commencement.
- 4. Il ne faut, ny pour la pauureté, ny pour l'indigence, se retirer

R 4 de

de la Philosophie.

 Le Sage n'a faute de rien, parce que la nature se contente de peu, mais le riche vit dans les inquietudes, & a faute de tout.

6. Les richesses ne mettent pas sin aux miseres, mais elles les changent. 130

EPISTRE XVIII.

 Le Sage doit estre moderé dans les debanches publiques, s'il ne les peut fuyr tout à fait.

2. Nous denons quelquesfois faire essay de l'abstinence & de la pauureté, & an milien des caresses de la fortune nous resoudre à ses ontrages.

3. Où il y a trop de colere, il n'y a izmais assez de ingement. 139 E PISTRE XIX.

 Le Sage ne doit point vieiller à la Cour, ny dans les Charges publiques, mais chercher son repos de bonne heure, non pas tout à fait dans la solitude, mais dans une honneste occupation.

2. Les

2. Les amis de table ne sont point les vrais amis, on ne doit pastant prendre garde à la chose donnée comme à celuy qui la reçoit. 148 EPISTRE XX.

1. La Philosophie est une escole de bien-faire, & non de bien parler. Estre constant en ses resolutions, est la marque d'un homme sage.

2. La pauureté fait connoistre les vrais amis, la gloire d'une ame genereuse n'est point d'aller au de-uant des incommodite, mais de s'y preparer par le mespris des richesses, comme à des choses qui ne sont pas difficiles à supporter.
3. Qu'il faut quelquesois se repre-

fenter une pauwreté imaginaire pour s'accoustumer à la veritable.

EPISTRE XXI.

1. La vertu nous rend immortels, & non les biens de la fortune.

2. Celuy qui a borné ses desirs est riche.

R 5 EPiS

Table des Epistres EPISTRE XXII.

s. Le Sage se doit tout à fait demêler des occupations specienses en apparence, & pernicieuses en effect.

2- Le moyen d'échapper aux occupations publiques, c'est d'en mépriser les bonneurs & les recompenses.

3. Nous entrons au monde meilleurs que nous n'en fortons. 175

EPISTRE XXIII.

 La vraye joye confiste en la bonne confcience, au mespris des vanitez, des choses casuelles, & en vn reglement de vie vniforme.

2. Celuy - là vit honteusement, qui commence tous les iours à viure. 185.

EPISTRE XXIV.

3. Qu'il ne faut point apprehender les maux à venir.

2. Le moyen de n'apprehender point les maux à venir, oft d'en prendre la mesure à part soy, & taxer sa crainte.

3. La mort n'a que l'apparence d'un plus grand mal, & toute sa pompe n'est que la douleur d'une goute, d'une colique, ou d'une femme en son acconchement.

4. La mort & les afflictions sont la condition de la vie.

5. Chaque iour emporte une partie de nostre vie, & la derniere heure n'est pas celle qui fait la mort, mais qui l'accomplit.

6. L'homme Sage ne doit craindre ny desirer la mort. 193

EPISTRE XXV.

 Les maunaises habitudes quelques enracinées qu'elles soient, ne sont point incurables.

 Le plus pauure du monde est afsez riche pour auois ce qui est necessaire.

 Qu'il nous fant representer un tesmoin en tontes nos actions; il n'importe quel, pour neu que sa vie soit telle, que les plus per dus ayent bonte de faire paroistre leurs vies deuant luy.

4. L'hom

4. L'homme de bien doit viure chez foy, & le méchant en compagnie. 211

EPISTRE XXVI.

- La vieillesse affoiblit le corps, & fortisse l'ame en la deliurant des vices.
- La mort qui est causée par la vieillesse est douce.
- 3. La mort est le inge veritable de nostre vie.
- 4. Qu'il faut continuellement apprendre à bien mourir. 216 EPISTRE XXVII.
- Les vieillards sont blasmables qui ayment les plaisirs des jeunes gens, & qui ne sont pas mourir leurs vices deuant qu'eux.
- 2. La versu est le seul bien de l'homme, qui ne s'acquiert pas par procureur, comme beaucoup d'autres sciences. 223

EPISTRE XXVIII.

 Le changement des lieux ne profite point à ceux qui portent leurs vices auec eux.

2. Fuyr

2. Fuyr le bruit du Palais.

3. Connoistre sa faute, c'est estre en voye d'amendement. 229 EPISTRE XXIX.

1. Qu'il ne faut pas cesser de reprendre ceux qui n'ayment point à estre repris.

2. Bes méchans ne rient pas longtemps.

3. La versu enseigne le mespris de la mort.

4. On ne peut plaire au pouple & estre homme de bien.

EPISTRE XXX.

1. La vieillesse est une maladie sans remede.

2. Le Sage ne craint point la mort.

3. Les vieillards pennent mieux parler de la mort que les jeunes.

4. La necessité de mourir doit ofter l'apprehension de la mort.

5. La vieillesse nous tire du monde Sans violence.

6. Le Sage seul fait bon visage à la mort.

7. Les vicillards doinent moins crain

craindre la mort que les jeunes, bien qu'elle soit toussours aussi prés des uns que des autres. 243 EPISTRE XXXI.

 Fuyr la volapté : la felicité de l'homme gift au repos de l'ame.

 Il n'est point de bien sans vertu, ny de mal sans vice.

3. Definition du bien & du mal, qu'elle est la regle du Sage.

4. L'homme Sage est seul heureux. 256

EPISTRE XXXII.

 Le Sage ne frequente pas ses semblables.

 Il acheue de vinre deuant que de mourir.

3. Pourquey nous desirons de viure long-temps. 263
EPISTRE XXXIII.

1. Les discours des Stoïques, sont sententieux.

 Pour faire iugement d'un grand personnage comme d'une belle femme, il faut tout voir.

3. Vn komme d'âge ne doit pas tou-

fiours rapporter les dits d'autruy, mais doit raisonner luymême. 267

EPISTRE XXXIV.

 Le sage disciple réjonyt le Precepteur.

2. Pour deuenir bomme de bien, il ne suffit pas d'auoir bien commencé, il faut bien sinir. 275 EPISTRE XXXV.

1. L'amitié fait tousiours du bien, & l'amour quelquesois du mal.

 Le plaisir qu'on prend auec ses amis, est plus sensible par la presence.

3. La constance est la marque d'un bomme sage. 278

EPISTRE XXXVI.

 Preferer la vie prinée à celle des courtisans & des personnes publiques.

 L'humeur morne est plus propre à l'estude, & l'estude des premieres lestres plus conuenable aux jeunes qu'aux vieux.

3. Le commerce des amis doit estre des

des bonnes mœurs, & non des biens de fortune.

 La regle du Sage c'est le mespris de la mort.

5. La persuasion n'est point necessaire, où l'inclination nous porte.

6. La mort ne nom ofte point la vie, mais luy donne quelque intermission. 281

EPISTRE XXXVII.

 La Philosophie nous enseigne à vaincre les necessitez, & à surmonter les passions.

 Il nous fant obeyr à la raison si nous voulons qu'on nous obeysse.

EPISTRE XXXVIII.

 Les discours familiers son plus puissans pour enseigner, que les elegans & les polis.
 EPISTRE XXXIX.

1. Un esprit genereux suit l'exemple des choses louables.

 Fuyr les grandeurs excessines, & s'arrester aux mediocres.

3. Le peché ne va iamais sans penitence

tence & sans douleur.

4. Les voluptez rendent par l'acconstumance les choses necessaires, qui estoient auparauant superflues. 294

EPISTRE XL.

- 1. Les lettres nous representent les amis absens.
- Il blasine le parler viste, & approuue le lent en un Philosophe.

EPISTRE XLI.

- 1. L'homme de bien est tousiours accompagné d'un bon genie.
- 2. Mespriser les biens de fortune, & aymer ceux de l'ame, c'est le fait du bon gerie, ou d'une vertu diuine qui est dans l'homme de bien.

EPISTRE XLIL

- 1. Les hommes de bien sont rares.
- 2. Faute de puissance & non de volonté, on cesse bien sonuent de mal faire.
- Nous ne s
 çauons faire choix des choses qui nous sont villes.

4. La

4. La perte des choses fortuites n'est point fascheuse. 316

EPISTRE XLIII.

1. Les actions des Grands in

- Les actions des Grands insques aux plus perires, ne peuvent estre cachées.
- 2. L'homme de bien ne cache point sa vie comme le mechant. 322 EPISTRE XLIV.

1. De la vraye & fausse Noblesse.

2. Les Nobles & roturiers ont mesme origine.

3. Le trop grand desir des biens de fortune empesche la felicité. 325 EPISTRE XLV.

1. Peu de liures, mais bons. Les disputes captieuses sont inutiles.

 Le vice nous fait la guerre sous une apparence de vertu.

3. Quel homme se peut dire heureux.

4. Si toutes les choses necessaires peuvent estre appellées biens.

5. La meilleure partie de la vie se passe à la recherche des choses supersluës.

EPIS

EPISTRE XLVI.

 Les beaux liures quelque groffeur qu'ils ayent, ne font iamais longs.

EPISTRE XLVII.

- 1. Comment il faut viure auec les feruiteurs.
- 2. Que leur employ est different, selon qu'il plaist à la fortune. 342

EPISTRE XLVIII.

- 1. Le mal comme le bien, doit estre commun entre les amis.
- 2. Les Sages desirent le profit de leurs amis, & les fols ne fondent leur amitié que sur leur propre interest.
- 3. Fuyr la Sophisterie.
- 4. La Philosophie nous promet de nous rendre égaux aux Dieux.

355

Table des Epist.de Sen.

BPISTRE XLIX.

- 1. Les objets nous rappellent bien fouuent la memoire de nos annis absens.
- 2. De la vitesse du temps.
- 3. Pour bien mourir, il fant souvent penser à la mort.
- 4. La nature nous a donné une rais fon imparfaite, mais elle nous a rendus capables d'instruction pour la rendre parfaite. 363

FIN.

VILLE DE LYON Biblioth du Palais des Arts